


N. B. Notarü & Procuratores. P. 14. 15



K-I-21



VITÆ HUMANÆ
PRO SCENIVM
sub Persona

GVSMANNI ALFARACHII
representatum.
CASPARE ENS' editore.

DANTISCI.

Sumptibus Georgii Försteri.

S. M. R. Bibliopole.

M. D. C. LII.

*Cum Privilegio S. M. R. Poloniæ
et Sueciæ.*



Cremitarum (Cremat) Montis Lugentia

Civitas Canadensis
Montis Argentei

V I T Æ
H U M A N Æ
PROSCENIUM:

IN QUO
S U B P E R S O N A
G U S M A N I A L F A R A C I I

virtutes & vitia; fraudes, cautiones; simplicitas,
nequitia; divitiæ, mendicitas; bona, mala;
omnia denique quæ hominibus cujuscunque ætatis
aut ordinis evenire solent aut possunt, graphicè
& ad vivum representantur.

OMNI ÆTATIS ET
conditionis hominum tam instructio-
ni quam delectationi dicata.

C A S P A R E E N S *editore.*



D A N T I S C I

Sumptibus GEORGII FORSTERI.

Per Illustri ac Generosissimo

DOMINO,

D.^{no} Andreæ Hyeronimo
Paris, Capitanco Czirscenti
&c. &c. Domino ac Patrono
observandissimo.

Per Ill.^{is} ac Generosissime Domine,



Roscænium vitæ humanę,
ab incomparabili quon-
dam Viro, Casparo Ens,
sub persona Gusmanni, affabrè
representatum, maximo omnium
Literatorum applausu, inde ab
initio fuit exceptum: Indeque fa-
ctum, ut Exemplaria penè omnia,
privatis cesserint; vix uno aut
altero, publicis usibus relicto. Ut
verò ingeniosum hocce, solers-
que scriptum, ab interitu vindica-
rem, typis meis recusum, publi-

DEDICATIO.

ci nunc iterum juris facio. Cæte-
rùm ut labor hic meus gratior in
oculos & animos mortalium in-
currat, Per Ill.^{is} ac Generosissi-
mę Dom. Tuę, inclytum nomen
in frontispicio extare volui, tùm
quod scriptum, si æqua lance tru-
tinetur, dignum omninò sit, quod
Tibi in literis undiquaque versa-
tissimo, & seria non minus quàm
jocosa amanti, quotiès sub Veri-
tatis involucro mentem instruunt
aut acuunt, offeratur dedicatur-
que; Tum vel imprimis quia sum-
mus literarum fautor ac promo-
tor es, mihi que non ita pridem
autor ac stimulus extitisti, ut Var-
sevicii nostri præclara opera, luce
iterùm donarem, quæ nescio, ubi-
nam hætenus neglecta jacuère,
ac quasi cum tineis & blattis cer-
ta-

DEDICATIO.

tarunt: Hęc me causa unicè impulit, ut præsens opusculum Per Illustri Tuo nomini inscribere, & per hoc gratę meę mentis tesseram in publico erigere non dubitarim. Quod, uti spero Tibi haut ingratum erit. Vale Per Ill.^{is} ac Generosissime, atque perge literarum cultores, sicut laudabiliter jam olim cœpisti, imposteorum etiam indefinenter amare.

Per Ill.^{is} ac Generos.^{mæ} D.^{nis}
Tuæ

Ad servitia paratissimus
GEORGIUS FORSTERUS.

Ad Lectorem.



Utiarum ac variarum rerum similis Vita humana dicitur: quarum rerum innumera pene seu similitudines seu Comparationes & in libris passim leguntur, & multa insuper excogitari adhuc possunt. Mihi tamen vix ulla magis arridet, quàm ea qua Fabula seu Mimo comparatur. In quo mecum sentit Latinus sapiens, qui alibi ait, Omnia hominum negocia similia Mimis esse. Augustus quoque Cæsar, ut Suetonius refert, paullo ante obitum amicos percunctatus est, Ecquid eis videretur Mimum vitæ commodè transegisse. Et ipse Cato apud Ciceronem Senes monet, dent operam ne tamquam inepti histriones extremo in actus concidant, & explodantur. Hoc è tantum pertinet, ut intelligas, lector, cur Libello huic titulum Vitæ humanæ Proscenium fecerim, nimirum quod ut Fabulæ in theatro representata, ita Vitæ quoque diversi sint Actus, variae vicissitudines, Eventus inopinati Cæteraque

AD LECTOREM.

que infinita fere, non addo, quod facile cui-
vis ea colligere.

Restat ut illorum amoveam calumnias,
qui nihil nisi Virtutis nomen aures juven-
tis circumsonare, Vitiorum ne audiri quidem
volunt. Inepti profecto Censores! Quomodo
enim virtutem & Vitium quis internoscatur,
qui utrumvis non nōrit? Quomodo bonum
sectabitur quis nisi malum fugiat? At quo-
modo fugiet rem ignotam? Utrumque ergo
noscendum, Bonum, & Malum: sed diver-
so fine. hoc, ut fugias; illud, ut sectere. Mo-
rum gravitate omnibus gentibus superiores
Lacedemonii, numquid ebrios helotas seu
servos in liberorum conspectum produxerunt,
ut perspectam ebrietatis turpitudinem tanto
magis detestarentur, & vitarent? Scio eam
esse humani ingenii imbecillitatem, ut pronio-
re appetitu ad Malum quam ad Bonum fe-
ratur; qui tamen error inde ut plurimum nas-
citur, quod juvenes praesertim opinione dece-
pti, bonum existimant quod malum est, &
malum quod bonum. Hunc melius certe mul-
to agnoscent, & emendabunt, si aliorum inspi-
ciant exempla: & quid huic vel illi evenerit

AD LECTOREM.

considerent. Efficacius docent exempla quam precepta. Et unde illa insipientium, omnibus tamen fere usitata excusatio, Non putâram? nisi quod fraudem aliorumque in vita humana eventuum ignari nos ipsos falsis imaginationibus decipimus?

Quemadmodum ergo Tela prævisa minus feriunt, ita minus quoque mirum accidet quidquid in vita evenerit illi qui jamdudum omnia precepit, atque animo secum peregit. quod facere nemo potest, nisi qui vel à seipso, vel ab aliis experientiam habeat. At quanto melius est alterius exemplo quam suo malo sapientem fieri! Hic finis unusunicus huic libello: cujus materiam mihi suppeditavi Matthæi Alemanni Regii quondam Secretarii & gravissimi viri de Gusmano Alfarcio Hispanica lingua conscripta Historia, vicies quater edita: ita tamen ut non tam Interpretis quam Autoris personam egerim. Tu his jam frue: & tam facetiora quam utiliora futuri nundinis, si Deus vitam dederit oculumque fecerit, expecta.

I N D E X

C A P I T U M.

- I. *Præfatio. Gusmani Natales.* I
- II. *Quæ & qualis fuerit mater Gusmani : & de occasione contracti inter ejus parentes matrimonii.* 19
- III. *Prima Gusmani peregrinatio.* 35
- IV. *Agasoni narrat Gusmanus quid sibi in caupona acciderit. is vicissim cum multo risu duas similes illi narrat historias. De injuriis condonandis Exhortatio.* 43
- V. *Gusmanus in alio hospitio cum agasone non minus opipare quam in priore illa tractatur. Cauponum doli & malitia.* 56
- VI. *Sequentis diei Historia.* 60
- VII. *De hominum Felicitate & Infelicitate Apologus. Gusmani dum reliquum viæ conficit, adversus casus. 65. Lazarillus adolescentiæ suæ narrat historiam.* 74
- VIII. *Gusmanus Cazzaglia Madritum proficiscens, miserabilis hominis conditiones experitur. In via Cauponi operam addicit.* 121
- IX. *Gusmanus Madriti mendicans, circumforaneas artes discit.* 130
- X. *Gusmanus Coquinae se addicit, artesque ibi usitatas describit.* 135
- XI. *Reliqua quæ apud Coquum sibi acciderint narrat.* 143
- XII. *Ad priorem artem redit, & mira sed non imitanda*

I N D E X.

anda arte magnam vim pecuniæ sibi acquirit.

150

XIII. Toleti amoribus dans operam turpiter circumducitur. Vbi notantur fraudes meretriciæ, & simplicitas juvenilis.

157

XIV. Almagrum profectus, militiæ nomen dat.

168

XV. Absumta furtiva pecunia, Centurioni la-vernionis præstat operam.

175

XVI. Genus ludibrio habitus, Romam proficiscitur.

183

XVII. Ad Mendicorum tribum se adjungit, ejusque mores, statuta & leges addiscit.

190

XVIII. A Cardinali quodam chirurgis sanandus traditur: sanatus inter domesticos ministros recipitur.

196

XIX. Que Gusmano in Cardinalis acciderint ministerio.

201

XX. Urbis Romæ descriptio.

215

XXI. Gusmanus post multas patratas nequitias à Cardinali dimittitur.

243

P R O.



PROSCENIUM
VITÆ HUMANÆ,
IN QUO

*Sub Gusmani Alfaracii per-
sona admirabiles Fortunæ
casus, virtutes, vitia, bona,
mala, &c. tamquam in spe-
culo proponuntur.*



CONSILIUM mihi est
meamipsum vitam describe-
re. Sed vide, quæso, curiose
Lector, quò me non hono-
ris, non lucri, sed tuæ utili-
tatis studium abducat! qui ut meo e-
xemplo & meliorem & prudentiorem
te faciam, tamquam socer meo meisum
incidio proderem, vel potius tamquam si-
mia ex alto pudenda mea omnibus con-
spicienda dare non dubito. Hinc mul-
ti, hyænarum more, sepulcra me effo-
dere

dere & mortuorum cadavera dilacera-
re, vel, ut quidam ait, patrios cineres
commejere dicent: eoque non stultitiæ
aut dementiæ, sed impietatis dicam mi-
hi impingent. Quid tu, inquier, an sic
pietatem colis, qui parentum, qui tuo-
rum ipsius natalium vitia in manife-
stum profers? Siccine divinam observas
legem, quæ non modo parentes colere,
sed & proximi cujusque turpitudini ve-
lum injicere jubet? Quanto tu peior,
quanto sceleratior reliquis calumnia-
toribus, qui plerumque alienis vitiis
sua obtegunt! at tu salivam quasi in
cælum exspuis, quæ in te sit recasura.
Equidem cum Lentulo suram præbeo;
spero tamen æquum Lectorem, ubi
meas rationes cognoverit, haud gravate
veniam mihi daturum. Primum enim
historiam vitæ meæ descripturo nefas
videbatur historiæ leges migrare, quæ
volunt ut non minus parentes & stem-
mata magnorum virorum quam res
gestæ consignentur. Et tutius quoque
mihi tam ad fidem quam ad famam vi-
debatur, puram putam veritatem scri-
bere, quam è nescio quibus vetustis
lacunis (quod hodiè multi per sum-
mam vanitatem faciunt) stirpem deri-
vare; aut natalium turpitudinem seu
vililitatem longe petitis fabulis aliisque
mille

*Excusa-
tio,*

mille involucris, frustra celare velle.
 Est enim tota parentum meorum vita,
 lippis etiam & tonsoribus hodiè tam
 nota, ut si quæ vera sunt negare velim,
 impudens ab omnibus merito habe-
 ri debeam; si vero falsa pro veris adfin-
 gere, novam eamque amplissimam ca-
 lumniaturientibus materiam sim præbi-
 turus. Quam multorum enim natales *Notate*
 cum magna ipsorum laude nescirentur, *glorio-*
 si jactatione sua aliis amquirendi oc- *sult.*
 casionem non dedissent! Numquid
 ergo melius facere videor, si textum ita
 uti est, simplicem atque apertum pro-
 feram, sicque aliis glossas affingendi li-
 bidinem eripiam & facultatem? Sunt
 eo ingenio plerique homines, ut in
 simpulo, quod dicitur, fluctus exci-
 tent, & ex Musca Elephantem faciant;
 alta deprimant, depressa elevent; præ-
 sumptionem pro evidentia, audita pro
 visis, opinionem pro scientia ponant;
 non tam rebus denique quam rerum
 umbris & adscititio suco & alios ca-
 ptent, & ipsi capiantur. Mihi vero eques
 ille placet, de quo jam dicam. Is Man-
 tuæ Carpetanorum (*Madritum* vocant)
 quum esset, extraneo in solo, & equis,
 quos admodum pulcros ac generosos
 Hispania producit, impense delectaretur,
 neque verò, lege prohibitus, quum

*Notate
Parer-
gista.*

discedere vellet, vivos in patriam secum abducere posset; ut ejusdem voluptatis quam ex aspectu capiebat, domi amicos participes faceret, à duobus præstantissimis pictoribus petiit, ut quisque unius ex generosissimis depingendi negotium sumeret, præter mercedem ei cujus opus esset probatissimum, præmio promisso. Eorum unus in tabula equum ita ad vivum expressit, ut ei nihil quam anima deesse videretur. Alter equum & ipse quidem depinxit; sed quum artem suam à natura paulum aberrasse animadverteret, ipsi equo frænum addidit, sellam, phaleras, tum circumcirca, suo quidque loco, nubes, arbores, prata variis floribus vernantia, rudera, ædificia, fluvios, & quidquid ars pictorum imitari gaudet, adpinxit, suis quidque coloribus quam scitissime illustrans, ut aspectu vix quidquam esse posset jucundius. Accedunt uterque & opera sua offerunt. Primus equum nudum, sed ita factum, ut spirare videretur. quo delectatus Eques, & mercedem postulatam statim solvit, & donum non exiguum addit. Profert suam tabulam alter quoque, & liberalitatem Equitis erga primum admiratus; immensum precium poscit. Obstupefscens ille, Non te puder, inquit, tanti opus tuum indicare,

care, quum negare ipse non possis à perfectione ejus quod primus fecit, plurimum abesse? Tum pictor, Ad equum quod attinet, fateor palmam mihi ab illo præreptam; sed ornamenta illa vide undique circumpicta, quæ plure sumtu & labore mihi constiterunt quam ipse equus. Quid tu, inquit Eques, an tibi ego mandavi ut ædificia mihi, prata, arbores, & ejusmodi res depingeres, quæ in patria mea non minus pulcræ sunt ab ipsa Natura factæ, quam ullibi terrarum. Equum pingere jussi: equum pingere te oportebat. Proinde ita uti convenerat, pro equi pictura tibi satisfaciam. Cætera quæ addidisti parerga & emblemata, tu ipse tibi serva. mihi enim iis non opus. Quid saceret tanquam corvus hians delusus pictor? Jure agere non poterat; & in Equitis, qui jam voti sui compos erat, liberalitate parum spei sibi relictum videbat. Suum ergo opus sibi habuit: sicque discessit. O quam multi sunt pictoris hujus similes, quibus rem quamcumque ita uti est narrare velut religio est! Addunt, detrahunt; augent, extenuant; laudant, vituperant; nihil ex vero, ex lubidine & affectu omnia judicant & loquuntur. Nullum textum audias; glossas meras. Desformis, formosus; ignavus, fortis;

*Perver-
sa judi-
cia.*

stultus, sapiens non videtur, sed est : illis quidem. & vicissim. Ex tribus triginta, è triginta trecenta, è trecentis tria millia faciunt (& proclive hoc est, una o. addita) & quod pessimum est, linguis suis venenatis bonam aliorum famam & existimationem inficiunt, non tam veris quam ex vero aliquid trahentibus, immo affectis sæpe criminibus. Quid ego non ab his, quid parentes mei molestissimarum injuriarum (ita enim videbantur) non accepimus? Utut vero res se habeat, certe parentes meos negare non possum nec debeo. Sua illis virtus honori ac præmio, malitia fraudi erit. De me quidem illud dicetur: O quam non degenerat Gusmanulus noster, quam parentum suorum est similis! Interim velim lynceos illos aliorum censores id manticæ inspicere quod à tergo est. Credo equidem ubi suorum pedum turpitudinem viderint, mox pictam illam explicatarum pennarum rotam contracturos ac demissuros. Rides meos parentes ac majores. at ego plorare tuos jubeo: quos tu ipse, quales fuerint, ignoras. Cave sis, nimium jactes genus tuum: cujus à primordiis repetiti auctor aut veteramentarius, aut parasitus, aut scriba iniqui Mammonis, aut mercator usurarius forte fuit. Sed ad rem.

Patri

Patri meo, patria fuit pars illa Mundi Orientalis (vides & hic amplitudinem & magnificentiam) ubi Carthago olim sita fuit. unde quum Genuam negociandi causa venisset, pecunia, quam copiosam possidebat, adjuvante, non multo post inter Nobiles seu Patricios fuit habitus. Quæris, quam negociationem exercuerit, quæ mercimonia tractarit? Quid me pudeat dicere quod primarios ætate nostra viros video facere? Collybista fuit, seu Cambiarius. Scio usurarum nomine male audisse. Sed vere hæc & alia male audiebat, & plus quam Spartana nobilitate concoquens, impune aures prætervolare patiebatur. Neque tamen ego vel usurarios sanguisugas vel usuras laudaverim, illas præsertim quas palliatas, aut quas siccas vocant: de quo universo hominum genere dici potest, *vocem Iacobi, manus Esau* habere. Sentiat hic quisque quod volet; ego censendi jus sine populi suffragio mihi non sumam. Hoc tantum dico, si qua nota hinc illustri meo generi inuratur, eam mihi cum multis summis & medioximis communem esse. infimos non addo, quos plerisque infantes hujus criminis præstat inopia.

*Pecunia
nobili-
cat.*

Ajunt nonnulli, aut, quod malo cre-

A 4 dere,

Notate
hypocritas.

dere, calumniantur, patrem meum hypocritam fuisse. Sed o perversa judicia! Equidem si Sacerdotem aut Monachum videam, intempesta nocte, gladio accinctum, per scalas in loca ædilem metuentia enitentem, ac per fenestras irrepentem, stulto stultior sim si audientium Confessionum aut administrandorum Sacramentorum gratia eò venisse illum credere velim: at si quis facra sine ulla intermissione frequentet, ab uno templo ad aliud currat, coram omnibus in genua provolutus, se ipsum assiduis precibus fatiget: inhumanum sane fuerit, & ab omni ratione alienum, ejusmodi hominem ut hypocritam insimulare ac traducere. Ad patrem meum quod attinet, solebat is assidue Rosarium secum circumferre, cujus sphaerulae avellanarum excedebant magnitudinem, quo à proavia ad se transmissa, mater mea illum donârat. quotidie sacris intererat, genibus innixus, & ad cœlum manus expandens, propitium rebus suis numen rogabat. Nec parcus erat in distribuendis eleemosynis, in quo pio opere tamen ita versabatur, ut observaret præceptum illud Evangelicum: *Luceat lux vestra coram hominibus.* neque enim temerè quidquam erogabat, nisi testem haberet quasi universam civitatem.

vitatem : locum , tempus observans , quando , ubi maxima multitudo convenire solebat. Quid autem mea refert , quod inde à nonneminē hypocryfeos insimulatus est ? Ego bonis omnibus & nullo præjudicio occupatis liberum judicium relinquo. Nonnullam forte sequius suspicandi causam dedit clandestinus ejus discessus : cujus tamen gravissimas causas habuit. Quum enim societatem cum Hispalensi quodam mercatore contraxisset , is vero (Biante illo multo prudentior qui *sua* tantum secum asportarat) cum creditorum suorum pecuniis profugisset : pater meus , qui inter illos erat , velis remisque hominem persequi , & vel pessima quam nulla conditione depacisci cum illo decreverat. Illius ergo itidem prudentiam imitatus , convasatis quas poterat rebus , insalutatis quoque suis creditoribus , iter ingreditur , & Antecessorem docilis discipulus sequutus , in Italiam trajicere festinat. verum ecce medio in cursu navis à piratis Tuncetanis invaditur , expugnatur , abducuntur captivi vectores , & in his pater meus. Quid faceret miser unà cum fortunis omnibus , & quas habebat , & quas quærebat , amissa libertate ? Fecit id quod prudentes solent , qui temporibus obsequuntur , &

*Et vos
qui foro
ceditis.*

*Fidem
abnegavit.*

præsentibus diffisi, futuris prospiciunt. Fidem abnegavit. inde, quod proximum erat, ad paganam mulierem, opulentam admodum, sese applicuit, eamque, sed per modum provisionis tantum, uxorem duxit. Ibi dum aliquot annos negocia sua prudenter tractat, certior fit, decoctorem illum prioris naufragii tabulas ita recollegisse, ut cum creditoribus qui comparerent, debiti semisse pacisci vellet. Quare nihil cunctandum ratus (jam enim & facti pœnitentia, & vitæ inter barbaros tædium subierat) ad iter sese parat: quod quum uxorem celare non posset, ei persuadet, Constantinopolim certa spe lucri se navigaturum. exigui temporis absentiam patienter ferret, post paucos menses re bene gesta domum reversurum. Impositis ergo in navim multis mercibus, tum compilatis usurariæ uxoris seriniis, Constantinopolim appellit. inde, magno auctus lucro, Venetias ac porro Genuam proficiscitur, amissa paullo post, ad instar feræ, omni ad prius stabulum redeundi voluntate. Quia vero publice non peccarat (ejus enim quod alibi fecerat, omnes ignari erant) publica quoque pœnitentia sibi opus non esse credebat: culpam interim suam assiduus ad Deum lacrymis deplorabat

rabat ac deprecabatur. Nescio tamen quā postea factum sit, ut tam horribile secretum etiam in vulgus innotuerit ac fabula fuerit. Nihil scilicet tam occulto loco latet, quin tandem in lucem extrahatur. Et hæc unica erat causa cur nonnulli patris mei fidem furellarent, illa, credo, vulgari regula decepti, quod *Qui semel malus, semper* (in eodem quidem genere) *presumitur malus*: quæ tamen ut & pleræque aliæ omnes, exceptione non caret. Longa est & benigna Dei manus, quæ etiam longissime devios ad semitam reducit. quod de patre meo sperare pietas me jubet. Tu si sequius faxis, vide ne morbum tuum ipse prodas. Bonorum est, de omnibus bene sentire & loqui; cum omnibus benigne ac placide agere; aliorum vitia, si non excusare, tegere tamen; neminem putare improbiorem esse quam ipsi sint.

Esto, decoxerit meus parens, foro cesserit, non semel, sed bis, ter. Idne hodie novum est & inusitatum? nihil vidi magis. Fecit aliis quod alii ipsi fecerant. Et vero non è chalybe facti sunt homines, ut frangi non debeant aut possint. Etiam altissime parietibus infixi clavi ferrei paullatim remittunt ac vacillant. Strategemata hæc sunt Mercurialis mi-

*Notate
Banquet-
rotarii.*

litia: quæ qui melius intelligit, tanto opiniores asportabit manubias. Soli DEO & Confessario hæc commendanda sunt: ad quos solos & absolutio pertinet. Si delictum foret, flagitium, aut furtum, publicè castigaretur: quum parvæ pecuniolæ aut vilium rerum furunculos virgis cædi, notis inuri, ad remos damnari, etiam infelici ligno suspendi videamus. Sed ut vel maxime in patrem videar injurius, vel mea ipsius, quod dicitur, vineta cædam (quid enim mihi acciderit, postea audies) per me licet quisque de hoc toto genere sentiat quod volet, scapham scapham appellet, fraudem ejusmodi & malitiam non uno supplicio expiandam, pestem hanc è Republica tollendam clamet: ego falcem in alienam messem mittere, aut inserto in laqueum collo (qui mos nescio apud quam gentem fuisse dicitur) legem ferre nolo, cujus non perrogatæ pœna quasi mea mors sit. Citius enim elephanto stipem extorseris quam æruscatoribus illis beneficium Cessionis: qui ut olim cum Hercule pagani, ita cum creditoribus transigunt: decimam eis partem dant, novem sibi auferunt.

Indices.

Sed gravius quiddam est, quod iidem malevoli patri meo imputant. Ajunt è vinculis causam dixisse. Dixit, at ab solu-

solu-
tiam
hab
sibi
ali
bii
sum
hoc
stip
nur
si a
con
ven
im
ac
co
tec
Rb
cia
faci
hæ
bus
dac
den
qui
fun
pre
que
bii
& M
cu

solutus est: non quidem quod innocentiam suam probasset, sed quod faventes haberet iudices. eos quidem quomodo sibi fecerit obnoxios, nescio; hoc scio, aliquot sestertiū millia in rationum libris ipsis data existare, eoque auctor ego sum *ἡγομένους*, iudicibus (si qui tamen hodie sunt) ut cum corruptoribus suis stipulentur, ne data munera in rationum tabulas referantur, & sic notis quasi ad perpetuam ipsorum ignominiam consignentur. quod nescio an observent etiam ii qui à non suis Regibus, immò Regum suorum hostibus, annuas accipiunt (de extraordinariis nihil dico) pensiones. Indicia exstabant, fateor, quibus forte Minos aliquis aut Rhadamanthus reum peractum pronunciasset. Sed, mi homo, ob indicia nemo facile condemnari debet, quamquam & hæc pater meus multis adductis rationibus confutabat, non indicia sed mendacia & meras calumnias esse pertendens. Ut psephopœtæ videntibus etiam quidvis suffurantur; ita nonnulli eo sunt ingenio, ut vel in ipso crimine deprehensi, elabantur tamen, faciantque ut quod alii viderant non viderint, nec sibi ipsis credant. Præcipua Legulejorum & Notariorum virtus creditur, eò quamcumque causam deducere, ut nec ab

*Notarii
Procuratores.*

ipsis litigantibus tolli inde rursus; tum ita intricatam reddere, ut vix quidquam certi consuli, responderi, aut judicari possit. Assen para: & non fabulam, sed veram historiam audi. Mantuæ Carpentanorum coram supremæ Curiae Iudicibus concionans Sacerdos valde probus & litteratus, quum omnes eorum quibus Justitiæ administratio commissâ est ordines percurrisset, & de singulis quæ visa erant perdixisset, tandem quum ad Notarios ventum esset (quibus de industria ultimum locum reliquerat) in hanc sententiam loquutus esse dicitur: Hic omnis meæ orationis impetus sistitur & sufflaminatur. hic, tanquam profundo immersus luto currus, omnis mihi sermo hæret. ac nisi angelus aliquis tamquam dexter Hercules manum admoliatur, vix cerno quomodo me expediam. Jam triginta & amplius anni sunt, Auditores, ex quo multa his locis vidi, inprimis vero multas multorum peccatorum confessiones audiui, qui omnes quamvis assidue in eadem quæ detestati ante fuerant peccata reinciderint, tandem tamen, Deo miserante & adjuvante, vitam emendarunt, & conscientiæ melius quam antea consuluerunt, omisâ peccandi consuetudine. Impuris amoribus legitimum medetur connubium,

aut

Concio-
PRIMA

aut certe virium defectus. Profusam ludendi lubidinem coërcent damna aleatoria, & quæ inde sequi solent, molestiæ animi & angores. Fures & metus & pudor ab alienis manus abstinere cogit. Iracundos humanæ fragilitatis recordatio mites facit. Invidios aliena mala placent & satiant. Superbis propriæ vilitatis conscientia & quotidianæ calamitates cristas deprimunt. Mendacem probra & contumeliæ in os acceptæ emendant. Blasphemi, Dei vindicis metu amicorum admonitionibus inculcato, linguæ moderari discunt. Omnes denique peccatores, velut serpentes, vitiorum leberidem ponunt, & vel maturè vel sero resipiscunt. Et de horum quidem omnium salute est quod bene speremus. At in solis Notariis, Procuratoribus, & id genus hominibus omnis ratio ac summa summarum mihi ad nihilum redire videtur. Antiquum hi semper obtinent, semper sui similes, nec scio quomodo vel contentes absolvi possint, (loquor de iis qui minus integre ac fideliter officio suo funguntur,) quum exigua pecunia corrupti, aut in amici vel amicæ gratiam (nam & hæc, & præcipuas quidem sæpe, partes suas hic habet) ea scribant, ea producant quæ aliorum fortunis, honori, atque

etiam

etiam capiti periculum creent, & latissimam plurimis peccatis aperiant fenestram. Insatiabili peccant avaritia, tamquam canina fame rabidi, obvia quæque involant, atque ita cruda per ingluviem demissa, infernali calore, quo ipsorum ardet anima, facile concoquunt. Hinc fit, ut illi ipsi numi quos injuste capiunt ac deglutiunt, statim in carnem & sanguinem convertantur, nec si vel maxime velint, eos deinde excernere queant. Quapropter existimo, si quis horum forte in cælum ingrediatur (neque enim omnes tales forte sunt, quales illi de quibus loquor,) statim Angelos omnes velut ad inusitatum spectaculum concurrere, & una voce concinere: *Letanimi in Domino. Notarius in cælo. Fructus novus! Fructus novus!* Hæc quum dixisset, verbum non amplius addidit. Sed ipse viderit. Mihi vobiscum nihil rei est; quibus si locus vitiligandi detur, non magis quam lusciniæ cantionem, verba ad excusandum, Replicas, Duplicas, Triplicas, Quadruplicas atque etiam, credo, Centuplicas non defuturas. Veruntamen illud cogitate, aliud ibi fore tribunal, alium judicem, aliam causæ dictionem; tum sententiam sine jure provocationis. Ego ad semitam redeo, ubi prius illud addidero, patre meo in
stro-

*Noli me
tangere.*

strophis illis ac tricis judicariis nihil fuisse versutius. quum vero in his quoque contra manifesta pæne indicia ac probationes parum esset præsidii, in quæstionem datus, ut fortem virum decuit, tormenta omnia constantissime pertulit, indignum ratus, totum corpus unius membri, nempe linguæ, temeritatem ac noxam luere. simul eadem constantia ipsos testes quasi falsi convictos in ruborem dedit.

Vatinium ajunt quum crurum nescio quo vitio laboraret, in seipsum joculari solitum, ut Ciceronis sibi infensi dicacitatem effugeret. Ita ego quoque, ne quid materiæ calumniatoribus relinquam, etiam minima quæ patri meo exprobrata fuerunt, non silebo. Dicere nonnullos memini, solitum illum unguenta olere, tum calamistris crines inungere, & cincinnare, faciem fuco ac cerussa pingere, multaque alia facere quibus mollities denotatur. Quæ si fecit, non sane probârim. mihi quidem nihil certi constat. Vidi eum puer, crispatis capillis, à natura, puto, factis; facie, alba illa quidem, sed rubicundis papulis velut pyropis distincta, oculis cæcis & prægrandibus. quæ si à natura habuit, nemo probro vertere debet, quod vitia ejusmodi artificio tegere statuit. si vero formæ lenocinari

*Prævertenda
distleria.*

*Fucus
vires non
decel.*

cinari voluit, me quoque iudice censoriam virgulam non effugiet. Hæ enim feminarum, & quidem sese prostituentium, artes sunt. Et quamvis in deformibus aliquo modo ferri possint, quod illius rei, qua unà sere (ceterarum namque virtutum ac bonorum pleræque expertes sunt.) se viris placere nōrunt; defectui remedium ab arte quærunt: videmus tamen nonnullas etiam nativam pulcritudinem ac formæ decus fucus ejusmodi interpolare ac dehonestare, non sine valetudinis & rei familiaris detrimento. Est enim verissimum Hispanorum proverbium: *La mugier quanto mas mirare la cara, tanto mas desfuye la casa.* Nōsti Terentianum istud: *Dum molliuntur, dum comuntur, annus abit.*

Quanto satius est matrem familias è specula domum, quam in speculo formam suam assiduè contemplari? Tum quid attinet tam crebro lavari, aut fricari, aut tergeri, aut ornari, poliri, expoliri, pingi, lingi nisi, forte sese esse ut muriatæ autumant, quæ nisi multa aqua & diu macerentur, olent, salsa sunt, tangere ut non velis. Quin vos quæ lepide estis, lepidis vos exornatis moribus? Ad unguenta quod attinet, *Optime illa olet, quæ nihil olet.* Sed ineptias vestras atque offucias vobis relinquo: quas si quis viro-

virorum effectare aufit, cum ego vobis
noxæ dedendum arbitror, ut sub regno
vestro vapulet.

CAPUT II.

*Quæ & qualis fuerit mater
Gusmani Alfaracii & de oc-
casione contracti inter ejus
parentes matrimonii.*

GENUÆ annos aliquot commo-
ratus pater meus, Hispalim deinde
profectus est. Ibi dici non potest quan-
tum negociorum molem repererit, dum
debita flagitat, credita partim negat,
partim eludit: quibus tricis tandem ita
fese explicuit, ut præter ipsam sortem,
amplius aliquid reliqui fecerit. Quid
enim facerent creditores? De vino ef-
fuso colligi debet quod potest. Et vero
quas secum attulerat opes diligenter ce-
labat. Redditus hoc modo negociis,
breui tempore, dextro Mercurio, rem
auxit non mediocriter, ita ut certum
ibi domicilium figere constituerit.
Ædes ergo sibi comparat, agrum, fun-
dos instruit: tum prædium suburbanum
à quodam ex Nobilitate, cui non exi-
guam pecuniæ summam feneri dede-
rat,

*Artes
decocto-
rum.*

rat, pigneratur, ac non multo post currentibus usuris, suum facit, jam aliquid amplius quam mercatorem spirans. Neque enim novum tibi videri debet, ex mercatoribus ære dirutis Nobiles fieri. Dum in foro cum aliis mercatoribus quodam tempore pater obambularet meus, forte fortuna infans sacro fonte ablucendus magna cum pompa ad majus urbis templum deferabatur. Agebant, nescio cujus patris, nescio quem esse filium. Turbæ se immiscens (ut erat curiosus) pater meus, ad baptisterium usque accedit. vidit ibi mulierem cum sene quodam, Religiosæ militiæ, ut insignia & habitus ostendebant, socio, infantem è baptismo susipientem: mulierem, inquam, juvenculam, scitulam, bellam, & quasi ab ipsius Veneris & Gratiarum manibus factam. Quid multis? tam eximia venustate captus pater meus, oculos aspectu satiare non poterat; jamque hamo vorato, totus in amore hærebat. Sensit hoc facile ex defixo obtutu astuta mulier; sed non minus prudenter dissimulabat. Eo mulieres sunt ingenio, ut etiam ab inferioris conditionis hominibus adspici gaudeant, ratæ, formam suam illis admirationi esse. Tacebant linguæ utriusque, sed loquebantur oculi, hinc inde amatorium ignem

*Ex aspe-
ctu amor*

igne
meus
hilal
stican
Mili
lima
poter
quatu
sed
bono
vider
erat c
quer
anxi
dam
exer
tanic
dicit
nunc
buld
oper
ret) c
nabat
indie
bona
ætati
bat, r
vexat
beba
omn
mitte

ignem ejaculantes. Tum quidem pater meus, quamvis sollicitè inquireret, nihil aliud expiscari poterat, quam domesticam esse ejus cui adstiterat Religiosi Militis, quicum ille caput quasi clam limaret. Discedentem oculis quantum poterat, atque etiam ipso corde prosequutus, quiescere nullo modo poterat, sed noctes diesque quomodo tanto bono potiri posset, commentabatur. Et *O impii,* videndi quidem eam alia copia non erat quam in templo inter sacra; alloquendi non item. Mirum in modum anxio commodum offert se vidua quædam, sub matronali habitu lenoniam exercens artem, ex illo genere quæ Satanicis artibus etiam castissimam pudicitiam expugnant. Hac usus inter-nuncia, epistolas missitabat, additis quibusdam munusculis (quod fidem sine operibus mortuam censerì non ignoraret) quæ illa verbis, ut erat disertà, ornabat, & stipulam gliscenti flammæ indies subiciebat. Hic diu anceps cura *Arterle-* bonam mulierem tenuit. Jam propectæ *monia.* ætatis erat miles ille: screbat, tussiebat, renum, calculi, podagræ doloribus vexabatur. at eam opipare, & laute habebat, veste, argento, auro donabat, soli omnium suarum rerum curam committebat, è contra pater meus stàta erat

ætate,

*Humana
imbecil-
litas.*

ætate, statura procera, corpore firmo ac robusto, moribus ad elegantiam ex ungue factis, animo liberali, omnium denique horarum homo. Nec facultates deerant, quas (ut solent amatores ac proci) de industria majores quam erant ostentabat. Tandem re ultro citroque deliberata, ex mulierum ingenio, quæ instar primæ materiæ novas formas semper appetunt, conditionem ita mutare decrevit, ut præsentī quidem uteretur, de futura autem post mortem domini, quam non procul abesse videbat, sibi prospiceret. Sic enim ratiocinabatur: In hoc omni negotio personam meam ac vitam nulli expono periculo: nulla supellestīle pauperiorem domum meam facio; sed quasi lumen de lumine accendatur, illud ipsum quod do, integrum manet, nihil mihi perit. Æquum sane est ut erga benemeritum grata, neque tamen erga alios avara sim aut parca. Quin ergo ex una fidelia duos dealbo parietes? Duabus ancoris melius tenetur navis: quarum una si fracta fuerit, in altera spes erit. Hæc quum ita apud se constituisset, proxima illa erat deliberatio, quando, ubi & quomodo patris mei consuetudine, hero inscio, uti frui posset.

Capto tandem cum lena consilio,
pseu-

pseud-
cum
quem
circu-
crean-
non g-
tio, u-
lud pa-
tereun-
culabe-
cæpit
riri sibi
morbi-
ris, ja-
mend-
strictu-
tando,
Hispan-
ta veh-
fuerit,
valetud-
mantiu-
torum,
nerant.
li, ut pu-
quorum
nec loc-
applica-
impossi-
in med-
brosu-

pseudomarito persuadet, ut secum & *N. astu-
cā mu-
licbrem.* cum magna familiæ parte ad locum quemdam amœnissimum sesquimillari circiter ab urbe distantem, animi recreandi causâ proficisceretur. quod ille non gravate fecit. Erat vero ea loci ratio, ut eò proficiscentibus prædium illud patris mei, de quo supra dixi, prætereundum esset. Ab eo quum non proculabessent, misera miserè exclamare cœpit, gravissimos uteri dolores suboriri sibi conquesta, & matutinum frigus morbi causâ causata. ea vero doloris, jam ambabus manibus ventrem premendo, jam fibulas, quibus pectus constrictum erat, solvendo, jam caput rotando, signa dabat, ut è sella, qua mulo Hispanicarum mulierum more, imposita vehebatur, detrahere eam necesse fuerit, magna cum omnium, de ejus valetudine jam conclamatum existimantium, commiseratione, etiam viatorum, qui interea multi eòdem loci venerant. & quisque appòsitum morbo illi, ut putabant, remedium proponebant: quorum tamen nullum erat usui, quum nec locus esset unde peterentur, nec ubi applicarentur. Ad urbem redire erat impossibile; progredi magis difficile; in media via ita destitutam jacere, probrosum. In tanta consilii inopia ait quidam

dam è viatoribus : Quin vos, relicto itinere, bonam hanc matronam in proximam illam villam desertis, morbi sui remedium ibi forte inventuram ? Et hic non erat Princeps Sacerdotum, vaticinabatur tamen. Tam bono ac prompto consilio omnibus assentientibus, Milite inprimis, mittitur qui patris familias aut domesticorum voluntatem exploraret. Ei ostium pulsanti ancilla à patre meo qui clam ibi erat, de omnibus quæ facienda essent edocta, (quamvis & ipsa in his plusquam nimium saperet) occurrit, & licet herus absens esset, liberaliter omnia pollicetur. nec mora. delata excipitur comiter, portatur in cubiculum egregiè ornatum, in lectum collocatur, incenduntur odores, apponitur mensa exquisitis cibis ac bellariis instructa, calefiunt lintea tergendo utero: quæ tamen illa non ventri sed inferioribus membris applicuit, ne forte stomachus inde motum aliquem ac solutionem sentiret. Sedatis jam quoddam modo doloribus, dormire paullum se velle ait. quo lætus Miles, fenestras omnes ocludi, ac familiares abire jubet: dein etiam ipse in proximos discedit hortos, diligenter edicens omnibus, ne quis cubiculum ingrederetur, aut clamore vel strepitu quiescenti molestus esset:

esset: dato viduæ illi lenæ negocio, ut curam ejus haberet, & quamprimum evigilasset, sibi renunciaret. In proximo interim conclavi latens pater meus hæc omnia audiebat: jamque altissimo ubique silentio, per pseudothyrum, cubiculum ingressus, lena interim in excubiis stante, ea remedia ægræ mulieri applicat, quibus intra bihorium persanata fuit. Jam dies multum processerat, quocirca Miles moræ pertæsus, & consilium vel ad constitutum locum progrediendi, vel ad urbem redeundi, ex Amatæ valetudine capturus, ad cubiculum in quo mater mea jacebat, viam rursus affectat. de quo certior factus Jovialis Amphitruo, ad prius illud suum stabulum se recepit: inde mox per posticum se proripiens, clam omnibus Hispalim regreditur. Suspenso gradu appropinquantem Militem sentiens mulier, quasi è gravi somno evigilans, Hei, inquit, molestos homines! sicine vel unius momenti quietem mihi invidetis? Tum Miles sese excusans, dolere sibi dixit quod intempestive eam excitasset: ac lubenter diutius expectaturum iussisse, nisi jam à somno relictam existimasset, ut quæ jam duas integras horas dormierit. Egon, inquit mulier, duas horas? At ita valeam, ut ego jamjam modo

obdormisse mihi videor ! sed quantulumcunque fuerit pauxillum hoc temporis , vix umquam certè suavius me quievissè memini . multumque laudato quod applicitum ipsi fuerat remedio , à quo vitam accepisse se ajebat , lætum præ se ferebat vultum ; quo magnopere recreatus Miles , non invita , immò suggerente ipsa , eum diem ubi erant loci , hilarem agere statuerunt , ut cujus non minor esset quam ejus ad quem ibant amœnitas . Mox ergo quidquid secum attulerant cibi ac vini depromitur , ac mensis infertur , & non ab hero solum & hera , sed à domesticis quoque Saturnalia celebrantur .

*Ea non
minus
viris
estata.*

Solutis in lætitiâ omnium animis , pater meus Hispali , uti solitus erat , equo ad villam relictus supervenit . Occurrit statim Miles . Importunitatem suam vel impudentiam potius , ignoti hospitis liberalitate abutentis , repentino & in ipsa via orto mulieris morbo excusat : vicissim officia quæque pollicetur . Non minus artificiosis verbis mulieris casum miseratus pater meus , de tanti viri amicitia inde conciliata sibi gratulatur ; tum reliquis ceremoniis ita desungitur ut ex vervecum patria non esse facile appareat . Sublatis mensis , chartæ lusoriæ possuntur : quo in ludo pater meus ita pugna-

gna-

gnabat tamquam qui vincere nolle,
 omni lucro ad Amatam jam utique re- *Artes*
 deunte. Appetente jam nocte, cymbam *metu-*
 frondentibus ramis ornatam, conscen- *bres.*
 dunt, & Musicis deambulantium con-
 centibus, quod fieri eo tempore & lo-
 co amat, utraque ripa personante, in ur-
 bem reventuntur. Contractam ex eo
 amicitiam pater meus diligenter postea
 coluit, Militem omni honore, & quibus
 poterat officiis prosequens, contuber-
 nalem vero seu thori participem quæ
 placere intelligebat munusculis deme-
 rens; ita caute tamen, ut bono seni nul-
 la daretur suspicionis ansa. quod facile
 erat Pœno homini, in-Genuatum scho-
 lis erudito: tum mulieri Bæticiæ, coc-
 cyce, quod dicitur, vere astutiori, & ab
 ineunte ætate iis quas dixi artibus as-
 suetæ. Vix credi potest quam luciosum
 hoc fuerit matri meæ contubernium.
 Paucissimis certe annis, ut ipsam non
 semel mihi narrare memini, ab utroque
 plus tribus ducatorum millibus corroga-
 vit, præter mundum muliebrem variam-
 que suppellectilem, rei faciundæ unice in-
 tenta. Non enim ignorabat, quam raro
 ejusmodi occasiones homini se darent:
 quibus nisi utaris, cum ipso tempore è
 manibus quam velocissimè elabuntur.

Erat, ut supra dixi, bonus ille homo

B 2 jam

*Etiam
divites
morsui
inopes.*

jam ante provectæ ætatis ; mater vero mea adolescentula , forma ac moribus plane illecebrosis , ex quo factum est , ut effetus ille ac viribus exhaustus non multo post vitam cum morte commutaret ; matremque meam , superstitem , quæ sæpè antea jurarat sine ipsa se vivere non posse , ut & ipsè illam vitam suam appellabat , & se ipsum mendacii convicerit. Dum animam ille ageret , animam quoque agebat res ipsius familiaris , omnibus qui tanquam vultures ad cadaver , convolaverant , quod quisque poterat , ad se rapientibus. Sed melior fors erat matris meæ , cui tamquam promæcondæ , vivus ille , traditis clavis , omnia crediderat. Quid multis ? Multorum , quamvis non conductorum , sedulitate omnes cistæ exenteratæ ac tota domus ita perpurcata fuit , ut vix lodicula involvendo cadaveri superfuerit , non sine cognatorum maximè & affinium , & admiratione & indignatione. Diligenter quidem inquirebatur , quo tandem opulenti senis (ita namque putabatur) fortunæ devevissent , affixis etiam censuris Ecclesiasticis : sed minus nihilo poterat deprehendi. Quotus quisque enim facto aut fraude ablatum ultro restituit ? Mater mea , quæ omnium suspicionibus designabatur ,
ita

ita se purgavit, ut diceret, nunquam illum congerendarum opum studiosum fuisse, sed eo quod præ manibus erat usum, pauxillum quiddam ab illo sibi non donatum, sed bene & cum pœna corporis meritæ mercedis loco datum. Nec rei tantum, sed conscientiæ quoque volens consulere, Jurisconsultos interrogabat: à quibus responsum fuit, ejusmodi donationes conscientiam minime lædere: nec repudianda esse talia munera, quæ licet turpiter acquirantur, honeste tamen accipiuntur. Nullibi mihi magis verum visum est usitatum illud verbum, quo divites fame; pauperes ingluvie; & quibus suus non est, heres; Ecclesiastici inprimis, nuditate & frigore mori dicuntur. Divites enim perpetuo valetudinis tuendæ studio ad Medicorum præscriptum tam sobriè edunt ac bibunt (nolo hic quidquam de illis dicere quibus avaritia sobrietatis est magistra.) ut vix unquam de mensa saturi surgant. quod si morbus, vel morbi saltem suspicio ingruerit; adest statim Medicus, cibum, potum unciatim dispergit, vini usum, & quidquid fere palato sapit, interdicit, potiones medicatas propinat; quibus corpus non nutritur, sed emaciatur, donec tandem quasi fame conta-

bescat & emoriatur. Pauperes ut in vita ad exfatiandam quasi congenitam famem, avide in ventrem omnia congerunt; ita postquam ægrotare cœperint, à notis & vicinis ex Christiana charitate certatim aggestis varii generis esculentis ac poculentis tantum non obruuntur. Videas etiam mulierculas nonnullas nimia pietate inductas per nosocomia & Xenodochia cum canistris & sportulis delicato cibo plenis discursantes, quæ dum miseris eleemosynam dant, vitam adimunt, cruditate stomachi nimis multa ingesta concoquere non valentis, enectis: Ecclesiastici densque & quibus nulli fidi sunt domestici, si in morbum inciderint, & vestiarium & bona sua omnia diripi vident, ita ut miseris vix lectus in quo cubant, relinquatur, atque ita cum frigore confliandum sit. Sed ad rem.

*Currus
ca.*

Quo tempore mater mea, licet nupta nunquam fuerit, vidua facta est, ego jam quadrimus eram: jam tum quum nascerer tanto felicior, quod velut alter Hercules, duos haberem patres, à matre mihi certa feminini calculi arte, assignatos: quod an per Naturam fieri posset, Medicorum disceptent filii. Ego ut utrique palpabar ac pueriliter ablandiebar; ita uterque me amplexibus,

oscu-

osculis obruebat, ac pro suo agnosce-
 bat. Aiebat ille, me vivam esse sui
 imaginem, nec ovum ovo esse similis:
 alter, suum vultum in meo spectari; per
 quem si vel cæcus manum ducat, tan-
 tam quanta vix usquam esse queat, si-
 militudinem facile sit deprehensurus.
 Illud tantum erat discriminis, quod qui
 putabat ac profitebatur se patrem
 meum esse, non erat; qui vero erat,
 quoad ille alter viveret, dissimulabat.
 Hæc ego non ex conjectura, sed ma-
 tris meæ relatione habeo: qua nullus
 ad honorem testis est magis idoneus
 aut fide dignus. Quocirca omni meliore
 forma ac modo protestor contra illos
 qui incertum esse dicent, utri horum,
 aut forte tertio alicui ortum meum de-
 beam. Næ illi omni odio digni sunt
 qui nodum in scirpo quærunt, & igno-
 ta nihilque ad se pertinentia investi-
 gant. Quid enim ipsorum refert, duos
 ego an tres, Sejum an Mævium pa-
 trem habuerim? Mihi satius est multos
 quam nullum habuisse patrem. Et ipsi
 matrem forte, patrem non facile pos-
 sent ostendere. Nec mirum, quum
 etiam Telemachus num Ulixis esset fi-
 lius, rogatus, responderit:

Odys. Μητηρ μὲν τ' ἐμέφῃσι τῶ ἔμμεναι αὐτὰρ
ἔγωγε

Οὐκ οἶδ' ἔ γάρ τοι τις εἰνὶ γόνον αὐτὸς
ἀνέγνω.

*Elle quidem illius mater me ait : ast ego
sane*

*Nescio. nemo suum patrem nam noverit
ipse.*

Sed absit ut cujusquam matronæ casti-
tatem fugillemus. illud tantum Quod-
libetariis discutiendum hic relinquo,
an firmiori nitatur ratione Salica Gal-
lorum lex, quæ liberos è mascula tan-
tum regii sanguinis stirpe progenitos
ad regnum admittit, an illa nescio cu-
jus non ita pridem cognitæ gentis, quæ
reges à feminina prosapia petit. Ad me
quod attinet, quin matris meæ fuerim
filius, neminem ambigere memini.
Quod si patris causâ vitium aliquod fuit
in natalibus, illud ab eo ipso fuit emen-
datum, ducta in legitimam uxorem ma-
tre mea, senis illius contubernio jam vi-
duata. Nam etsi non ignorabat quæ es-
set omnium de ea existimatio & fama;
vicit tamen omnem honestatis ratio-
nem pecuniæ, quam penes ipsam esse
sciebat, cupiditas. Non parum quoque
apud eum potuit mei amor, quem jam
ante filium suum esse sibi persuaserat:
tum pristina illius furtivæ cum matre

mea consuetudinis recordatio. Peractis sine magna pompa nuptiis, pater meus nihil aliud agere quam comestari, ludere, domi forisque immensos sumtus facere: quibus quum redditus minime responderent, jaceret interim negotiatio, paucis annis & dos matris meæ, quam sibi ipsa acquisierat, cujus precium non minus erat decem scutatorum millibus, & prædium Alfaracium absorpta sunt. Nec multo post pater meus non tam morbo quam mœrore confectus, è vivis discessit.

Tam inopinato fulmine ista mater mea, indies conditionem suam ex mala pejorem fieri sensit. Non infamia tantum, sed odio etiam apud plerosque omnes, maximè honestos, laborabat, intolerabili arrogantia, quam in omni superiori vita præ se tulerat, collecto. Nec enim inusitatum est, ejusmodi notæ homines supra alios sese efferre; præsertim si paullo secundior fortuna eis adspirarit. Sed putidæ isti superbix Nemeſis tergum premit. Quod quidem mater mea bene est experta. Ubi namque amici juxta atque inimici tantum non ad incitas redactam videre, statim velut solutis omnium linguis, qui antea in occulto detraxerant, miseram publicis sermonibus & conviciis proſcindebant, immò

Viduarum conditio.

*Prolet
paven-
tum se-
milis.*

pipulis quoque differebant, repetita non modo ipsius & patris mei, seu potius patrum meorum historia, verum etiam ad avum atque aviam usque producta. Narrabant enim, quomodo avia mea, pro eo quod mater mea duos, duodeviginti habuerit viros, eosque omnes ita cicures ac mansuefactos, ut tanquam pulli gallinacei sine ullo proelio aut dimicatione ex eodem vase ederint ac biberint, una atque eadem corte inclusi, ex quo facile potest intelligi, quam patrum dives fuerit mater mea. Singulis enim eorum astuta mulier, immò unusquisque sibi persuaferat, se verum patrem esse. unum tamen præ ceteris magnificiebat, qui nuper è Peruana venerat, & aurum atque argentum corbibus aggerebat. In eo aviæ meæ fors multo erat potior, quod filiam haberet, qua se familiamque facile ac commode sustentabat: at matri meæ filius erat, ad perdendum tantum, non ad lucrandum natus. Quod si soror mihi, matri filia se digna obtigisset, equidem medium ostendissemus Fortunæ digitum; quum Hispali in tanta varia negocia exercentium multitudine nunquam defuturi fuerint preciosi dedecorum emtores. sin illic ad lubitum res non successisset, uti flumina omnia mare, ita me quoque

que ac meos Aula recepisset. Vidi quippe ibi ad officia, commissiones, præsertim peregre obeundas, nullas facilius promoveri quam quibus domi aut mulier, aut soror formosa & amabilis est. Horum nihil quum mihi esset, nec ulla daret se arbor, quæ umbram mihi faceret, relictis matre ac patria, tentandum mihi duxi, an fortunæ meæ faber ipse fieri possem.

CAPUT III.

Prima Gusmani peregrinatio.

ERam, ut dixi, viduæ filius, tenellus *Adolescentia imperitia.* adolescens, mollitie & luxu perditus, sine disciplina tam paterna quam materna, in meris deliciis, non minus quam Toletani alicujus prædivitis mercatoris filiulus, educatus: quibus paulatim deficientibus, quamvis ægre è complexu matris avellerer, non tamen amplius tantam fortunæ mutationem ferre sustinebam. Animum addebat ipsa ignorantia, omnem aliam terram non minus quam patriam propitiam ac deliciarum feracem mihi fore imaginanti. Accendebar quoque desiderio paternos amicos ac cognatos foris vi-

dendi : quos certatim ad me excipien-
dum, fovendum, vel manibus deportan-
dum, atque adeò inaurandum occur-
sus mihi persuaferam. Quid multis? Sa-
binorum more modoque somniabam.
Sed idem mihi accidit quod cani Æso-
pico, relicto quod in ore habebat car-
nis frusto, umbræ ejus quod in aqua
aspexerat, inhianti. Quamprimum fere
extra portas pedem extulissem, subito
nescio quæ mœstitia ita me invasit, ut
duo quasi Nili ex oculis meis erumpere
viderentur. Sic lacrymis totus madens,
& animi anxius, quum suspenso velut
inter cœlum ac terram gradu spacia ali-
quot confecissem, multo magis turbari
cœpi, ut appetere jam noctem sensi.
Jam ad fanum S. Lazari, quod uno ferè
miliari Hispali abest, perveneram. ibi
paullisper confidens, excussis diligenter
omnibus meæ vitæ rationibus, quum
me ad iter tam malè paratum anima-
dytererem, domū reverti decrevi. Nam
& contra hibernum gelu vestibus malè
armatus eram, & nullo pæne (quod mali
caput erat) viatico instructus. non pran-
sus fueram, non cœnatus. quod si mihi
mens non læva fuisset, prius aliquid ali-
cunde in zonulam corrasissem pecuniæ,
& in peram aliquid cibarii condidissem,
quam iter essem ingressus. Tum qui-
dem

*Reper-
tūm
est.*

dem primum ego intellexi quantum inter sit inter saturum & famelicum ventrem; & quam pulchrè saperet Plautinus ille parasitus, qui homines nequaquam catenis vinciendo, sed escariis vinclis adstringendos censet.

Quem (inquit) tu asservare rectè, ne aufugiat, voles,

Esca atque portione vinciri decet.

Apud plenam mensam homini rostrum deliges.

Dum tu illi quod edit & quod potet præbeas

Suo arbitratu atque assatim cotidie:

Mumquam edepol fugiet, tamen si capitale fecerit.

Labores certe omnes & ærumnæ quantumvis graves victus copia ac benignitate leniores redduntur. at si ad labores adjungatur fames, nihil miserius vel cogitatione fingi potest. Quin etiam si cetera omnia abunde adsint, desit autem ventri cibus: ceteris omnibus unum hunc defectum redimere pensi nihil habeas. Non sine causa famem *malesuadam* dixit Poëtarum princeps. exemplis, quæ nimis quamplurima suppetunt in re odiosa, non utar. Tali incommodo tum primum confectatus, omnique destitutus & consilio & auxilio, nihil aliud quàm hinc profundam voraginem, illinc al-

Victus a. primum in vita.

tissimum præcipitium oculis meis sub-
jecta videbam. Tandem frustra defati-
gato variis cogitationibus animo, rem
omnem Deo committere decrevi: ac
templum, quod dixi, ingressus, tanto
breviori (quam devota aut efficace, ne-
scio) Deum comprecatus sum, ut iter
meum ac cœpta omnia fortunare vel-
let, quod appetente jam nocte, ædituum
in claudenda æde jam occupatum vide-
rem. Sic deprehensus, in porticu cubile
quæsi, ac profundo oppressus somno
totam noctem in multum usque diem
dormivi; ipsa melancholia forte so-
mno materiam subministrante. Equi-
dem, credo, adhuc ibi jacerem, nisi
mane muliercularum quarundam cum
nova nupta ad Ecclesiam venientium,
& pro more patriæ cantu ac cymbalis
perstreptentium adventu fuisset excita-
tus. Quum ægre ad me rediissem, cibo
inanis, plenus tamen somnolentia, mul-
to minus quam antea quid agerem con-
stitutum habebam; immò vix ubi loco-
rum essem, sciebam: adeoque experre-
ctus ac vigilans somniare mihi nihilo-
minus videbar. Tandem recurrente quas
heri aggressus eram rerum memoria,
cum animo ita constitui: Quod felix
faustumque sit, ac mihi salutare: jam
jacta est alea. Itaque cœptum iter pro-
sequar;

sequar ; quo tamen irem , plane adhuc incertus. Optimum visum est ut maxime tritam viam ingrederer , quocunque tandem illa duceret. Ducebant me pedes, sequebar ego ambulans , nihil pensi habens , sed rem omnem divinæ providentiæ committens : ad exemplum nescio cuius Medici , qui literarum & artis ignarus, si forte ad ægrum venisset, non considerata morbi aut ægrotantis natura (quî enim posset, homo rudis?) unum aliquod medicamentum ex innumeris, quæ chartis perscripta assidue secum circumferre solitus erat, veluti forte ducebat, pius Deum comprecatus, ut bene conveniens ac salubre in manus sibi mitteret. Itidem ego sine ullo filo quasi labyrinthum ingressus, progressum , exitum & omnia soli Deo commisi. Postea certe expertus sum etiam mala bonis in bonum cedere , modo Deo morigeros se præbeant, & quæ à manu ipsius proficiscuntur , patienter ferant. Me quidem omnis generis ærumnæ ab initio peregrinationis meæ ita persequutæ sunt , ut vix respirandi mihi spacium concesserint. Sed pleræque harum non erant ex illis quas Deus immittit, sed quas ego mihi ipse jumento meo accersiveram. Immane vero quantum hæ ab illis discrepant. Quæ à

manu Dei veniunt, purum putum aurum sunt scoria involutum, gemmæ preciosæ, sed rudes & impolitæ, rosæ inter spinas: ad salutem, non ad perditionem natæ & datæ. In quas vero homines sua ipsorum culpa se conjiciunt, viperarum sunt morsus, ictus scorpionum in sinu latentium: in quibus illud multo omnium pessimum est, quod ipsa conscientia vix ulla admittit solatia, quæ superioribus illis abunde suppetunt. Sed in hoc velut rationum libro utramque paginam peccata nostra faciunt: quibus eluendis, universonum omnium miserationum mare fatis non est.

*Hospitiorum
descrip-
tio.*

Sed ut ad me redeam, quum eo die ad duo fere milliaria progressus essem, jam ad Antipodas pervenisse, & quasi alter Columbus, novum terrarum orbem reperisse mihi videbar. commodum in via hospitium video. ingredior, fessus de via, fame & siti confectus. Meridies erat, ipsum prandendi tempus. Rogo hospitam ut cibi aliquid apponat. illa nihil præter ova se habere respondit. atque utinam ne hæc quidem habuisset. Sed quid ova dico? Equidem quid gallinæ quæ illis incubuerat acciderit, nescio; hoc scio non tam ova quam pullos incrustatos fuisse. Credo gallinam matrem à vulpe aut hospitibus de-vo-

devorata antequam ova exclusisset ; quorum jacturam ne faceret frugalis mulier, bonis illa & sinceris miscuit, mihiq; , dignas labris lactucas forte existimans, apposuit. Ut me ergo vidit puerum valentulum, vultu ac totius corporis lineamentis haud deformem, manu leniter per frontem ducta mentum mihi permulcens, Quam viam, inquit, noster hic insistit nepotulus ? Ad tam fœdum contactum exhorrescens, ac plusquam nauseabundus, O mater, inquam, non audis intestina mihi latrantia ? Succurre famelico. de itinere meo postea & rogandi & respondendi tempus erit. Commodum tum accidit ut stomacho essem plane vacuo, alioqui omnia funditus ejectione. Tum festinabunda illa scabello fracto insidere me jubet, apponit mensulam in qua paullo ante vituli intestina purgaverat, sordium reliquias tegente mappa pæne spurciore. pro salillo fundus erat fractæ lagenæ fictilis, poculi vicem explebat catillus ater ligneus. Tali apparatu dignæ mox dapes afferuntur : panis fursuraceus, placenta male cocta, ipso furno nigrior, emplastrum potius dixisses. Quid multa & ipsa hospita, & panis, & omnis apparatus tam erant sibi similia quam aqua aquæ : ex eodem puteo scilicet hausta. Facile videbam
domi

domi me non esse; ubi necipsæ deliciae satis mihi placebant? Sed quid facerem? Et ova illa, vel potius incrustati pulli gallinacei, & quidquid oppositum erat, in ventrem meum transierunt. Illud tum intelligebam, Optimum condimentum esse famem, cibi tamen defectum supplebat vini bonitas, quo animi ac corporis vires mediocriter restauravi. In viam inde regressus, dum totius ille apparatus, & imprimis ipsius hospitæ sordidissimus habitus animo subinde occurrit, dum miseros pullos intestina mihi quasi rostris impetentes sentio; tanta stomachum meum invasit nausea, ut velut à fundo commotus, quidquid ingestum fuerat ejecerit. Sic languidus omnino sub proximæ arboris umbram me recipio, paulum quietis capturus.

C A-

Agas
lib
zie
illi
De
serte
DU
dis
manu,
ce vacu
(erat id
qui ut tu
dit, cuja
nem, ali
est. Ref
primis qu
nar. o.
sum efful
verit; n
ter accer
paullo an
taneo rui
gitabam
tunam t
verum e

CAPUT IV.

*Agasoni narrat Gusmanus quid
sibi in caupona acciderit. is
vicissim cum multo risu duas
illi similes narrat historias.
De injuriis condonandis Dis-
sertatiuncula.*

DUM variis curis ac cogitationibus
distractus, mentum una suffulciens
manu, humi ita recubo, Agasonem ec-
ce vacua armenta Cazzagliam versus
(erat id proximum oppidum) agentem:
qui ut turbatum me ac tristem plane vi-
dit, cujas essem, unde venirem, quonam
invenirem, aliaque quæ solent, percunctatus
est. Respondeo quæ visa erant: & in-
primis quid in caupona mihi acciderit,
narro. Heic ille in tantum repente ri-
sum effusus est, ut sibi pæne ilia dissol-
verit; mihi vero bilem non mediocri-
ter accenderit, adeo ut tota mihi facies
paullo ante instar mortui pallida, sub-
taneo rubore suffunderetur. Hem, co-
gitabam; scelestum hominem qui for-
tunam tuam non modo non miseratur,
verum etiam deidet! Et hanc quidem,

*Macro-
suspi-
cax.*

ut mihi videbatur, injuriam ulcisci mi-
fere cupiebam. Sed vanam sine viribus
iram esse facile intelligebam. Sane pru-
denter eos facere iudicio, qui quod
mutare non possunt, dissimulant, & pro
ira patientiam animo imperant. Quid
enim misellus ego, cum omni mea in-
dignatione lucri fecissem. Traduxissem
scilicet me ipsum; & una cum majori
ludibrio periculum quoque mihi ac-
cerissem. Non continere tamen me
poteram quin exasperata fronte ac vultu
adducto ita alloquerer cachinnantem:
Quid tu, mi homo, an dignum me risu
ac ludibrio existimas? non te pudet ja-
centi insultare, & afflicto afflictionem
addere? Ille quasi non exaudito sermo-
ne meo, multo magis ridere, adeoque
in cachinnos effundi, ut ambabus ma-
nibus ventrem continere cogeretur, &
jam jamque asino delapsurus videretur.
Favebam ego lapsabundo: is vero
ubi paululum se collegit, Non tuam,
singultiens adhuc risu, inquit, ô adoles-
cens, quæcunque illa sit fortunam
(absit enim à me talis inhumanitas ut
sim *enxapénans*, id est, *alienis malis gau-
dens*) sed id quod ante bihorium fere in
ea quam dicis caupona accidit, rideo.
Tum pergens, numquid obvios hodie
habuisti duos adolescentes, militari
habi-

habitu vestitos? Ego, inquam, si recte memini, non illos quidem obvios habui, sed egressus in cauponam modo adventantes reliqui. & sane uterque feroculus mihi videbatur. Non erras, inquit ille. Sed audi quid fecerint. Interim vero dum narro, asino huic inside, ut commodius unâ quod ad oppidum usque reitât viâ conficere possimus. Tantam in agresti ingenio, ut paullo ante mihi videbatur, humanitarem exosculatus, quum jumentum conscendissem, non procul inde duos ætate & habitu venerandos viros aspicimus, sub arbore adventum nostrum præstolantes. Ad eos ubi venimus, idem beneficium petant quo ille ultro me affecerat. Nihil ille tergiversatus, exiguum tantum mercedem pactus, utrumque in vacua jumenta recepit. Mora hæc dici non potest quantopere desiderium id quod in caupona acciderit cognoscendi auxerit; tanto magis quod nescio quid in caupona illa designatum, & horribilem de pessimâ muliere vindictam sumtam, cogitatione mihi fingebam: Sic hominum est ingenium. Quas aliis faciunt injurias (& quotusquisque est qui hoc ipsum possit agnoscere? immo pro beneficio nonnulli imputant, quod summa est injuria) leves putant, quas vero

*Agrestis
humanitas.*

*Quisque
sibi blanditur.*

vero ab aliis accipiunt, aut accipere sibi videntur, vix ullis pœnis expiandas credunt. Jam ego igne cœlitus demisso cauponam combustam, jam impiam mulierem à terra absorptam, aut ad minimum, à duobus illis Martiis pullis arbori alligatam & ad necem usque plagis oppletam mihi imaginabar. Sed si non planè puerili fuisset ingenio, facile ex immoderato hominis risu magis joculare aliquid quam triste animo concepissem. Urgeo hominem ut narrare pergat. ille sic infit: Duo illi de quibus dicere cœpi juvenes in eadem qua tu caupona non minus laute tractati sunt, sed minus gratam hospitæ symbolam solverunt. Ex eodem ovorum genere placenta eis fuit opposita: sed quum illi vitella jam officulis obriguisset deprehendissent, dissimulata nausea, ecquid aliud edulii in promptu essent quasiverunt. Commodum piscator nullum prægrandem in cauponam attulerat hospitæque vendiderat: quem illa exenteratum, in frustra sectum & modico sale conditum penori inclusit. Tum alter, Mea mater, inquit, p. scem illum nobis vende, & frustum unum aut alterum nobis in prandium para: quod reliquum fuerit, ad cœnam reservabimus. Licetaptur, addidit illa multo majoris quam antea

*Pulcher
error.*

antea
alterur
illi stre
dunt.
dextra
gocis
scituru
tanque
cam an
omni se
tra se ef
dalem e
faciem
sci ad f
retur.
tantos
nem pe
tem ridi
ignoscit
illius in
occorre
nunquar
semper
ma illa
tui: gau
vicem su
bens ber
meipson
Hac
rum au
asperna

antea emerat. Frustum unum elixum, alterum assum illis apponit: reliquum illi strophio involutum in peram condunt. Jam satui, alter placentam clam dextra capiens manu, vetulam aliis negotiis occupatam, quasi symbolam posciturus, accedit, & in os, oculos, totamque faciem placentam (ex ovis dicam an pullis?) ita impingit, ut quasi omni sensu amisso obstupesceret, & extra se esset. Accurrit mox alter, & soldalem objurgans, scilicet, calido cinere faciem emplastratam ita ei opplet, ut pisci ad figendum apparato similis videretur. Hic iterum bonus ille homo in tantos cachinnos effundi, ut narrationem pertexere non posset. Nos ridentem ridemus. ille vero, quæso, inquit, ignoscite. Mihi quotiescunque vetulæ illius impurissimæ spectaculum animo occurret, quoad vixero, materia risus nunquam deerit. Tum ego, Mihi vero semper erit ut doleam, quod de pessima illa ultionem ipse sumere non potui: gaudeo tamen à duobus illis meam vicem suppletam: quibus, si possim, lubens bene faxim. Erit tamen forte ubi meipsum quoque ulciscar.

Hæc quum alter comitum nostrorum audiisset, sermonem meum vultu aspernatus, Hæc verba, inquit, o adolescentens,

Sic dicitur.

*Contra
vindictæ
cupidos.*

lescens, splendida tibi bilis suggerit : non verò dubito, si mihi auscultaveris, quin culpam in eo tuam sis agniturus atque etiam in posterum viraturus.

Deus ac Servator noster Jesus Christus omnibus suis fidelibus stricte imperat, ut inimicis omnes condonent in jurias, immò benefaciant quoque iis à quibus odio habentur. Ubi notandum est, non jubere uti bene iis faciamus, qui nobis male faciunt. Potest quidem inimicus odisse te, malè facere tamen tibi non potest, si tu nolis. Quum enim ea tantum verè bona sint quæ semper durant, nec ulli mutationi sunt obnoxia: manifestum est illa quibus hodie abundamus, cras caremus, in malis potius quam bonis habenda, ut quæ multorum malorum causæ sunt, dum iis confisi, nos ipsos perdimus. Quod si verè loqui velimus, inimici sunt quos pro amicis, & amici quos pro inimicis habemus. Tu quidem eum amicum putas qui vel facultatibus suis te juvat, aut favore suo te provehit, aut aliqua alia ratione commoda tua promovet. Sed ô Deum immortalem, quanta est ejusmodi amicorū paucitas!

— *Vix sunt numero totidem quot*

Thebarum portæ, vel divitis ostia Nili.
Benevolentiam scilicet ostentant plerique, beneficentiam vix quisquam. Ami-

ci omnes tibi sunt, ita tamen ne oneris aut sumtui. Sed est talis aliquis, qui liberali quocunque opus est in te confert manu: quantillum hoc ipsum est?

Quod si omnes suas tibi facultates largiatur, nunquid iis animam tuam ex inferno redimet? & hodie quidem nostri divites pecunias suas & talia non in virtute præditos, sed in cupiditatum suarum ministros profundunt. Si vitæ tuæ pro me facias jacturam, ad meam nihil tamen addideris. Si honoris; non honor ille erit, sed ignominia. Verus enim honor est, Deo servire. quidquid extra hoc est, malum ac turpe est. Dum ergo temporalia mihi das, vana das, inutilia, non rarò etiam noxia. O quam multi parentes, dum opes accumulando liberis prodesse volunt, eosdem perdunt! Fit enim plerumque ut laboriose à majoribus, non citra sordes & peccatum, quæsitæ vel turpiter à filiis aut nepotibus profundantur, vel ab iisdem ad aliquorum detrimenta, proximi facultates exsugendo, usurpentur. Sic illos luxus, hos avaritia ad infernum deducit: ipsis parentibus materiam suppeditantibus. Nocet ergo non raro amicus; at inimicus semper prodest, modo nos ipsi velimus. si male ille mihi voluerit; ego illi bene: certus jam sum

*Sinistra
liberalitas.*

*Non bene
faciendum.*

de Dei erga me benevolentia. Si parvam ei condonem injuriam; mihi omnia peccata mea remittentur. Si maledicenti benedicam, nihil mihi nocebunt ipsius maledictiones, benedictio vero mea id promerebitur, ut ad me quoque pertineat vox illa Christi in extremo iudicio suos ita vocaturi: *Venite benedicti Patris mei*. Vides ergo quomodo suis cogitationibus, verbis, factis, nostra emendet nobisque utilia reddat inimicus. Non nego magnam rem ac pænen supra hominis vires positam esse, inimicum diligere. Sed nobis illud tantum considerandum, Dei hoc præceptum esse, non vero illud, quam difficile sit. Quod si terrenorum Principum mandata, qualiæcumque illa sint, diligenter observamus: quanto magis cœlestis Monarchæ voluntatem exsequi debemus? qui si dicat; *Hoc volo*: tu quale hoc ipsum sit non multum laborabis, sed animum rebus omnibus relictis, ad obedientiam flectes. Et tamen hic quoque imbecillitatis nostræ rationem habet benignissimus Deus, medicos imitans, qui ut non crudas radices, flores, aut herbas, sed saccharo ac melle conditas, ac diligenter præparatas ægris porrigunt: sic ille huius ipsius præcepti asperitatem fructus, qui ex ejus observatione pro-

venit,

Dei ius-
su,

A

venit
quar
jus di
si du
dam
impe
nino
reas,
lectari
sis tibi
probre
bis por
sis? v
possi
plinari
nam i
stemu
vide,
Percuss
tum h
monui
bus, n
sed om
quam a
quum
tur, os
depreca
homin
ritæ qu
cans, h
suam

venit, dulcedine mitigat ac lenit. Quamquam frustra ac sine causa præcepti huius difficultatem accusamus. Age enim, si dux militum ab imperatorearci cui-dam custodiendæ cum præsidio esses impositus, cum mandato, ut ne his om-nino contra hostem transeuntem mo-veas, nec ad pugnam ullo modo pro-lectari te sinas. Jam si ille contumelio-sis tibi verbis insultet, & ignaviam ex-probret; numquid tu illius injurias ride-bis potius quam vindicabis; etiamsi pos-sis? tantum ut ne imperatoris mandato posthabito, in militarem pecces disci-plinam, & gravissimam hoc ipso pœ-nam incurras. Cur idem Deo non præ-stemus? Christum servatorem nostrum *Christi*
vide, suo exemplo nobis præeuntem. *exemplum.*
Percussus, non reperiussit, sed scelera-tum hominem erroris salutariter ad-monuit. non insidiatus est insidiantibus, non convicia dixit conviciantibus, sed omnia tulit patientissime: & tam-quam agnus innocens, ne tum quidem quum tonderetur atque adedò maculare-tur, os suum aperuit, nisi pro inimicis deprecando. Idem fecerunt dilecti Deo homines B. Bernardus fratres ab inju-riæ quæ ipsi illata fuerat ultione avo-cans, Non æquum esse clamavit, ut qui suam quotidie culpam condonari sibi

petit, alienam ulciscatur. S. Stephanus inter undique appluentium lapidum acervos jam jam deficiente voce Deum orat ut cædis suæ auctoribus ignoscat: caque deprecatione Sauli, Paulo postea dicto, conversionem ac salutem impetrat. Recte ergo idem Divus Apostolus nos monet, ne iram pernoctare nobiscum sinamus: ut benedicamus persequentibus nos, & non maledicamus: ut esurientibus cibum, sitientibus potum præbeamus, &c. addens, eandem mensuram qua aliis mensi fuerimus, nobis redditum iri. S. Jacobus iudicium absque misericordia ei minatur, qui misericordia erga alios uti nolit. Memorabile est Constantini Magni exemplum: qui quum accepisset, statuam suam à petulantissimis hominibus per summam contumeliam lapidibus impetitam ac contis & gladiis confossam, vultu ac reliquis suis membris manu pertractatis, Ubinam, inquit, illi ictus sunt: ubi vulnera, quæ dicitis non statuas, sed quasi ipsi meo corpori illata! Equidem nulla sentio: nec illam injuriam mihi factam puto. Quod quis dici potuisset cordatius à sapientissimo religiosissimoque Imperatore? Nimirum plerique non tam veritate quam opinione injurias æstimant ac metiuntur. Num tu pu-

*Imp.
Constanti-
nus be-
nigneas.*

tas injuriam de qua tu ipse vindictam non sumferis, ita impunem auctori futuram? Certe si quis alicui in Principis aula violentas intulerit manus, non satis est ad expiandum scelus ut injuria affectus afficienti ignoscat, sed ipsi quoque Principi cujus in eo leges gravissimè violatæ sunt satisfieri oportet. Sic existima, non te sed Deum inprimis lædi: qui vindictam sibi permittendam clamat. Numquam ergo malum pro malo reddes, nisi vis ut malum illud in tuum ipsius recidat caput; sed malum bono vincere studebis: sicque incredibile in animo tuo senties tranquillitatem: quum ira & ultionis studio nihil sit impetuosius ac turbulentius.

Hæc bonus ille vir equitantibus nobis prædicabat: quæ quidem aures meas celerrime prætervolaverunt. tantum abest ut in mentem descenderint. Post multos tamen annos eadem in memoriam revocans ac ruminans, sic deprehendi, Præclarissimum ultionis genus esse, posse ulcisci nec ulcisci tamen: ipsam vero vindictam Injustitiæ esse speciem: qua nihil coram Deo ac hominibus foedius est & magis à natura hominis alienum. Ultionis studium ignaviæ est argumentum. Econtra

*Quoniam
optimas
vin. h. l. e.*

Fortior est qui se quam qui validissima vincit

Mania, nec virtus altius ire potest.

Quæ (malum!) hæc est hominum audacia ac temeritas, ut quod Creatoris est, sibi usurpent, & alieno pro suo utantur? Si tibi persuasum est (& certe omnibus Christianis debet esse persuasum) omnia Dei, nihil vero, immò ne te ipsum quidem propriè tuum esse: quid tibi adimit ille qui te offendit? Omnis hic actio non tibi sed Deo competit: ad quem etiam solum vindicta pertinet. Cave tu litem alienam tuam facias. Quod si vel maximè tua quoque intersit, quid nobilius est ac generosius quam benefacere? Magnum sane quid præstiteris, si nihil male feceris; multo autem majus si male facienti benefeceris: ad quod nos divinum præceptum obstringit. Malum pro malo reddere, Satanicum est: malum pro bono plusquam Satanicum. Benefacienti benefacere, officium est hominis, nec ab ipsis quoque bestiis alienum, quæ non facilè nisi persequentes lædunt, & quendam etiam beneficiorum sensum ostendunt. At malefacienti benefacere, opus est supranaturale, scala diuina ad ipsam pertingens æternitatem, clavis cœli, & jucundissima animæ ac corporis pax & quies.

quies. Quid vindictæ studium? inquieti animi agitatio, moribus vehementissimus, stimulus assiduus mentem ipsam effodiens, mera insania. Urget scrupulus in calceo pedem tuum, an propterea ferrum tibi in viscera condes? Ego cæcus esse velim, ut invisus mihi luscus aut lippus fiat? Pudeat nos Christianos ab Ethnicis solo naturæ lumine illustratis longe superari. Demonax à quodam percussus, amicis ut ad judicem iret monentibus, *Non, inquit, ad judicem, ô amici, sed ad medicum.* Pericles hominem tota die sibi conviciatum sub noctem cum face domum deduci iussit. Rex quidam Franciæ injuriam quæ sibi Aurelianensi tum Duci illata erat, ulcisci turpe putavit. Sexcenta his similia exempla proferri possent; sed non sunt hujus loci. Potuisssem sane ego si mens non læva fuisset, sancti illius viri oratione & melior & prudentior fieri: quam ille fere usque ad Gantilianum pagum persequutus est, quò sole jam ad occasum vergente pervenimus. Et illi quidem ad amicos, nos in publicum hospitium divertimus.

CAPUT V.

*Gusmanus in alio hospitio cum
agasone non minus opipare
quam in priori illo tractatur.
Cauponum doli & malitia.*

*Hospi-
tiorum
conditio.*

Digressis Religiosis illis, sodalem rogo quonam ipse se recepturus esset. Ait ille, Cauponem se nosse eo loco, hominem bonum, & bene tractandis hospitibus assuetum. Credebam dicenti, (& forte ipse ita putabat) sed haud multo post non in hospitium, sed quasi latronis speluncam deductum me sensi. In Charybdi antea hæseram; nunc ecce in ipsam Scyllam delabor. Quæ nobis ibi evenerint, paucis expediam. Habebat caupo asinum simul & equam Galitianam: quæ solutæ plerumque diu noctuque, ne scilicet advenarum jumenta sola pabulum suum quæque ederent, aberrabant. Nec licet vilioris animalis conditionem equa aspernata fuerat (nam etiam scabiosi capita colimant) sed è contubernio illo gravida, mulum pepererat. Est vero in Bætica lex inviolabilis, quæ sub gravissima poena diversi generis animalium commissionem prohibet. quocirca vafex

fer homo pullum illum quam fieri potuit, dies aliquot clam habuit : tandem vero quum diutius latere non posse animadverteret , mactavit. Nos hospitium ingressi, percunctamur an cibi aliquid haberet quod nobis in cœnam daret. Annuit ille toto capite, & Non potuisti, inquit, commodius venire. Ego enim heri præpinguem vitulum mactavi, cujus exta costâ habeo , ex iis, quod placebit vobis impertiturus. Exsultanti mihi ad hæc verba jamque animum in patinis habenti, omnis mora, dum mensa insternitur, longa visa est. Mox apponuntur nobis bina ova, mox ipsa exta elixa, pauca tamen, credo, ne satur stomachus fraudem deprehenderet. Etsi vero & ipsa fames me invitaret, & sodalis mei in tubercinando strenuitas salivam mihi moveret : nescio tamen quomodo ipse cibus mihi ad dentes obhærescebat & nauseam dabat. nec mirum. Erat enim sodalis meus inter ipsas quasi feras educatus, & aspero victui assuetus: eoque quodcumque arripuisset, in stomachum demittebat: mihi vero multo melius educato palatum tam surdum non erat, ut sapidum ab insipido discernere non posset; Tum quidem mihi accidit, quod proverbio dici solet, Ventrem scilicet citius quam

Frases.

oculos satiari posse. Quidquid hospes apportabat, parum satis ad meam unius famem explendam arbitrabar. Rogo, an aliquid amplius haberet in cibum? Ait, si placeat, cerebrum vitulinum cum ovis in butyro frixum se nobis datum. Interea nescio quid edulii ex iisdem intestinis confecti apponit, ne missio maxillis nostris indicta videretur. In id cupidissime involat sodalis meus: gusto & ego, sed mox & sapore & odore offensus, abstineo, mihi interim & sapidiorem & copiosiorem pastum, sodali jam saturo, de cerebro promittens. Sed spes me fefellit. nam & sodalis meus non minus strenue ad ultimum hoc ferculum quam ad primum manus extendit, utraque maxilla ita comedens ut diebus aliquot ne panem quidem gustasse videretur. Sed ad ovorum adspectum ita ridere coepit, ut cibi plane oblivisceretur, me non leviter indignante, ut quicquid in priori acciderat caupona ad fastidium ciendum exprobrari putarem. Utrumque intentis oculis spectabat caupo, omnesque nostros gestus & verba diligenter observabat. Ut vero illum vidit effusissimo risu pænenè solutum, suspicans de fraude aliquid suboluisse (ut semper timoris ac suspicionis plena est mala conscientia) Quid vos,

*Male
confecti
susp.ca-
res,*

vos;
cibu
juro
stis
ma
Qui
cibo
dus
tu cu
velit
relin
rum
meu
bus
Tun
rat
que
lest
tricer
mine
cit o
nihil
suum
quam
ret. I
fraudi
que m
gratie
fonde
ego
morti

vos, indignabundus inquit, mene an cibum meum ridetis? Jovem lapidem juro & cerebrum hoc & quæ comeditis extra altilis esse vituli pridè à me mactati. Hic agaso & ipse subiratus. Quid tibi cum meo risu? inquit. An ut cibo, ita risui quoque certus hic est modus & certum precium positum? Quin tu cuique quandocumque & quantum velit tam ridendi quam flendi arbitrium relinquis. Me quidem ova hæc aliorum admonuerunt, quæ sodalis hic meus hodie in quadam tribus milliariibus hinc distante caupona pransus est. Tum solito cum risu rem omnem narrat sedulo auscultanti & ad unumquemque fere articulum conclamanti: O sceleratam mulierem, hospitum defraudatricem! In malam crucem tales homines. maledictus sit qui male suum facit officium. Quæ quidem execratio nihil ad ipsum pertinuit, ut qui officium suum furandi scilicet & fraudandi quamoptime ac scientissime administraret. Inde multos sibi de vetulæ istius fraudibus conquestus dicit, se vero suæque mirifice extollit, Est, inquit, Deo gratia quod ab omni paupertate mea sordes ejusmodi procul absunt. Non ego selem pro lepore aut cuniculo, non morticina, non rancidas carnes, non

*Culpam
culpa di-
gni.*

fectentes pisces hospitibus oppono. unumquodque vendo pro eo quod est. Gloriarī mihi licet, sic hospites à me tractari ut ab aliis ego tractari velim: eoque fit ut domus mea multo magis quam ulla alia in hoc tractu frequentetur. Nos varietatem hominis pertæsi, locum cubandi monstrari nobis petimus. ille manipulum stramineum in solum effundit, vilemque tegetem, oblitus culcitram, nobis injicit. Ita nos eam noctem, sodalis quidem meus inter rōnchos, ego inter varias cogitationes & suspiria transeginus.

CAPUT VI.

Sequentis diei historia.

*Peregrinationis
incommoda.*

Albescente jam cœlo, surgimus uterque. Ille quidem ad jumenta sua statim visit, à quibus multo facilius agnitus fuit quam ego, si sorte tum ei occurrissem, à matre mea fuisset agnitus. Adeo omnia membra, in primis facies pulicum & cunicum moribus facta erat ac pustulis livida, ut in tota cute vix locus novo vulnere superesset. Et profecto nisi in cœna copiosiorimero (quod unum in illo hospitio bonum fuerat) paullo largiuscule invitasset, somnum tota nocte oculis non vidi-

disti
jenta
fructu
quo
mibi
ac na
ergo
Ita m
batur
conce
cere p
cidet
cariu
Vide
Quo
sia.
hoc c
mò h
sodali
Tum
hester
ulla n
quæ
li; sta
fide c
quant
solver
ur; in
verba
lulum
possu

dissem. Curatis jumentis, sodalis meus jentaculum apponi sibi jubet. Affertur frustum carnis in jure etculento : de quo ille tam avide comedere cœpit, ut mihi quoque licet adhuc somnolento ac nauseanti, appetitum excitaret. Gusto ergo & ipse aliquid ; sed mox abstineo. Ita mihi dura & insipida caro illa videbatur, ut struthionis stomachum ei concoquendæ ac digerendæ non sufficere putarem. Id non incommodum accidit sodali meo, qui vix quidquam delicatius tota vita se comedisse jurabat. Vide quid educationis faciat disparitas. Quod mihi nausea erat, illi erat ambrosia. Ego, quæso, inquam, hospes, quid hoc carnis est, quod dentes ita fugit, immò hebetat ? Ille nimis recentem esse, at sodalis meus, palatum mihi desipere, ait. Tum mustanti mihi in mentem venit hesternæ cauponis cum juramento sine ulla necessitate facta asseveratio, exta quæ tum comedimus, pinguis esse vituli ; statimque injecta est suspicio, mala fide cauponem nobiscum agere. Rogo quantum deberem, simulque zonulam solvere incipio. Hic sodalis, quod debetur, inquit, ego pro utroque solvam. quæ verba ego cum plausu excipiens, paululum tamen renitens, homini quantas possum ago gratias ; ac simul de reli-

*Palatum
rustica-
num*

*Officiosa
gratitu-
do.*

qua mea fortuna melius augurari ac sperare cœpi. Hem cogitabam, insperato beneficio divinitus tibi objectum hominem, & quidem ex infima plebe, qui fortunam tuam sublevaret, & vecturam & cibum potumque gratis subministrando! Quid civiliores ac melius morati homines tibi facient? Ne vero ingratus viderer, dum ille rationes cum hospite putat, jumenta aquatum ago, in stabulum reduco, strigili depecto, agasonis denique munus non sine meo ipsius risu, ac frequenti poppysmate obeo simul ac disco. Reversus è stabulo, palliolum quod abiens abaco injeceram, requiro. per ludum ac jocum forte ab hospite aut sodali absconditum existimans, rogo ut ne diutius me ludificentur, aut animi pendere sinant. Quum uterque juraret, nihil se scire de pallio, dici non potest, quanta anxietas animum meum invaserit. Angulos ergo omnes pervestigo, omnia excutio: sed nullibi comparebat quod quærebam pallium. Tandem per totas ædes discursans, in conclave quoddam culinæ proximum devenio, ibique multum cruorem in terram effusum, & juxta pellem expansam video; cui pedes adhuc appendebant. non procul inde caput muli jacebat, integrum plane, nisi quod cerebrum

*Fraudes
campen-
aria.*

rebu-
cione-
depre-
cœna-
do: l-
tulur-
hosp-
datus.
qua h-
tamqu-
ce se f-
lerim-
re: in-
cro f-
plane-
tum.
quære-
nondum
go(na-
nemo-
ac pau-
natur;
vicia,
pedem
conjec-
xo cap-
stricto
artipu-
Dei l-
ille v-
grand

rebrum & lingua exemta erant. Suspicionem hinc meam non vanam fuisse deprehendens, sodalem advoco, eique cœnæ ac jentaculi nostri reliquias ostendo: En, inquit, pinguem illum vitulum quem tantopere nobis laudavit hospes, & ipse tantopere mihi à te laudatus. Hæc scilicet bona est illa tractatio, qua hospites ab illo excipi ajebas. Ille tamquam attonitus obmutescere, cruce se frontemque signare, ac quamcellerrime cum jumentis inde se proripere: in sinum gaudere ego, hoc tam pulcro spectaculo superiorem ipsius risum plane suppressum ac egregie vindictatum. Et mulum quidem quem non quærebam, pallium quod quærebam, nondum inveneram. Cauponem ergo (nam præter illum & sodalem meum nemo adfuerat) magna voce inclamo, ac paullum posco. ille alapas mihi minatur, ac multa probra ingerit ac convicia, quæ quum ferre non possem, pedem abaco extortum in caput ejus conjicio: quem tamen ille ictum deflexo capite declinavit; tum dicto citius *Incon-*
sulta
iracundia.
 aripiuerat, me invasit. Inclamo ego Dei hominumque auxilia. persequitur ille vociferantem. ubi vero duos satis grandes lapides è via silicibus strata

me tollentem vidit, consistit, ac paulatim regreditur. Jam ad rumorem istum tota fere vicinia accurrerat, & inter alios ipse prætor cum suis satellitibus: cui quum narraſsem quid mihi in caupona accidisset, ille statim injici manum mihi jubet, & ipsa tum experto, Tutius esse furari quam alium furti, occulti præſertim, accusare. Jubetur quoque ipse hospes causam dicere: quam quum ille non satis expedire videretur, prætor seductum me accuratius interrogat. Hic ego in aurem ei insusurro, mulum à nequissimo caupone occisum, & nobis pro cibo appositum: simul locum designo ubi exuviæ ea ipsa hora adhuc jacerent. Quare & ipsum à satellitibus custodiri jubet: inde ædes ipsi perveſtigat, ac præclaras illas exuvias uti monſtrâram repertas omnium conspectui exponunt. Interrogatus à prætore caupo, non solum hanc sed plurimas alias nequitias & fraudes confessus est: ut vero de pallio meo aliquid confiteretur, subigi non potuit, quamvis ab eo surreptum nemo dubitaret. Post hæc ille in carcerem deductus fuit, nec scio ego an & quas pœnas postea dederit: ego vero cum sodali cœptum iter persequutus sum, uterque molestiarum ac tædii plenus.

C A-

Debo
lic
di
aa

Non
ger
runt &
omnib
buerun
eidem
men c
tes. M
cogniti
quam r
ſpensan
rantis a
caupon
vinum v
ille bon
ille apud
tuna, ut
vero on
felicitas
tes vero
catechat
quam v
ego in

CAPUT VII.

De hominum Felicitate & Infelicitate Apologus. Gusmani, dum reliquum viæ conficit, adversus casus.

NON Ægyptii modo, sed & pleræque ^{Mala bonis mixta.} gentes Fortunam pro Dea habuerunt & coluerunt; eique vim maximam omnibus in rebus esse persuasum habuerunt, tam prospera quam adversa eidem accepta referentes, ejusque numen quotidianis sacrificiis propitiantes. Miseri videlicet homines veri Dei cognitione destituti erant, tam bonæ quam mala ex mero suo arbitrio dispensantis, omniaque liberrime moderantis ac gubernantis. Facit idem quod caupones solent. Ut enim hi benum vinum villo, ac sæpè etiam vappa; ita ille bona malis diluit: ut non immerito ille apud Comicum queratur: *O Fors fortuna, ut nunquam perpetuo es bona!* Illud vero omnium est miserabilissimū, quod felicitas omnis momentanea; calamitates vero continuæ sunt, & quasi concatenate. Vulgatum illud est ac nimis quam verum: *Nulla calamitas sola.* Id sanè ego in meipso expertus sum. Heri fortu-

nam meam deploraveram, eò quod de via lassus essem, ac duo pullastri ovorum persona induti in ventrem mihi correpsissent. Atrocius multo visum, quod & exta & carnes & ipsum cerebrum muli esitassem: longe vero atrocissimum, quod pallio nescio quibus præstigiis surrepto essem spoliatus. Quin illud in futurum mihi assidue occini videbatur: *Hactenus in te folia ceciderunt, mox arbores cadent.* Ah, quam sinistro augurio patrio limine pedem extuli! cui Mandrabuli more, ut est in proverbio, res omnes postea successerunt, in deterius indies prolapsæ. Vere B. Job vitam nostram Militiæ comparat, periculis, laboribus & ærumnis plenæ. Sed assen para, & de Felicitate hominis Apologum audi.

*Apologus
de Felicitate &
Infelicitate.*

Creatis omnibus rebus Jupiter homines præesse, eis vero deam Felicitatem assistere iussit: quam illi & divinis hymnis celebrabant, & assiduis sacrificiis venerabantur, ipsum Jovem interea oblitum. Hanc contumeliam indigne ferens Jupiter, deos in consilium vocat, & summam accusat hominum ingratitude, ut qui se rerum omnium creatore post habito, solam Felicitatem respuerent, colerent atque adorarent, quærant, quid de tam atroci hominum crimine sta-

statu
animu
fragili
mines
cus al
ut lev
admo
sippi
Ogger
gatus
cere vo
rem d
increp
nihil
me: o
sentiel
infinite
potent
quoqu
extirp
efform
cile car
mero p
eorum
Post h
Jovem
est, o f
indigna
tra or
probru
iniquit

statuendum sit. Ex iis nonnulli quibus animus mollior, Jovem monebant, è fragili admodum materia factos esse homines, eoque venia dignos, si forte secus aliquid commisissent. Suadere ergo ut levi aliqua pœna afficiantur, & erroris admoneantur: certa spe, futurum ut resipiscant, & cautius in posterum agant. Oggerebat se statim Momus, & non rogatus, nescio quid atrox in homines dicere volebat: sed à Jove quod aliis priorem dicendi locum præripere tentaret increpitus, tum quidem conticuit. Erant nihilominus è reliquorum deorum numero non pauci, qui idem cum Momo sentiebant, Mortales scilicet eò quod infinitum bonum, rerum omnium præpotentem Jovem, offendissent, infinita quoque pœna dignos, eoque radicitus exstirpandos, nec ullos deinde amplius efformandos esse, ut quibus ipsi dii facile carere possent. Alii ex omni numero pessimos tantum eradicandos, in eorum vero locum bonos creandos. Post hos sententiam rogatus Apollo, Jovem sic alloquutus fertur: Tam justa est, ò supreme Rex, tua contra homines indignatio, tam justa querimonia, ut citra omnem crudelitatis culpam aut probrum, omni pœnarum genere iniquitatem eorum ac illatam summæ

Ma-

Majestati contumeliam ulcisci queas. Illud tamen interim memineris, si ad interuersionem universum hominum deleas genus, omnem quem in creandis ex nihilo rebus adhibuisti operam & laborem tibi perituum. Sed & ad summam ac supremo deorum dignam perfectionem aliquid tibi deesse videbitur, si hoc quod creasti destruxeris. quasi scilicet mentem tuam ejus quod fecisti subiisset poenitentia. Multo minus æquum est, ut hominum genus deleas simul, ac de novo reficias: ne aberrasse & in ipso opere peccasse videatur manus tua. Si enim novos homines velis refingere, aut liberum eis tribues arbitrium, aut nullum. Si liberum; idem hi facient quod illi; nullum, jam non homines erunt, sed stipites: quin etiam universa hæc Mundi machina, quanta quanta est, frustra à te creata videbitur. Quare ita censeo, hanc mortalium culpam non excidio vindicandam, sed opportuno remedio corrigendam esse. Tu quidem, ô summe Jupiter, mortalibus velut assistricem deam Felicitatem adjunxisti, ut inde benignitatem tuam agnoscerent ac meritis laudibus solam deprædicarent. quia vero tam præclaro dono abusi, supremæ majestatis oblivisci non erubescunt, suaserim ut Felicitati in cœlum ad

nos red
turis;
tiam ac
& expe
minus
buere
los di
cujusq
Hæc
acerbiss
minum
quidem
ipse m
minum
lius er
pollini
quatio
vit. qu
aliud e
ludena
litare v
& ceter
simulq
cum ab
mines,
& arcep
lucate
quara
piter, h
felicit
demini

nos redire jussæ, Infelicitatem succenturietur; quò & miseras suas & potentiam ac zelum tuum mortales agnoscant & experiantur. Licebit tibi tum nihilominus quibus libebit dona tua distribuere, ita tamen ut inter bonos ac malos discrimen servetur, & meritum cuiusque habeatur ratio.

Hæc quum dixisset Apollo, Momus acerbissimam orationem exorsus, hominum perversitatem ac malitiam verè quidem, ita tamen exagitavit, ut suam ipse malitiam atque invidiam erga hominum genus, proderet. Tanto facilius ergo omnes, exploso Momo, in Apollinis ivere sententiam: cujus exsecutionem Jupiter Mercurio demandavit. qui ad homines profectus, ubi nihil aliud eos agere quam edendo, bibendo, ludendo genio indulgere, ac Felicitati litare vidit; seductam eam quid à Jove & ceteris diis decretum esset admonuit: simulque non repugnantem è terris secum abducere cœpit. Id conspicati homines, Mercurio acerrime resisterunt, & arreptis jam fugientis vestibus, Felicitatem secum retinere conati sunt, quam contentione ut dirimeret Jupiter, Felicitatem vestibus extrahit, Infelicitatem vero momento citius eisdem immisit: quo decepti homines Infelici-

licitatem pro Felicitate arripuerunt, pernicioso quidem dulci tamen opinio-
nis errore, qui ad nostrum quoque
sæculum promanavit. Quam multi enim
hodieque sunt, qui quum ipsam Felici-
tatem possidere se putent, nihil tamen
aliud quam ornatum ejus quemdam ac
speciem possident: quæ nihil aliud est
quam labor, ærumna, & ipsa infelicitas.
Quid enim? si videas homines in sole-
mni aliquo festo opipare edentes, po-
tantes, saltantes, lascivientes: Felices illos
forte dices, sed falso. Mox enim unum
dicentem audies: Oh quam sudore to-
tus madeo! quam lassus sum! quantos
capitis, quantos stomachi dolores sentio!
quam turpiter pecuniam meam luxu, lu-
su perdidit! quantam perniciem amores
mihi rebusque meis attulerunt! Tum,
tum demum re ipsa deprehendimus,
umbram tantum Felicitatis penes nos
esse, ipsam verò infelicitatem omnibus
rebus intervenire. Extrema gaudii lu-
ctus occupat, risum fletus excipit; volu-
ptati dolor succedit. Quid tu illi summos
honores gratularis, quibus se aliosque
mox ibit perditum? Quid divitiis gau-
des, quarum augendarum cupiditate &
amittendarum metu continuo angeris?
Tunc felicitatem in particula splenden-
tis luti ponis? sed ita est. Res non suo

pon-

pond
mantu
ris ac d
bi diē
sed in
Ad
miser
tione
versaba
pratoru
bant vi
fore ut
redig
tici p
eis re
imma
ponen
caupo
lera ig
tium
ratum
tia; se
hi per
sto mib
mibi fa
parare
lectum
ret, &
lum d
vastus
videra

pondere, sed hominum opinione æstimantur. quæ mirum est quam sit erroris ac dementiæ plena. Hæc vero eò tibi dicta puta, ne Felicitatem in terra, sed in cœlo quæras.

Ad me ut redeam, Deus bone, quam miseris modis in hac prima mea expeditione deceptum sensi! Oculis meis obversabantur veris amœntias, viriditas pratorum, arborum opacitas. occurrebant viæ planæ ac latæ, sed non illud fore ut illas emetiendo ad lassitudinem redigerer. Opportuna passim ac munditiei plena diversoria, commodasque in eis refectioes mihi imaginabar; sed immane & ex solius cauponis arbitrio ponendum precium, tum admirabiles cauponum fraudes atque etiam scelerata ignorabam. Grata erat oculis montium ac vallium varietas, tum civitatum, pagorum, villarum frequentia; sed multo gratior futura, si ut mihi persuaseram, omnibus in locis præsto mihi fuisset mater mea, quæ delicias mihi faceret, ancilla, quæ coenam præpararet, inde vestibus spoliatum, in lectum diligenter apparatus componeret, & experrectum mane ad ientaculum deduceret. Vah, cogitabam, quam vastus est hic Mundus! cujus figuram videram in tabula depictam, plenam il-

*Imaginemur
facilia.*

lam

Iam totamque continuam, sed ab ipso archetypo multum discrepantem. Vide-
ram ibi regionum ac civitatum nomina;
sed errores meos ac labores non vide-
ram. Quantum in vita mali esset, non-
dum sciebam. Ut insipientum est dicere,
Non putaram: ita sapientum, futura pro-
spicere, eorumque necessitatibus, quan-
tum fieri potest, matura parare reme-
dia. Sapiebam ego ut puer: agebam ut
pater. O quam multas chimæras, ho-
spitio sine pallio, sed multis cum ludi-
briis egressus, animo mihi ac cogitatio-
ne fingebam! Quam misere tum ad ollas
Ægyptiacas respiciebam! Sed profecto,
Tum demum nostra homines intelligimus
bona, quum quæ in potestate habuimus, ea
amissimus. Inter has cogitationes dum iter
prosequimur, Agasonis sodalis mei ta-
curnitatem demirabar: qui ut ante De-
moeriti, ita nunc Heracliti personam re-
præsentabat. Ne mihi quidem res meæ
satis placebant; illud tamen cogitans,
Animum bonum in re mala dimidium
esse mali, quantum poteram vultum ad
hilaritatem fingebam. Quamvis autem
multa & in hospitis nostri versutiam &
in nostram simplicitatem jocarar, ut os
tamen ad risum diduceret hominē adi-
gere non potui. Sic fit ut qui aliena ma-
la rident, sua deplorent. Interim duo
illi

*Impro-
vida hy-
mnus
2216715.*

illi Rel
adjunx
citaban
Dur
cogita
go list
primu
ut con
sistunt
uahunt
las excu
tum stat
excusan
deprece
illi con
gasone
hi, cub
obtrunde
meam e
nere just
quarete
carere p
tum in
ejus quo
mino su
nequissim
nes, quæ
metu ex
ciunt, u
viam inf
sonem di

illi Religiosi, qui in via rursus se nobis adjunxerant, horas suas Canonicas recitabant.

Dum ita suis quisque velut involutus *Justitie*
 cogitationibus iter facimus, ecce à ter- *ministri*
 go lictores nos insequentes; qui quam- *quales.*
 primum me conspexerunt, magna voce
 ut consisterem clamant. Mox circum-
 sistunt, timore pallidum ex jumento de-
 trahunt, vestes meas omnes & sarcinu-
 las excutiunt, restim quoque, nisi fur-
 tum statim proferrem, minantur. Ego
 excusare me quantum poteram, vim
 deprecari, furtum à me factum negare;
 illi contra multo acerbius in me & A-
 gasonem tamquam receptatorem inve-
 hi, cubitis utrumque exponere, pugnis
 obtundere: donec unus eorum manum
 meam contemplatus, manus à me absti-
 nere jussit, clamans, Me non esse quem
 quærent. illum enim sinistrae manus
 carere pollice, qui mihi esset integer.
 tum in sarcinulis nostris nihil reperiri
 ejus quod is quem quærent puer do-
 mino suo surripuisse argueretur. Sic
 nequissimi illi & immisericordes homi-
 nes, quum lumbos pænè mihi fregissent,
 metu exanimatum tandem missum fa-
 ciunt, ut ignoscamus petunt, aliamque
 viam insistant, paucos quos apud aga-
 sonem dum sarcinulas excutiunt, dena-
 D rios

rios secum asportantes. O sancta iustitia, quam turpiter nonnunquam ministraris! En ad comprehendendum furunculum missi, furantur ipsi: & qui vim à miseris prohibere debebant vim ipsi faciunt ac latrocinantur, abeuntes illud tantum dicunt: Ignoscite amici. alii visi nobis estis. O intempestivam deprecationem! Imprimis agaso ille sodalis meus injuriam hanc indignissime ferebat. Sed quid faceret? Optimum erat ut ferret quod mutare non poterat. Me vero affligebat iactura pallii. de qua tamen mihi aliquo modo gratulabar, illud cogitans, si eo coopertum me offendissent, non tam cito è signo quod sibi datum ajebant truncati pollicis innocentiam meam deprehensuros, sed procul dubio statim secum abducturos fuisse. Frustra enim ab hoc hominum genere ullam modestiam aut æquitatem exspectes.

CAPUT VII.

Lazarillus adolescentiæ suæ narrat historiam.

His turbis liberati, in via progredimur. Venerat ad nos interea, dum à scelestis detinemur liſtoribus, homo
è cu-

è cuju
bat li
esse pa
tender
lis; &
ex ju
re jub
muto
bis ac
stram
quid e
passi e
mihi
dium.
ait, ô
si sinu
bito qu
ves ad
simi. S
mum,
Ego si
ro iacta
gis an ri
ri sitis. I
ci potes
Mul
al
Sed n
bo pau
Sic eni
tadium

è cujus vultu nescio quæ festiva elucebat hilaritas. rogat, ut comitem nobis esse pateremur, ut qui eodem quò nos tenderet. annuit agâso, homo perfacilis; & pauxillum mercedis pactus, unum *Laxavilli historia.* ex jumentis adhuc vacuum conscendere jubet. Ille tristes nos & pisce magis mutos affatus, scio, inquit, quid vobis acciderit. Et profecto vicem vestram doleo. Suadeo tamen ut quidquid ejus est quod sine ulla culpa vestra passi estis, obliviscamini. Id optimum, mihi credite, malo huic fuerit remedium. Tum ad me conversus, Quia te, ait, ô adolescens, è matris domo ac quasi sinu adhuc recentem video, non dubito quin primi hi fortunæ insultus graves admodum tibi accidant & molestissimi. Sed, meo exemplo; obfirma animum, & ad graviora quoque præpara. Ego si narrare occæpero quibus à puero jactatus sum casibus, nescio fletu magis an risu fortunam meam prosequuturi sitis. De me quidem illud verissime dici potest:

Multa tulit fecitque puer: sudavit & alfit.

Sed nisi grave vobis est audire, narabo paucis adolescentiæ meæ historiam. Sic enim forte & tristitiæ vestræ & viæ tædium melius sallemus. Quum gratissimum

simum id nobis fore ostendissemus, ego etiam precibus, ut id faceret, contenderem, ille sic inquit.

*N. It-
rum gli-
viusuli.*

Lazaro de Tormes mihi nomen est. quamvis plerique ut olim puerum, ita nunc etiam *Lazarillum* appellitent: non invitum sane. diminutiva quippe gratiosa sunt. Pater mihi fuit Thomas Gonzales; mater Antonia, uterque à pago Tejara, qui non procul à Compluto distat, oriundus. De Tormes gentilitium nomen, more nostrorum Nobilium, mihi ipse feci. Pater namque molatrinam habuit, non propriam illam quidem, sed conductitiam, Tormi fluvio adsitam, in qua quidem ego in lucem sum editus: atque inde non sine caussa fluvii illius celebritate natales meos illustrandi occasionem sumsi. Vix sextum ætatis annum attigeram, quum ecce pater meus, vicinorum invidiâ, in crimen vocatur, quasi nimis liberali manu è farina demensum suum soleret desumere. Quod quum minus idonee purgasset, quin etiam, etsi invitus admodum, ipso suo ore esset confessus, ad remos damnatus, eisque annumeratus est de quibus dicitur: *Beati qui propter justitiam patiuntur*: tanto felicior, quod non multo post in celeberrimo illo ad Naupactum prælio, quo Turcarum vi-
res

res
spiritu
ter me
ibique
quena
S. hol
culam
Æthio
enim
equifo
liatis n
rest,
mihi
natus
non
rat, c
quæcu
ad nos
quum
rem t
melli
munul
fecerat
fecus a
noctu
nos co
(id en
rentib
quum
Mami
fratero

res maximè fuerunt attritæ, invisum spiritum reddidit. Marito orbata mater mea Complutum statim migravit, ibique conductâ casula, lavando, coquendo, & similia servitia præstando Scholasticis, vitam toleravit. Domunculam nostram ventitabat inter alios Æthiops, ipso diabolo, credo (puer enim vidi) nigrior, magnatis cujusdam equiso seu stabularius. Is quam familiaris matri meæ fuerit, inde colligi potest, quod anno vertente frater ulus mihi uterinus, sed colore plane dispar, natus fuerit. Et eam familiaritatem non amor aut ulla alia res conciliaverat, quam quod is herilem penum & quæcunque alia surripere poterat, clam ad nos congerebat. Me quidem initio quum ad ipsius conspectum non fugerem tantum, sed tremerem quoque, mellitis crustulis aliisque puerilibus munusculis ita deliniyerat ac mansuefecerat, ut ultro ei occurrerem, & non secus ac patri meo abblaudirer. Nec noctu tantum, sed interdum etiam ad nos commeabat, ova recentia hero suo (id enim quid apud nos faceret quærentibus respondebat) præstinaturus: quum matri meæ nulla esset gallina. Memini quum unâ cum nigello illo meo fraterculo foco assiderem, cum ex im-

proviso intervenire, & filiolo illi suo delicias facere: qui fœdo aspectu, credo, territus, hejulare, & quantum poteiat, in matris sinum refugere cœpit, mormolycum adesse clamitans. Tum bonus ille sibi ipse à risu temperare non potuit, nihilque aliud eloquutus, quam, O te spurium! domo sese proripuit. Puer quidem tum eram: nihilominus quæ vidi atque audiui, sic penitus in animum insigebam, ut hodieque animo ac sensibus meis tamquam præsentia obversentur. quin etiam tum illud cogitabam: Hem, quam multi eos fugiunt, quos, licet ignotos, cognatione proxima attingunt! Sed ad vitricum meum redeo. Is quum post accuratam investigationem; præter alia domestica furta, & pabuli partem jumentis subduxisse, & stabularia instrumenta atque utensilia, adeoque ipsas soleas equorum ungulis detractas vendidisse, eamque pecuniam ad matrem meam adportasse deprehensus esset, virgis quidem cæsus, sub pœna capitis à matris meæ domo & consuetudine abstinere iussus est; nec minus matri meæ omni Laidæ (id enim Æthiopi nomen erat) etiam colloquio interdictum. Hoc deficiente commoneatur, mater mea cauponi cuidam operam suam addixit: sicque in ejus familia

milia
illum
bores a
Eran
bus vi
inse
aliqua
ostia
non v
homin
omnib
vest fa
ad qu
grum
tem
filii lo
abnu
bire d
gaude
in ma
tamq
Chris
profuc
diem
mis à
hero
ponte
pider
rogo
Auro
rille.

milìa utrumque, me scilicet & meum illum fraterculum, maximos inter labores atque ærumnas educavit.

Eram ego tum id ætatis, ut hospitibus vino, pane, aliisque apportandis inservire possem. Diverterat ad nos aliquando inter alios Cæcus quidam, ostiatim cibum quærens: qui quum non vidisset quidem, sed (ut hoc est *Cæcorum mendicantium artes & ingenia.*) hominum genus in noscendis pæne omnibus rebus supra quam credi potest sagax) animadvertisset me valde ad quævis imperia alacrem & impigrum, matrem meam rogavit ut comitem me sibi dare non dedignaretur: filii loco habiturum me pollicitus. Non abnuit mater mea: sed quam ultro ambire debebat conditionem oblatam sibi gaudens, bono illi Cæco me de manu in manum tradidit, sollicite admodum, tamquam orphanum, cujus pater pro Christiana religione ultimum spiritum profudisset, commendatum. Sic post diem unum & alterum non sine lacrymis à matre dimissus, iter ingredior, hero meo ducatum præstans. Dum pontem transimus, taurum video lapideum, conspicuo loco collocatum. rogo quid statua hæc sibi velit. ait ille: Aures adhibe tauri hujus ori, mi Lazarille. nescio quem mirabilem audies

sonitum. Id dum ego puerili simplicitate facio, deterrimus senex caput meum tauri illius capiti ita allidit, ut pæne disruptum mihi fuerit, insuperque illudens, ait: Bliteus sane adhuc es, mi Lazarille, multaque mihi adhuc docendus. An tu nescis, Cæci famulum ipso diabolo oportere esse versutiores? Indignabar quidem ego, lacrymis quam risui propior. Repente tamen velut è puerilitate experrectus, cogitationes altius jaciebam, boni senis apud me laudans sollertiam, ut qui omni alia ope destitutum, omnibus modis prudentiorem me reddere satageret. Hac mea patientia ille victus, artes suas omnes quibus & facilem & opiparum sibi victum parabat, diligenter mihi commonstravit: & quamvis ipse cæcus esset, Argo oculatiorem me fecit. Sed ut qualis ille fuerit intelligatis, sic habete. Equidem quotiescunque temporis illius memoriam recordor, sic arbitror, post homines natos neminem ex tota Adami prosapia exitisse magis graphicum ac versipellem mortalem. Quid de tinnula ejus voce dicam? qua humiliter prætereuntium opem implorans, ipsos cælites devocare potis videbatur. Plus centum memoriter tenebat precatiunculas, quas nullibi os detorquens,

Patientia omnia vincit.

que
cæci
voti
tate
innu
etia
go
cula
tene
litate
labor
aut q
& q
Præ
pari
etian
tis, il
quar
medi
culo
quar
rumq
artibu
brevi
de ava
magi
omn
abun
cebat
fame
nec c

quens, non oculis connivens, ut alii cæci solent, tanta cum gravitate ac devotione recitabat, ut meram sanctitatem spirare videretur. Jam technas innumeras sciebat ad extorquendam etiam avarissimis eleemosynam. Vulgo enim credebatur certas precatumculas variis morbis curandis efficaces tenere, muliercularum imprimis, sterilitate scilicet, aut partus difficultate laborantium, nec non male nuptarum, aut quæ à maritis parum diligerentur, & quæ alia id genus sunt nugamenta. Prægnantibus masculum aut femellam parituræ essent prædicere solebat. quin etiam communibus morbis, ut capitis, illorum, dentium doloribus, tamquam alter Galenus, extempore remedia dictabat: ut vox ejus pro oraculo haberetur, à mulieribus præsertim, quarum credulitas circumforaneis plerumque quæstuosa esse solet. Quibus artibus mirum est quantum peculium brevi tempore collegerit. nec tamen inde avaritia ejus minuebatur, sed indies magis magisque crescebat: & in rerum omnium quas domum jamdiu congefserat abundantia, mendicitas tamen ei placebat. Me quidem homo sordidissimus fame panem perdidit. Sed nec vestes, nec calceos, aut alia necessaria præbe-

*Eleemo-
synæ
quibus
modis
parentur*

D 5 bat,

bat, ut nisi vigilantia ac solertia mea mihi subvenisset, jam dudum Orcivo thesauro fuisset adscriptus. Sed nisi grave est, audite, quæso, quibus artibus astutissimum senem deluserim, & Cretensis cum Cretensi Cretizarim.

*Frām
fraude
eludi-
tur.*

Pecuniam omnem in zonulam condebatur, quæ corpori ejus contigua, facile omnes eludebat insidias. Panem aliaque esculenta peræ injiciebat: quam fera pensili tam diligenter muniebat, ut nec ipsa Laverna vel micam panis ei suffurari posset. Sic ergo omnis meus victus atque annona in rancidis illis fragmentis, quæ & ipsa parce mihi largiebatur, consistebat. Et peræ quidem ille tamquam fidissimo custodi confusus, securus agebat: ego vero arrepto cultro, aliud interim agere me simulans. apertis futuris, culei intestina in lucem protrahebam, & quodcunque placuerat, in cibum mihi servabam: statimque scissuram quam fieri poterat solertissime rursus consuebam. Quæ venter meus non ceperat, vendebam, & quidem meris obulis præsentariis. unde mihi deinde uberrima sceneris materia suppetebat, quam primum namque aliquis accesserat, stipem porrecturus, manum ego subiciebam vicariam, & obulo quem occultum tenebam, in senis ma-

num conjecto, numum mira agilitate ori insertum mihi servabam, ille ubi tactu non numum, sed obulum deprehendisset, caput quatiens, Nescio, inquit, quæ interea dum tu mecum es, fortunæ meæ facta sit commutatio. Quid enim (malum!) hoc esse dicam, quod quum plerique omnes ante, præsertim qui preculas meas paciscuntur, numos dare soliti sint, jam obulis mecum transigant? Respondenti mihi, causam me nescire, nisi quod charitatem indies refrigerescere ipse videam atque experiar. Ergo, ait, fas est, me quoque in conductarum preclararum penso minus esse liberalem: simulq; monet, ut quamprimum illi qui ob eam rem stipem dederant, tam procul discessissent ut vox eos falleret, vellicato centunculo signum darem. Sic ille in medio sæpe abruptis quas exorsus erat preculis, novas aliorum prætereuntium liberalitates eodem stipendio poscebat. Dilapsa jam turba, cibi aliquantulum è pera depromti degustabat; idque mox boni vini haustu diluebat, lagena, quam assidue secum circumferebat ad latus adstituta. cujus clanculum arreptæ dulcissimo liquore & ego guttur meum semel atque iterum proluibam. Hanc meam sollertiam quum ille ex haustuum numero quorum lagenam

*Puevilis
inglu-
vies.*

capacem esse nôrat, deprehendisset, lagenam quidem ita ponebat, ut ansam altera manu semper teneret. Sed profecto nullius magnetis in attrahendo ferro tanta vis est, quanta faucium mearum erat in prolectando dulcissimo illo liquore. Calamum namq; oblongum mihi comparaveram, per quem orificio occulte insertum, quantum poteram vini attrahebam, sicque nescientis atque inviti felicitate unâ fruebar: quæ tamen parum diuturna mihi fuit. Ille enim proculdubio fraudem subodoratus, lagenam intra pedes divaricatos, uti sedere ipsi mos erat, posuit, neque usquam manum ab orificio ejus amovit. Tum ego vindemiam mihi interclusam ægre ferens, alium astum excogito. Terebello lagenæ fundum perforo, foramen vero aptato ad id obelisco ligneolo obturo: quo rursus, dum ille lagenam ori admoveat, extracto, liquorem placide sine ullo strepitu distillantem vasculo excipio, dein plenis faucibus haurio. quum vero aliquando vasculum ad manum non esset, & vehementer ego sitirem, dum ille bibit, os lagenæ suppono, eo distillantem humorem excepturus. id quum nequissimus homo animadvertisset, quantis poterat viribus lagenam supino mihi in faciem impingit: qui ictus quidem tam

vehc-

vehem
tibus a
miseru
Tum h
quit,
rogatu
quum
quoni
dit, bo
fractæ
peruere
mirum
inque
te bac
equide
sam ve
ficio m
surum.
co dict
eventu
tis. Ex
dere co
piditate
bam mi
tum po
omnia.
publica
fundum
duceba
vero ju
me vid

vehemens fuit ac crudelis, ut etiam dentibus aliquot excussis, tota mihi facies miserum in modum lacerata fuerit. Tum hejulantem affatus, Quid tu, inquit, mi fili, bibenti mihi os tuum non rogatus commodas? quod tam propinquum lagenæ fuisse ignorabam. nunc quoniam fortuitus hic ictus in te incidit, boni consulas oportet. simul vulnera fractæ lagenæ testis facta, agresti manu pertrectat, & vini reliquiis abluit, O te mirum mortalem aliquando futurum, inquit, Lazarille! Ecce qui percussit te Bacchus idem nunc sanat. Credo equidem fortunam tuam lagenæ inclusam vel ex hedera pendere, ac vini beneficio magnos ad honores te olim emergurum. quod quidem sarcastico tum joco dictum, postea verum aliquo modo eventus comprobavit, ut in fine auditis. Ex eo quidem ille mihi plane diffidere cœpit: ego vero tanta vindictæ cupiditate exarsi, ut vitam omnem acerbam mihi futuram putarim si non quantum possem mali ei facerem. Ante omnia, quod unum poteram, per vias publicas quâ cœnum maximè erat profundum, tolutim velut badizantem non ducebam, sed trahebam; murmuranti vero jurabam, meliorem viam nullibi me videre. sed quū & hoc & multa alia à

*Vexatio
dat in-
collectā.*

me data opera fieri homo versutissimus
facile intelligeret, præeunti mihi crines
auresque ita vellicabat, ut occipitium
mihi quasi calvum fecerit. deinde ubi
ante templi alicujus fores, aut in porticu
confedissemus, jam hoc jam illud caus-
sans, & manibus & calcibus ita in me in-
currebat, ut furenti plane similis videretur.
Quod si quis forte prætereuntium
mei misertus, increpitum ut modestius
ageret admoneret; statim ille, scio, in-
quit, quid vos decipiat. puerum hunc
meum tenerum adhuc & simplicem pu-
tatis: quo tamen nihil est nequius. tum
singulatim quæ feceram quæ non fece-
ram, in primis illud de lagena enarrans,
plerosque risu, alios etiam indignatione
replebat, tantam astutiam in tantulam
ætatem cadere demirantes, ita ut abeun-
tes bonum senem, uti putabant, horta-
rentur quoque, probè me depectere non
cessaret sicque ad bonam frugem redu-
cere studeret. id Deo & hominibus gra-
tum fore. quos ego quibus omnibus
prosequutus sim, facile quivis cogitabit.
Sed ut hominis illius ingenium ac mo-
res melius noscatis (cujus similes mul-
tos eundem victum hodie exercere cer-
tum mihi est) audite paucis unum & al-
terum facinus, inter me & illum, sed in-
felicioribus semper meis auspiciis, ge-
stum.

Com-

C
gnum
lention
elem
ro, à
do ex
hil.
præse
culi, t
vini pr
matura
satis g
ro me
tum i
gis ol
quod
stari
mi L
mur
gulas
ri vel
tione,
quum
nis bi
rem,
immi
dicto
dita,
diu a
dunc
lapide

Compluto digressus, Toletanum regnum petebat, quod ibi homines opulentiores essent, iidem tamen in dandis eleemosynis minus liberales. Aiebat vero, à divite præduro aliquid aliquando extorqueri posse; à nudo & inope nihil. Ibi percursatis pagis aliquot, iis præsertim ubi spes largioris erat quæsticuli, tandem Almoroxam pervenimus, vini proventu vicum celebrē. Jam uvæ maturæ erant: quarum unam, eamque satis grandem quum colonus aliquis heri meo dedisset, ille sive ut me quem totum illum & præteritos aliquot dies plagis obtuderat, aliquo modo placaret, vel quod ejusmodi res pera includi ac gestari non posset, Huc ades dum, inquit, mi Lazarille. uvam hanc una tuburcine mur, sed ea conditione ut quisque singulas decerpamus baccas, nec alter alteri vel unam proripiat. Accepta conditione, lætus incipientem sequor: sed quum nequam illum oblitum conditionis binas simul capientem baccas viderem, non minus impigre & ipse binas immò ternas decerpo. Hoc modo uva dicto fere citius in ventres nostros condita, ille uti sedebat, vacuum racemum diu aliquantulum manu tenens & pedunculo motitans, rotato capite, Jovem lapidem, ait, jurare ego ausim, Lazarille,

*Pauper-
tas bene-
ficiis
expers*

te conditioni nequaquam stetisse, nec singulas, sed binas, ternas, atque adeo quaternas baccas simul decerpisse. Leviter factum nego; simul unde id conjiceret rogo. Ille, Ex eo, inquit, quod me ipsum, quum binas decerperem baccas conditionis non admonuisti, sed procul dubio exemplum meum strenue & ipse imitatus, immò supergressus es. Et factum quidem tum ego meum ut puer risi: postea verò quotiescunque id in mentem venerat, pessimi hominis astutiam demiratus sum. Infinita alia stratagemata inter me & illum ultro citroque usurpata silentio prætereo. unum tantum addam, & quidem illud ipsum quod divortio inter nos occasionem præbuit. Escalonæ quum essemus, ac peram probe haberemus fartam, Cæcus ille farcimen præpingue craticulæ imponere, ac prunis, quantum satis esset, affare, distillantem verò pinguedinem pane excipere me jubet. quem dum suaviter comedit, depromptis aliquot numulis, ad vini afferendum haustum me mittit. Interim ego in angulo quodam rapum video oblongum, & penitus flaccidum: quod quum mihi farciminis speciem, quæ miram promulsidem faucibus meis jam excitaverat, repræsentasset, statim diabolus (hujus enim
unius

unius
impu
piend
mon
in d
no;
mner
Cæc
men
medi
press
men,
plane
Senex
cum
exper
xatum
inclar
tatur.
ejus
solvit
modo
absens
sermon
tiones
nihil
hujus
que ar
manib
farcim
lut car

unius suggestioni plerique flagitia sua
 imputant) occasionem heri mei deci-
 piendi & satiandæ ingluviei mihi com-
 monstravit. Id ergo ocyus arreptum, *Fraus*
 in detracti farciminis locum suppo- *jocula-*
 no ; sicque abiens, prædam meam o- *vis.*
 mnem in ventrem congero. Rediens,
 Cæcum meum video putatitium farci-
 men in craticula diligenter versantem,
 medium denique inter duo panis frusta
 pressantem : & ego quidem , tacitus ta-
 men , risum continere non poteram,
 plane, ut est in proverbio , Sardonium.
 Senex enim ubi nullum omnino suc-
 cum sequi sensit , dentibus gustus fecit
 experimentum : sed frequenti morfu ve-
 xatum rapum expuens, me furibundus
 inclamat , & fraudem sibi factam quiri-
 tatur. Ego, Me infelicem ! inquam : quî
 ejus insimulor criminis quo ipsa me ab-
 solvit absentia. Me enim ecce , jam jam
 modo è caupona venientem. an ergo
 absens conturbare aliquid potui ? Ille
 sermonem meum atque etiam pejera-
 tiones quibus caput meum devovebam,
 nihil moratus, Jam sciam , inquit, furti
 hujus tam ingeniosi auctorem. simul-
 que arreptum me ambabus constringit
 manibus tum fœdis suis , nullo tamen
 farciminis succo unctis digitis oris ve-
 lut cardines mihi effringit, & nasum
 suum

*Vindi-
cata.*

suum acutissimum in ipsum intrudit
rictum, olfactu scilicet amissum sarcim-
en vestigaturus. unde stomacho meo
tanta oborta fuit nausea, ut ob festina-
tionem male mansum sarcimen & quid-
quid in ejus fundo erat ejecerit, mihi
quidem ille prælongo illo suo naso,
tamquam harpagone, ex ipso stomacho
invisum cibum extraxisse videbatur.
Sic ille me vomitu jam ante debilem pu-
gnis ita contudit & unguibus laceravit,
ut nisi domestici accurrentes me mani-
bus ejus eripuissent, procul dubio dies
ille supremus mihi futurus fuerit. Tum
ille quid rei esset sciscitantibus, &
hanc & omnes alias meas historias tam
scite, tam lepide enarravit, ut nemo es-
set quin me multo graviores poenas me-
ritum putaret ac palam diceret: etsi
plerique omnes risu pæne dirumperen-
tur. Ego & infelicitatem meam desfle-
bam, & ignaviam damnabam, quod
scelestissimo illi nasum, dum stomachi
mei fundum rimatur, non præmor-
sissem. Nam & concoctu sorte futu-
rus erat facilius quam sarcimen illud: &
naso nullibi reperto, factum negare
poteram. Postquam spectatorum risus,
meus fletus & Cæci ira paulum dete-
puit, hospitum opera in gratiam redi-
mus: qui dum vulneratam ac lividam
faciem

faciem
luunt.
uno
quan
no co
patri
tibi s
pius
omni
beabit
jam m
ne to
quib
sem c
toto
passi
mosy
cus,
pertu
dante
videt
quum
sem,
ceteris
quam
nostr
locum
salu
erat
nixa.
unius,

faciem vino, quod attuleram mihi abluunt, facetus ille, Meus hic puer, inquit, uno mense plus vini lavando absument, *Vaticinia im-* quam totum ego annum, bibendo. *provida.* Vino certe, Lazarille, tu plus debes quam patri tuo. Hic enim post Deum, vitam tibi semel largitus est, quam vinum sæpius tibi restauravit. Te quidem præ omnibus aliis rebus vinum, puto, olim beabit. Hæc ego aliaque multa quum jam menses aliquot Spartana fortitudine tolerassem, tandem dispicere cœpi quibus modis non inultus ab ipso possem discedere. Quum imber continuus toto die defluxisset, & rivuli per plateas passim decurrentes nobis, ostiatim elemosynam quærentibus, obsisterent: Cæcus, Vides, inquit, Lazarille & pluvias pertinaces, & plateas aqua pænè redundantes. Mihi quidem factu optimum videtur ut in hospitium redeamus. id quum ut suo arbitratu ageret annuifsem, properantem eò duco ubi rivus ceteris latior fluebat. Hic, Mi pater, inquam, cautione opus est ut ne pedibus nostris balneum paremus. & ecce, jam locum dispexi, ubi sine ullo periculo saltu nos trajicere queamus. Porticus erat è regione, lapideis columnis innixa. Sisto ibi hominem ex adverso unius, & quidem prægrandis. tum le-

vi saltu prior ipse me trajicio : inde post columnam illam latens , ut & ipse saltu me sequeretur hortor. ille ad instar arietis cornibus aliquem impetitur , relictis aliquot passibus , quanto potest saltu trans rivum sese librat , sed in columnam impingens ita retrocellitur ut fulmine percussus putaret. Dum ille quadrupes in cœnoso torrente volutatur , ego , Quid hoc rei , inquam , est , mi pater ? An tibi sarcimen suboluit , columna non suboluit : ubi jam tuus ille sagax natus ? Sed tempus jam est , ut tu alium puerum , ego alium herum quæram. Quum hoc modo intestabilem illum Cæcum res suas habere sibi jussissem , cursu celeriter inde me proripui , nihil quid illo fieret sollicitus.

*Clerico-
rum quo-
rundam
avari-
tia.*

Maquedam inde profectus , Clerici cujusdam plebani ministerio me ad dxi : è charybdi in scyllam , ab equis ad asinos delapsus. Erat quidem Cæcus ille meus impendio avarus ac tenax , idem tamen cum hoc novo hero meo comparatus , magnus ille Alexander mihi videbatur. Quid vultis dicam ? Totius Mundi avaritiam hic suo unius pectore conclusam gestabat. id vitium an ei innatum vel adscititum fuerit , sanè nescio. illud scio , majorem fa-

fame
ctitu
ego
sam
que
secul
pen
dum
fallac
quili
ster a
A
ovili
detr
las.
obj
tub
ipsu
auto
tam
tur.
excl
ille
cia
sit ac
lim
rium
aliqu
tant
mun
tant

famem me nullibi perpeffum. Supelle-
ctilium quidem in ædibus ejus nihil
ego vidi, quam ciftam omnino cario-
fam; qua ille pro penore utebatur, ejus-
que clavem è zona pendentem affidue
fecum circumferebat. Sed quas delicias
penore illo affervatas putatis? Lar-
dum forte rancidum, carnes putidas,
falsamenta corrupta, & id genus quif-
quillas? Nihil horum unquam lar no-
fter afpexit.

Aliquando tamen è macello caput
ovillum domum afferebat. & ipfe qui-
dem linguam, cerebrum, oculos, ma-
las comedeat, reliquias vero mihi
objiciens, Cape, inquit, & strenue
tuburcinare. en melius ferculum quam
ipfius Principis menfæ inferatur. ego
autem nihil aliud optabam quam ut
tam lauto ipfe cibo perpetuò fruere-
tur. Utinam vero mihi panis faltem ad
explendam famem fatis fuiffet! quem
ille multo diligentius quam Cereris fa-
era conclufum affervabat. Longum
fit ac fastidofum, fi vobis recensere ve-
lim quibus infidiis atque artibus pana-
rium illud à me petitum, atque etiam
aliquando expugnatum fuerit. unum
tantū audite stratagema: quod & ipfum
mutandi heri cauffa mihi fuit. Fame *Fames*
tantū non enectus, inter vetera ferra- *infidiosa*
menta

menta apud fabrum quemdam clavem adspicio, ei quam herus meus gestabat forma & magnitudine omnino parem. Eam quum homo miserabilis non difficulter precario impetrassem, jam Jovis cerebrum adeoque ipsum Copiae cornu atque omnem suariciam in potestate habere mihi videbar. Una cura restabat, quomodo hominem attentissimum fallerem.

Primum quidem abstinere non poteram quin integram massam panis surriperem: postquam autem ter & amplius quidquid in cista erat panium numerantem ac renumerantem, digitis etiam computantem vidi, facileque tam ex verbis quam gestibus suspicionem ejus intellexi: cautius mihi agendum censui. Murium mihi in mentem venerat, (quamquam nullum unquam istis in famelicis ædibus visum planissime persuasum habeam) quorum more panis medullam exterebrabam, deinde micas in ventrem congerebam, relictis pauxillis reliquiis. quibus conspectis, tum rimis aliquot in cariola cista deprehensis, Plebanus mures omnibus diris execratus, asserculos vetustate tabidos, quantum poterat, coagmen-
tabat. quos ego, illo absente, præparato ad id ferrato cultro, foraminibus rur-
sus

sus ita
deret
stra il
no ad
sticu
vider
rum
pula
Hi
dies n
vo ac
minio
ferè
besti
cere
femi
nihil
num
tur, v
tur.
simu
cura
crato
fidia
deret
preh
seu p
tiam
vide
me
ecce

sus ita implebam, ut à muribus erosi viderentur. Quibus capiundis quum frustra ille omnes artes adhibuisset, à vicino admonetur, serpentem forte domesticum illum furem, quem non semel viderit in ædes irrepentem: quem mirum non sit lubricitate sua omnes decipulas fallere.

*Mures
bipedes.*

Hinc tanto magis anxius Plebanus, dies noctesque vigilare; quin etiam clavo ad lectum apposito sese armare, ad minimum strepitum exsurgere, ac totas ferè noctes, tam venenatæ ac noxiæ bestię metu, noctes insomnes traducere. tum manè quærere ex me sensissemne forte bestiam illam, se quidem nihil magis metuere quam ne non penum modo domesticum depopularetur, verum etiam vitæ nostræ insidiaretur. Ego, qui bestiam nôram, timidissimum me fingere. sed præcipue illa me cura angebat, ne clavis illa Apertæ sacratio, dum ille noctu domestico furi insidians, obambulat apud me deprehenderetur. Sed profecto verum illud deprehendi, contra fata nullam valere seu prudentiam velis dicere seu astutiam. Quum enim astutissimo, ut mihi videbatur, consilio, jam in somnum me componens, clavim ori inseruisssem: ecce medio in somno dum ronchos duco,

co, flatus os fistulæ ingressus, talem sonum edebat, ut herus meus sibilum illum serpentis, sub stramine super quo jacebam latentis esse suspicatus, è lecto prosilierit, ac furtim ad grabatulum meum accedens, sonum quàm edebatur sequutus, clavum, bestiam scilicet percussurus, capiti meo ita impegit, ut cerebrum pæne mihi disperferit. Ubi vero errorem suum ex mea heulacione animadvertit, tum, allato lumine, clavum ex ore meo prominentem vidit, statim me sic cruento & semianimi relicto, nihil prius habuit, quam ut, aperta cista, fraudem meam planissime detegeret, & non vicinis tantum, sed advenis etiam & quoscunque nactus esset, facete admodum narraret. Id quidem ex aliis postea ego intellexi. torum enim triduum apud me non fui, nec quidquam tum me vel audivisse vel vidisse memini. Recollectis aliquantulum viribus, bonus ille serpenticida, Deo se gratias agere, ait, quod tam noxias bestias deprehendisset. Enimvero cautione sibi opus esse, ne porro penu sibi depopulentur. Quæ verba quum ego minus intelligerem, sua ille manu me eliminat, & tace flere jussam, pro viatico, crucis signo impertit.

Et si vero & diuturna fame, & atrocissi-

cissimæ plagæ doloribus confectus ac plane enervatus essem: Toletum tamen correpsi, ubi revincto capite vulnus ostentans, incredibilem multorum liberalitatem sensi. quod ubi cicatricem obduxi, plerique & vultu me aspernabantur, & verbis increpabant, dicentes: Ecquid puderet me tam valentem ac robustum stipem mendicare? Operis aliquid facerem, &, ut ceteri mortales, manuum mearum laboribus victum mihi quærerem, aut certe magnatib; alicui, Nobili aut civi famulatum præstarem. Ad famulatus mentionem, facere non poteram quin contremiscerem, quæ mihi apud Cæcum, quæ paullo ante apud Plebanum vita fuerit, recordans: ex quarum ingeniis & moribus reliquos heros omnes metiebar. Inter has curas forte fortuna occurrit mihi Nobilis quidam, satis eleganter vestitus, cincinnatus, & tam incessu quam omnibus aliis rebus miram gravitatem præ se ferens. post mutuam contemplationem, rogat, An herum quærerem? Annuente, Bonis auspiciis, inquit ille, ô adolescens, hodie foras processisti; tam bonum herum (si tu modo velis) nactus. Quis me tum lætior. Jam focum mihi continuè splendentem, jam cellas, vino & omnis generis annona refer-

Mendici vultu.

tas, jam ollas bubulis, suillis, ovillis, vitulinis carnibus bullientes, jam verua assamentis stridentia, jam sartagine frictis piscibus plenas, jam pernas, exta, glandia, sumina & quidquid in cibum expetitur mihi imaginabar, jam propediem magnifico vestitu conspicuum me futurum circumspiciebam, jam denique in summas divitias venturum me mihi persuaferam, quarum omnino aliquo modo futurus essem particeps: eoque alacriter suscepto ministerio, præcuntem novum herum sequebar, nuspiam oculos deflectens, ut ad omnem nutum præsto essem. Et ille quidem per omnes me fere plateas circumduxit, magnifice se, quod famulum scilicet haberet, inferens. ego quum nullibi ille consisteret, nihil in macello, nihil in foro emeret, tanto majori incedebam lætitia, nihil dubitans domi nos & cibum & reliqua omnia parata inventuros. Meridie jam appetente, primarium templum ingressus, jam peractis sacris, omnique dilapsa multitudine solus avelli non poterat; ut essetne auditus pæne dubitare inciperem; si non esset, pietatem ejus ac devotionem vehementer admirarer. Tandem vero & ipse exiens, mirifice ad gravitatem composito gradu longissimam plateam ingreditur: quam emens,

sus, nescio per quos amfractus ad an-
 giportum quemdam contendit, ibique
 consistens, casulam quamdam reseat,
 & ingreditens, ut sequar jubet. Quid
 mihi tum animi putatis fuisse? Fateor
 sane primo adspectu nihil tam triste
 mihi visum. Per scalas male cohæren-
 tes enixi, cubiculum intramus, nulla
 supellectili, nullis utensilibus instru-
 ctum. Hic ille pallium sollicitè admo-
 dum prius, num puræ mihi essent ma-
 nus, rogans, humeris suis detrahère me
 jubet, & excusso pulvere, complicatum
 mensulæ imponit. inde in putrem sel-
 lam sessum se recipiens, ociose cujas es-
 sem, quarum artium gnarus, & cætera
 quæ solent, percontatur. Breviter ad
 singula respondeo, ut cui animus jam-
 dudum esset in patinis: jamque impe-
 rium ejus prandium apparandi exspe-
 ctabam. Jam enim duas horas ultra
 meridiem dies processerat. Sed quum
 nec culinæ nidor, nec quidquam aliud
 spem mihi prandii promitteret, non po-
 tui quin fortunam meam mirarer simul
 & miserarer, facile intelligens quali he-
 ro me addixissem: qui diu dubitavi, an
 ex chamæleontum forte esset genere,
 qui aëre victitant. Adeo totis ædibus
 nihil quod vel minimam suspicionem
 Cereris aut Bacchi latentis præberet,

*Munda
 pauper-
 cas-*

conspiciebatur. Post multos ultrò citroque habitos sermones, tandem, An pransus essem rogat, Neganti mihi, Atqui ego, ait, hodie mane laigum admodum sumsi jentaculum, quod quidem omnem prandii appetitum mihi exstinxit. Tu quoque rectè feceris, si famem integram ad cœnam serves. Hic quidem ille non verba mihi sed lapides loqui videbatur: parumque aberat quin animo & corpore conciderim, non tam præsentis famis cruciatu, quam & anteaetæ meæ, & futuræ vitæ subeunte memoria. Equidem cum Plautino illo parasito non immerito suspicabar, Famem fuisse matrem mihi, cui quidem ego illam gratiam multo majorem referrem invitissimus, quod ut illa in alvo mentes me gestavit decem, ita ego illam in alvo plus annos decem gestarem. Vultu nihilominus ad hilaritatem quantum poteram effictò, Non inquam, herenobilissime, ego ex eo sum puerorum genere, quibus unicum studium est quidquid nacti sunt abligurire, & cupiditis inhiare. illud dicere ausim (& si adessent priores mei heri, ultrò, scio, testimonium mihi perhiberent.) vix ullum puerum paucioris ac facilioris cibi reperiri. Ille, Maeste hac, inquit, tua virtute, mi Lazarille, quæ mihi te multo
cha-

chariorem facit. Et procorum sine est
 ventrem cibo distendere, hominum, so-
 brie ac frugaliter vivere. Sed ô me mise-
 rum! cogitabam, cujus heri omnes fa-
 mem tam salubrem esse arbitrantur.
 Hæc musans, pone januam, micas
 quasdam è sinu depromtas clam, ut
 putabam, in os vergo, & maxillas
 meas exerceo. Id conspicatus herus
 meus Nobilis, Adestum, inquit, La-
 zarille. Quid ego te manducantem vi-
 deo? Adeo, pudore suffusus: & tria pa-
 nis fragmenta, uti è sinu depromseram,
 ostendo. quorum optimum ac maxi-
 mum illesumens, Hic, inquit, panis
 mediusfidius ipsa sui specie mihi allu-
 bescit. Sed quid tu? unde eum habes? an
 puris manibus factum putas? Horum,
 inquam ego, nihil scio, qualis qualis
 & undecumque sit, mihi quidem opti-
 me sapit. Ille, utinam puris tantum suba-
 ctus ac pistus sit manibus. Gustum ipse
 exploravero. simul cum dicto ita tu-
 burcinari incipit, ut certamen mecum
 suscepisse videretur. Ego id eum agere
 suspicans, ut penso suo absoluto, mihi
 in reliquo absolvendo dentium suorum
 locaret operam, quantum possum stre-
 nue quidquid ad manum erat absumo.
 ille ubi nihil reliquum vidit, mi-
 cas etiam è vestibus suis colligit. inde è

*Mendi-
 ca Nobi-
 litas.*

proximo conclavi fictilem urnam depromit, & quum prior ipse bibisset, mihi porrigit. Excuso me verecunde admodum, ac temeti expertum meo ajo. Ille, Cape, inquit. temetum non est, sed unum ex quatuor elementis. quum ergo & ipse pauxillum delibassem (cum fame enim bellum mihi plerumque erat, raro cum siti) & poculum loco suo reposuissem, jubet ut ad alteram spondæ cui adsidebat partem secedam, & quæ monstraturus esset diligenter observem. Sic altrinsecus consistentes, miserum grabatulum exstruimus, illum quidem tanta duritie, tam tenui apparatu, ut me vix quidquam miserabilius vidisse meminerim. Perticæ aliquot duobus transversis tignis, aptatis ad id foraminibus, insertæ erant. His saccus stramine repletus erat impositus. tum lectus superbus admodum, ut qui ne latum quidem unguem vel Regi aut Principi cecidisset. Plumisne an tomentis sultus fuerit nescio; hoc scio me sæpius dum molliorem concinnare studui, operam & oleum perdidisse: Pulvinis & culcita instar erant centunculi. Lodices nondum etiam dicere possim, è qua materia aut quo colore fuerint. Dum regium hunc thorum apparamus, jam dies fere abierat. Hic ille bonus paterfamilias,

*O instrua
Etiam be
ne domini.*

*Cedo
nulli,*

lias, Mi Lazarille, inquit, scis forum hinc longiuscule distare. tum fures, lopodytæ, atque id genus laverniones noctu fere omnibus plateis grassantur. Quid si cenam in crastinum differamus? ego jam quidem nihil omnino annonæ in promptu habeo, ut qui hætenus primarii cujusdam civis mensam frequentarim. nunc tempus & occasio admonet, ut penum ipse instruam, & domicilium quasi figam. Ego, Mei causâ, inquam, mi here, ne sis sollicitus. neque enim unam tantum, sed plures etiam noctes, si usus veniat, citra incommodum cena carere possim. Ille, Quanto rectius hoc, inquit, tu quam plerique alii, qui largioribus & intempestivis epulis vitam sibi præcîdunt: ad quam diutissime conservandam nihil utilius est quam permodici cibi usus. Tum ego mecum: Hoc si ita est, Tithono sane ego fuero longævior, ut qui medicorum hoc præceptum, quamquam non ex medicorum consilio, à puero nimis quam accurate observarim. Inter hæc appetente jam nocte, herus meus exutis vestibibus in lectum sese componit, ego vero ad pedem spondæ jussu ipsius me reclino. Quam suaviter ille (nam & ipse & impransus & incœnatus cubitum iverat) dormierit nescio; ego quidem tota illa

*Incom-
modum
sanitatis
reme-
dium.*

nocte somnum oculis non vidi. interim namque dum animus meus prioris fortunæ pertæsus, futuræ anxius miserum in modum distraheretur, spondæ durities latera mihi totumque corpus affligebat. nec commovere me audebam, ne heri somnum perturbarem veritus. Quid multis? Veris ego lachrymis ac gemitibus infelicitatem meam deplorabam, & non falso voto mortem mihi imprecabar. Mane quum uterque consurrexissimus, ille quidem per ocium vestes diligenter manibus, quod deessent scopæ setaceæ, à me purgatas, induit, manus deinde ac faciem, me aquam affundente, abluit, tum digitis (neq; enim pectinis erat copia) capillos discriminat, & quantum poterat, in cincinnos componit. Quum deinde per cubiculum passus aliquot fecisset, gladium lateri aptandum mihi commonstrans, Hic, ait, quovis thesauro mihi potior est, unus ex omnibus quos faberrimus ille faber Antonius Pincinnius fecit, exquisitissimus. Tum vagina extractum vibrans, Cedo, inquit, mihi quemvis thoracem ferreum, & eum tibi dissectum dabo. Et tu (sic ego apud animum meum cogitabam) Cedo mihi quemvis panem, aut armum bubulum, aut pernam, & dentes mei tibi hæc omnia dissecta

secta dabunt, quamvis illi è ferro, aut chalybe facti non sint. Appenso inde ad latus precioso gladio, & humeris injecto pallio pedem domo effert, & magnifice undique se circumspiciens, per plateas frequentiores & fora velut modulato aut cibrato gressu sese infert. Confectis aliquot spaciis, jubet ut domum redeam, & interea dum sacris ipse interesset, lectum exstruam, aquam è proximo flumine hauriam, ceteraq; domestica obeam munia: in primis autem ædes diligenter ocludam, ne fures aliquid harpagarent. Et ad hoc quidem vix risum cohibui: quum vero adderet, ut si forte exire negotii causa vellem, clavim commonstrato ad id loco reponerem, id dicere mihi visus est, prandium adeoque omnem victum foris mihi quærendum. Revertens ego, sic mecum meditari cœpi: Deum immortalem, quam multa tu vides hominibus plane abscondita! Quis miserum illum hominem externa æstimans specie, non summo prognatum genere, non invidendis opibus præpollere putet? An quisquam credat, impransum heri & incenatum cubitum ivisse, & hodie è tam vili surrexisse grabatulo: aut micæ è Lazarilli sinu depromtas heri esitasse? Quam speciosis coloribus humana occultatur miseria?

O vanitas.

*Alius
foris.
alius
intus.*

Hæc aliaque multa & in via & domi
cogitans, obseratis foribus ad flumen
cum urna descendo : tum forte fortuna
herum meum in altera ripa cum duabus
puellis colloquentem video. quorum
sermonem audiendi cupidus, clam arre-
po. Erant hæc ex earum genere quæ ma-
tutinis deambulationibus, non, ut ille, fa-
mem obsonare, sed sedare student. Et
sane raro accidit ut ejusmodi venatri-
ces sine præda domum revertantur. Et
jam in sermone, consumtis ab hero meo
omnibus artis Amatoriæ pigmentis,
illæ eoque processerant, ut jentaculi
ultra injicerent sermonem. tum ille, cui
marsupium æque frigeat ac stoma-
chus calebat, expallescere, hæsitare ver-
bis, ex transverso aliquid aliud in me-
dium adducere, ita denique se excusa-
re, ut illæ, vultu hominem aspernatæ,
propere ab insalutato quasi discesserint.
Propero & ego domum : quam quum
vellem verrere, scopas non habebam.
nec quidquam aliud videbam, quod me
ad adventum usque heri occupatarum
teneret. quod ergo reliquum erat, ocio-
sus domi opperiri constitui : sed du-
dum elapsa hora prandii, ubi herum
nullum venire animadverti, foras pro-
deo, clavim quem demonstrarat loco
repono, & monente ventre, ostiatim vi-
sum

Atum quærere incipio. Vide quanti sit à
 teneris adsuescere. Quia in hac arte,
 quam cum Cæco factitaram, tyro non
 eram, brevi tantum profeci, ut præter
 necessarium victum aliquid etiam su-
 peresset. Illa ipsa vespere, quum jam pa-
 ne & ventrem saburratum & sinum re-
 fertum haberem: per macellum domum
 rediens, ab anu exta vendente eleemosy-
 nā flagito: quæ statim nescio quas reli-
 quias mihi objecit. Hoc commeatu onu-
 stus domum peto; quo jam herus ante
 me venerat, & deposito diligenterque
 complicato, ut semper solebat, pallio ob-
 ambulabat. Me conspicatus, accurrit ce-
 leriter, non sine meo metu, ne plagæ mi-
 hi in mundo essent. Placide rogat, unde
 veniam, ubi fuerim. Respondeo, exspe-
 ctasse me ad horam usque secundam
 pomeridianam: ad quam quum non ad-
 fuisset, foras iisse, & quod videret, à piis
 hominibus corrogasse: simul annonam
 meam effundens. Non stomachabatur
 ille quidem, quod initio subverebar, sed,
 Ego quoque aiebat, in prandio te ali-
 quamdiu expectavi, sed quum in mora
 esses, solus prandium omne absumsi. Te
 quidem ut frugi & bonæ indolis puerū
 laudo. Certe enim mendicari melius est
 quam furari. illud tantum moneo ut
 quod agis caute agas, ne quis forte te in

*Herus
 famuli
 alumnus*

*c. Fides
in fau-
stis.*

meo famulatu esse comperiat. ea enim re existimatio mea maiorem in modum læderetur. Sed nihil esse periculi facile mihi persuadeo: ut qui in hac urbe paucissimis notus sim. Atque utinam pedem nunquam huc intulissem! Ego, Bono animo es, inquam, mi here. Ex me quidem nemo quidquid huius est rescisset. Perfructu ergo, inquit ille, cena tua. Deum ego spero in posterum nobis magis fore propitiū, & calamitatibus meis finem impositurum. illud vero tu scito, ex quo in hanc domum commigravi, nullum lætum diem mihi illuxisse. Hæc sine dubio ex earum est numero, quæ infauis sideribus conditæ, infauis quæque incolentibus afferunt atque accersunt. unde mihi certo certius constitutum est, quantocyus hic mensis effluxerit emigrare, & commodiorem habitationem querere. Hæc illo dicente, ego, ne hero lurco aut vorax viderer, ut qui tempus cenæ antevertissem, in ipsū pavimento, quod nulla, ut supra dixi, haberemus sedilia, sessum me recipio, & integram famem simulans, cupide admodum tam panem quam exta emendicata, ante me in sinum effusa, contrudo: à quo famelicus ille nusquam oculos dimoverat. Ita mei Deus misereatur, ut me miser illius hominis miseritum est!

Et si

Etſi enim non ore, ſed oculis rogare mihi videbatur; ad communem menſam tamen invitare non audebam, veritus ne id pro contumelia interpretaretur. Tandem ille propius ad me accedens, cum admiratione exclamat, ac per Nobilitatē ſuam dejerat, vix unquam ullum hominem ſibi viſum, qui meliore cum gratia & appetitu dentium operam exerceret. Unde ſaliſſimam ſibi quoq; motam; & quamvis jamdudum ad ſatietatem cenatus ſit, velle tamen paullulum mecum deguſtare, inter exta pes erat bubulus: ad quem ille tamquam latus inhians deſectis oculis, Ex omnibus, inquit, cibis, nullus palato meo magis arridet, etiam ipſa ambroſia præ hoc veſci non velim. Rogo humiliter, ut ſumeret quod cumq; ſibi placeret. Sic ille juxta me conſidens, totius cenæ participē ſe fecit, multa magis ſtrenue quam ego tuburcinatus. *Postquā exempta fames epulis, menſe ſequē remote,* jubet ut ex proximo conclavi hydriam afferam: è qua quum nihil omnino delibatū viderem, facile animadverti cenam illam, qua perſunētum ſe herus meus dixerat, eſſe commentitiā. Cubitū inde conceſſimus: eaque nocte, ſedatis ſcilicet ventris doloribus, melius uterq; quiſcere viſi. Non diutius vos minutarum rerum narrationibus detinebo. illud

tantum vobis assevero, in animo meo nescio quem amorem erga herum hunc meum, licet miserum & famelicum, exarsisse: quem non dubito si quid ei ad manum fuisset, liberalitatem quoque suam erga me deprompturum fuisse. tanto magis & Cæci illius & Plebani, quibus ante famulatus fueram, extremam avaritiam detestabar, qua me homines nequissimi ac sordidissimi, tantum ut bonis suis parcerent, ad necem pæne dedderant. Admirabar simul hominis hujus patientiam, qui in tanta egestate tantum animum gereret, tamque magnifice foris sese ostentaret, ut è summatis ali-quis esse ac Cræsi divitias possidere videretur. Ex eo sane quotiescunque ardelionem ejusmodi video, vestitu, incessu, gestibus magnifice ac superbe se inferentem, statim animum meum miseratio subit, similem miseriam sub pompa illa latere suspicantis. Jam satis intelligitis, opinor, quæ mea sub hero illo, seu potius alumno meo fortuna fuerit: cujus genus, conditionem, negotia modis omnibus noscere satagebam, sed quum advena esset, diu explorare nihil poteram, donec ipse, credo quod largiuscule alicubi parasitando sese invitasset, quodam die sic exorsus est: Procul dubio, mi Lazarille, præsentem

MUCAM

me
quid
penti
quie
Nol
est
maj
Cau
amu
ora.
par, o
altius
mite
prio
dign
nec
tate
exfil
missi
malu
citare
viden
da, ne
dum g
De te
qui p
& exi
dem,
esse
facie
crede

VITÆ HUMANÆ. III

meam fortunam intuens, miraberis
 quid sit, quod homo nobilis tam pau-
 pertinam ducam vitam. quocirca ne se-
 quius aliquid de me aut generis mei
 Nobilitate suspicere, sic habeto. Patria *Vana su-
 perbia.*
 est mihi Castilia vetus. genus à longa
 majorum serie ac prosapia, prænobile.
 Causam peregrinationi meæ præbuit
 æmulatio quædam, inter me & vicinum
 orta. Erat is generis nobilitate sors mihi
 par, opulentior tamen. Hinc ille cristas
 altius erigens, salutantem quidem co-
 miter salutabat, numquam tamen
 prior me salutare aut honore prævenire
 dignatus est. Id quum ego nec ferre,
 nec ob hominis potentiam & auctori-
 tatem satis commode ulcisci possem:
 exilium mihi ipse indicere, quam sub-
 missione mea ambitionem ejus alere
 malui. Heic quum ego juvenili simpli-
 citate subjecissem, Mihi quidem non
 videri isthæc talia ita ad vivum rescen-
 da, nec ob tantillam rem solum verten-
 dum & ipsos penates deserendos; ille,
 De te nihil mirum, inquit, mi Lazarille
 qui puer es, nec in quibus rebus honor
 & existimatio sita sint nôsti: quæ qui-
 dem, Nobili inprimis, ipsa vita chariora
 esse debent. Egon? inquam paria non
 facienti reverentiam exhibeam? Mihi
 crede, si vel Comes à me salutatus non
 pa-

paribus me ceremoniis resalutaret, nec totum caput, ut nonnulli solent, commoto leviter pileo, aperiret, numquam vel minima reverentiæ significatione me ipsum dignaturum; quin etiam si eminus venientem videam, vestigia retrolecturum, aut in proximas ades secessurum. Si nescis enim, nemini mortalium quisquam Nobilis quam Regi aut Principi suo, post Deum, debet reverentiam: nec ulla res est in qua vere Nobilis honorem suum atque existimationem pertinacius defendere ac nemini cedere teneatur. Memini opificem quemdam in patria mea, quum nimis familiariter me salutaret, acerbè à me increpitum, atque etiam, parum abfuit, verberibus dedolatum fuisse. Et profecto non ea mei generis est conditio, ut cujusquam imperium pati debeam. Crede mihi, si tantum soli haberem in urbe Toletana quantum in mea patria, satis superque mihi fore unde viverem. Nunc illud quoque res meas valde afflixit, quod patrimoniale illud meum prædium, collapsa domo & agris non tam incuria quam cultorum inopiâ neglectis, inutile fere mihi factum est, ac tandem usuris ac pensionibus absorptum. Ego tamen quidvis potius perpeti paratus sum, quam ut
cui-

cui-
gi, aut
Scio
tio:
reliqui
curru
luntar
sit, qu
temti
tamen
cesse si
tare ve
obsequ
cum
nullo
arride
mnib
dicam
ei mo
creare
homine
bus her
moment
omnia
quid se
nales et
inclam
ab her
missim
primar
licorum

cuiquam magnati, præterquam ipsi Regi, aut magno alicui Principi inserviam. Scio enim quæ sit famulantium conditio : qui si placere heris suis studeant, reliquorum contubernalium odia incurrunt. Quod si quis ad nutum ac voluntatem heri accommodare se non possit, quid, Deus bone, tali homine contentius ac miserius fieri queat ? Si mihi tamen famulatum ejusmodi obire necesse sit, hoc inprimis mihi ipse impetare velim, ut promptus sim ad omnia obsequia, ut hero in omnibus assenter, cum ajente ajam, cum negante negem, nullo veri aut falsi discrimine, ridenti arrideam, applaudam ineptienti, in omnibus denique illud caveam, ne quid dicam aut faciam quod vel minimam ei molestiam aut offensusculam mihi creare possit. Vidi plerosque id genus homines hoc unum agere, ut præsentibus heris rerum omnium, etiam nullius momenti, satagant, iisdem absentibus, omnia susque deque habeant : tum si quid secus acciderit, reliquos contubernales etiam magis fidos ac diligentes inclament & objurgent iis verbis, quæ ab hero clam auscultante audita, firmissimam diligentiae ac fidei animo imprimant persualionem. De reliquis Aulicorum moribus, mi Lazarille, nihil

am-

114 PROSCENIUM

amplius dicam, quam mirari me, & esse quemquam qui in tam impura comministrantium colluvie tam ingratis heris servire velit; & reperiri Principes ac magnates, qui tam improbam Assentatorum oculis tantum servientium turbam ferre possint. Mihi tamen si fortuna magni alicujus Principis favorem conciliaverit, nihil prius futurum sit quam omnibus obsequiis in re qualibet eundem retinere atque augere.

*Herus
fugiti-
vus.*

Hæc quidem ille, simulque alia multa quæ jam non occurrunt, mihi memorabat: quum ecce senex quidam cum muliere in domum nostram irrupit, rationes profert, pecuniam tam pro ædium quam lecti usura pactam flagitat. Erat verò herus ille meus ea modestiâ ut nequiquam irasceretur; sed sollicitè inprimis moram solutionis excusaret, rogaret tandem ut vesperi redire vellent, interea se pecuniam à collybista petiturum. Degressis illis, bonus vir cum omni ornatu ac substantia sua, more solito, progreditur, utque ædes interim diligenter custodiam jubet. Mox cum vespere redeunt creditores; quum ad multam usque noctem frustra expectassent, oclusis foribus domum & ipsi cunt, ego ad vicinos diverto. Quid postea vel hero meo vel creditoribus acci-

accide
re poss
à mea
rere d
tande
Senat
comm
adept
faciam
recte se
lubrici
Sed dic
est nih
ris m
explo
Hi
tu, qu
quod
vel pa
Suade
ceptur
forte q
mulieb
di, no
narro
nobis
molest
Ma
dicitia
femin
Hæc e

acciderit nescio. equidem hoc affirmare possum, non me ab hero, sed herum à me aufugisse. Hoc modo novum quærere dominum coactus, Cazzagliam tandem veni: ibique ducta in uxorem Senatoris cujusdam nobilis ancilla, ejus commendatione honorabile munus adeptus sum, ut scilicet vino præconium faciam. Et cetera quidem in familia mea recte se habent, nisi quod uxoris meæ lubricitatem invidi mihi exprobrent. Sed dicant illi quod lubet: mihi certum est nihil sequius suspicari, ut cui uxoris meæ probitas omnium optime sit explorata.

Hic unus è sodalibus nostris: Recte tu, qui pacifice cum uxore cupis vivere, quod sane ubi sinistra aliqua suspicio vel paullum inoleverit, fieri non potest. Suadeo tamen ne nimis fidendo, deceptum tandem te sentias. Nescis tu forte quam instabile simul & astutum sit muliebne genus. Exemplum, si vis, audi, non recens, sed vetus. quod dum narro, ad oppidum, cujus aspectus jam nobis patere incipit, tanto minore cum molestia perveniemus.

Matrona quædam tam notæ erat pudicitia, ut vicinarum quoque gentium feminas ad sui spectaculum evocaret. Hæc ergo quum virum extulisset, non

con-

contenta vulgari more funus passis prosequi crinibus, aut nudatum pectus in conspectu frequentiae plangere, in conditorium etiam prosequuta est defunctum, positumque in hypogæo Græco more, corpus custodire ac flere totis noctibus diebusque cœpit. Sic afflictantem se ac mortem inedia persequentem non parentes potuerunt abducere, non propinqui. magistratus ultimo repulsi abierunt, complorataque singularis exempli femina ab omnibus, quintum jam diem sine alimento trahebatur. Adsidebat ægræ fidissima ancilla, simulque & lacrimas commendabat lugenti, & quotiens defecerat positum in monumento lumen renovabat. Una igitur in tota civitate fabula erat: & solum illud adfulcisse. verum pudicitiae amorisque exemplum omnis ordinis homines confitebantur: quum interim imperator provinciae latrones iussit crucibus affigi, secundum illam eandem casulam, in qua recens cadaver matrona deslebat. Proxima ergo nocte quum miles qui crucem adservabat, ne quis ad sepulturam corpora detraheret, notasset sibi & lumen inter monumenta clarius fulgens, & gemitum lugentis audisset; vitio gentis humanæ concupiit scire, quis aut quid ibi fac-

faceret.
vilaque
si quod
nibus
corpus
confid
etiam
rium e
attulit
cepitque
raret in
futuro q
um eum
domic
tae me
illa igit
rayit v
nes sup
excessi
tatione
donec
corrupt
manicat
deinde
gnate d
Quid p
inedia
antequ
spiritu
id e
p

faceret. Descendit igitur in conditorium
 visaque pulcherrima muliere, primò qua-
 si quodam monstro intèrniſque imagi-
 nibus turbatus ſubiſtit : deinde ut &
 corpus jacentis conſpexit, & lacrimas
 conſideravit, faciẽmque unguibus ſe-
 ctam, ratus ſcilicet quod erat, deſide-
 rium extincti non poſſe feminam patis
 attulit in monumentum cenulam ſuam,
 cœpitque hortari lugentem, ne perfeve-
 raret in dolore ſupervacuo, & nihil pro-
 futuro gemitu pectus diduceret : omni-
 um eundem exitum eſſe : ſed & idem
 domicilium : & cetera quibus exulcera-
 tæ mentes ad ſanitatẽ revocantur. At
 illa ignota conſolatione percuſſa, lace-
 ravit vehementiù pectus, ruptoſque cri-
 nes ſuper pectus jacentis impoſuit. Nec
 exceſſit tamen miles, ſed eadem exhor-
 tatione tentavit dare mulierculæ cibum,
 donec ancilla vini certe ab eo odore
 corrupta, primum ipſa porrexit ad hu-
 manitatẽ invitantis victam manum :
 deinde reſecta portione & cibo, expu-
 gnare dominæ pudicitiam cœpit. &
 Quid proderit, inquit, hoc tibi, ſi ſoluta
 inediã fueris ? Si te vivam ſepelieris ? ſi
 antequam fata poſcant, indemnatum
 ſpiritum effuderis ?

*Id cinerem aut manes credis curare ſe-
 pultos ?*

Vis

Vis tu reviviscere, reluctantis fati,
 extinctum? vis discussio muliebri erro-
 re, quam diu licuerit, commodis frui?
 ipsum te jacentis corpus admonere de-
 bet ut vivas. Nemo invitus audit, quum
 cogitur aut cibum sumere, aut vivere.
 Itaque mulier aliquot dierum abstinenti-
 tiâ sicca, passa est frangi pertinaciam
 suam: nec minus avide replevit se cibo
 quam ancilla, quæ prior victa est. Ce-
 terum scitis quid tentare soleat plerum-
 que humanam satietatem. Quibus blan-
 ditiis impetravit miles ut vivere vellet,
 iisdem etiam pudicitiam ejus aggressus
 est. Nec deformis aut infacundus juve-
 nis castæ videbatur, conciliante gratiam
 ancilla, ac subinde dicente:

— *Placitone etiam pugna-
 bis amoris?*

*Nec venit in mentem quorum con-
 federis arvis.*

Quid diutius moror? ne hanc quidem
 partem mulier corporis abstinuit, vi-
 ctorque miles utrumque persuasit. Ja-
 cuerunt ergo unâ, non tantum illa no-
 cte qua nuptias fecerunt; sed postero
 etiam ac tertio die, præclusis videlicet
 conditorii foribus, ut quisque ex notis
 ignotisque ad monumentum venisset.
 Putasses exspirasse super corpus viri pu-
 dicissimam uxorem. Ceterum delecta-

tus miles & forma mulieris & secreto ,
 quidquid boni per facultates poterat ,
 coëmabat , & prima statim nocte in
 monumentum ferebat. Itaque cruciarii
 unius parentes, ut viderunt laxatam cu-
 stodiam, detraxere nocte pendentem,
 supremoque mandaverunt officio. At
 miles circumscriptus dum desidet, ut
 postero die vidit unam sine cadavere
 crucem, veritus supplicium, mulieri
 quid accidisset exponit, nec se exspecta-
 turum judicis sententiam, sed gladio jus
 dicturum ignaviæ suæ. commodaret
 modo illa perituro locum, & fatale
 conditorium familiari ac viro faceret.
 Mulier non minus misericors quam pu-
 dica, Nec istud, inquit, dii sinant, ut
 eodem tempore duorum mihi carissi-
 morum hominum duo funera spectem.
 malo mortuum impendere quam vi-
 vum occidere. Secundum hanc oratio-
 nem jubet corpus mariti sui tolli ex ar-
 ca, atque illi quæ vacabat cruci affigi.
 Usus est miles ingenio prudentissimæ
 feminæ: posteraque die populus mira-
 tus est, qua ratione mortuus isset in
 crucem.

Risu excepere fabulam comites, mul-
 taque alia in muliebrem perfidiam jo-
 cati sunt: quum ad oppidum fere jam
 pervenimus. Hic agaso descendere nos
 jubet,

*Russica-
 norum
 liberali-
 tas qua-
 lis.*

jubet, quod non oppidum ingredi, sed Tinajam usque progredi, constituisset. Et tu, inquit, adolescens, rationes mecum puta. Tanto mihi acerbior hic ictus fuit quanto magis inopinatus. Gratis me in hospitio passum, gratis vectum credideram, at bonus ille meus jam mercedem flagitabat. Hem' ideone tantam in rusticano homine liberalitatem antea admiratus sum? Rogo, quantum debeam. Tantumdem, inquit ille, solve quantum hi qui tecum vecti sunt. sed præter vecturam, scis me in hospitio pro te satisfacisse. Quod ad hoc, inquam, restituam quod licet injussus, pro me exposuisti. at provectum nihil tibi debeo, quam tu ultro mihi obtulisti. quippe pedibus uti poteram, nec tuo hoc, ut falso interpretatus sum, beneficio indigebam. Contentionem hanc nostram ita diremerunt comites, ut jumenti quod equitassent pabulum solverem, vecturam immuncem haberem. Sic misello mihi zonula jam ante tenuis omnino exhausta fuit, ut in fundo ejus viginti tantum numuli relictæ fuerint: cum quibus oppidum ingressus, solus (reliqui enim comites alius aliò discesserant) hospitium fortunæ meis congruum quæsi.

C A-

CAPUT VIII.

Gusmanus Cazzaglia Madritum proficiscens, miserabilis hominis conditiones expectatur. In via cauponi operam suam addicit.

CAzzagliæ quum essem (oppidum id duodecim Hispali abest milliari-
bus) dici non potest quam variæ atque *Mis-
erabilis*
adèd contrariæ curæ ac cogitationes *qualis.*
animum meum incursârint. Bona res &
optabilis est, habere patrem; melior ma-
trem; at optima, cibum. Similis mihi
videbar cani famelico, quem pendente
cauda obambulante omnes allatrant
& circumstant: ille vero, nudatis tan-
tum dentibus, nullum eorum mordet,
sed satis habet si illæsus abeat. Reipsa *Necessi-
tatis vis.*
tum expertus sum quanti sit numus:
quem qui non magno lucratur labore,
nihili æstimat, nec scit quantum valeat,
donec eo ipso quoque destituatur. Tum
primum ego Necessitatem vidi, ut ita
dicam, de facie ad faciem: cuius effectus
postea sensi. O durum telum! ô pessimam
pessimarum rerum magistram!
Quid non mortalia cogis pectora: Vere

tu leges omnes frangis. verè tu in servitute cuncta adigis : adeò ut non immeritò ipsis Ethnicorum deastris imperitare olim sis credita. Tui, iritatae praefertim (ut Portius Latro, forte ipse expertus ait) morsus sunt gravissimi. Illud nescio, plusne mali an boni ad hominum vitam attuleris. Scio quidem omnium paenè artium inventionem tibi deberi. Quis enim (reliqua omnia praetereo) Pſittacum docuit suum *χρῆς*?

*Magister artis ingenii que largior
Venter.*

Sticho. Recte Plautinus ille :

*Egestas & inopia omnes artes perdocet
ubi quem attigit.*

Nec artes solum, verum etiam virtutes docet Necessitas: quæ, ut Curtius ait,

Lib. 5. Ignaviam quoque acuit, & desperatio sæpè
spei caussa est. eademque, ut ibidem ait,
efficacior est omni arte. Nec minus scite

Livius. alius, Nullum incitamentum ad vincendum
homini à diis immortalibus acrius esse, dixit.
Hoc ut non nego; ita vicissim illud scio,
vix esse quidquam quod hominem in
periculosiori sistat præcipitio. O quam
mirabiles cogitationes animo subjicit
egestas! quam intricata suggerit consilia!
ut mirum non sit, ejus unius caussa, ab
hominibus male à natura, pejus etiam à
doctrina instructis tot flagitia quotidie
de-

designari. Quando vero de Egestate lo- *Egone*
quor, non illam tantum intelligo quæ *quæ*

ad vitam necessariis caret præsidiiis, sed
eam quoque quæ in rerum omnium a-
bundantia nullum modum invenit aut
satietatem. Tam de avaro quam mendi-
co dici potest, *Peram non impleri* : & *Lo-*
culos semper inanes. Ille, ut Horatius ait, *Ad. 17.*

Magnas inter opes inops, semper eget, & ut, *Epid.*

Pauper Optimus argenti positi intus & *Epist. 2.*

auri,

nec iis rebus quas vel labore sibi acqui-
sivit, vel fortunæ beneficio nactus est,
uti sui audet, sed, ut alter Tantalus,

Quærit aquas in aquis, & poma sugacia
vaprat.

Certè si recta ratione atque adedò ipsa
experientia rem putare velimus; ad gra-
viora flagitia plures impellere solet
Avaritia quam Egestas. illud interest,
quod Avarus malis suis artibus facile
honestum invenit pallium, ac divitia-
rum pondere gravis, legum telas dis-
rumpit, in quibus miseri quibus egestas
aut alia quædam necessitas maleficium
persuasit, obhærescunt. O quam sapien-
ter ille post homines natos Rex sapien-
tissimus & divitias & paupertatē à se de-
precatus est! ne tam ab illis quam ab hac
peccandi arriperet occasionem. Paucis
contenta est natura : quæ tamen ipsa si

desint, sit sanè ut homines turpiter fessent, & malis artibus victum quærant. Tanto diligentius elaborandum est, ut quæ Dei munere obtingunt, non superfluis, sed necessariis ulibus impendantur. Sed philosophari cesso: ad historiam redeo. Tot malis, iisque improvisis vexatus, velut è tenebris ad lucem emergere mihi videbar, paullatim quid esset Mundus, noscitans, quem tum velut è transenna inspicere incipiebam. Tot molestiarum quæ in via mihi occurrerant, ac quarum longam seriem à tergo videbam pertæsus, domum regredi cupiebam: sed obstabat verècundia. Qua enim fronte, vix paternæ domus limen egressus, rursus matris, cognatorum, atque etiam ipsorum sodalium meorum oculis seminudum me obijcere auderem? Laudabilis sanè, in juvenili præsertim ætate est verècundia: est tamen pudor quidam non inutilis modo, sed & vitiosus. Proverbium est, *Viro egenti inutilem esse verècundiam*: ego vero multos præterea novi omnis conditionis & ætatis homines à vitioso pudore perditos. O quam multæ puellæ virginitatis jacturam fecerunt, quod pudori sibi ducerent procantibus, ac procos non veros agentibus sed simulantibus tantum, in amore non

re-

*Vexatio
datur in-
tellectu.*

*Verecun-
dia vi-
tiosa.*

respondere! Quam multi, dum quidquam amicis negare erubescunt, & hos deinde, ubi res solvenda est, & fortunas suas amittunt? Quam multos pudor deterreret ea quoque discere quæ turpe est nescire. Quam multa, ut ait Flaccus,

Incurata malus pudor ulcera celat!

Joculariter Plautinus ille servus ait:

Trecundari neminem apud mensum deest.

Nam ibi de divinis atque humanis *Distum
sermo di-
gram.*
cernitur.

Ego vero multa alia commemorare possem, in quibus nulla, aut certe non magna pudoris habenda sit ratio. Sed ne rursus exorbitem, in viam redeo. Pudore, ut dixi, deterritus, abjecto domum redeundi consilio, Madritum usque proficisci decrevi, ubi tum Rex aulam, & magnam Principum ac Magnatum circa se habebat multitudinem. Deus bone, quam vanas cogitationes meas postea deprehendi! Imaginabar mihi *Panc i-
magines
ones.* quamprimum eò venissem, omnes ultro operam meam ac ministerium ambituros, ac certatim dona atque opes in me congesturos. Sed chimæ hæc istæ fuerunt, in Vacuo bombynantes: quas ubi sol proximi diei ortus disiecit, in viam me rursus dedi, relictis Cazzagliæ unâ cum numulis, quæ in aëre ædificâram

castellis, sumtoque in manus baculo, quo gressum adjuvarem, porta egressus duos video mulis inequitantes; quos pedibus sequi statui, ad minimum ex colloquio eorum solatium aliquod mihi pollicitus. Sed illi non minus verborum quam numorum parci, quum jam summo cum silentio aliquot emensi essemus milliaria è jumentis descenderunt quidem, ego verò quamvis fessus admodum & pænè exanimis, tum mulis in stabulum deducendis, tum sarcinis in hospitium deferendis diligenter ministrabam, ratus fore ut ad minimum cibi aliquid misero mihi ac famelico impertirent. Jam mensa erat posita: quum eorum alter sedulo occurrentem facessere ac res meas agere me jubet. O pessimi homines, cogitabam, ac Deo hominibusque juxta invisi! Satis vobis non fuit in via, quantum in vobis fuit, me perdere, & desertum pati: nunc etiam supra vires inservire conantem tam atrociter spernitis. Sic mœstus, è regione mensæ cui illi assidebant, parieti me acclino, & non verbis quidem, oculis tamen particulam aliquam qua reficere vires ac famem aliquo modo sedare possem, flagito. Sed non magis illi me curabant, quam si natus nunquam fuisset. Verum ecce dum tacitus

tus miseras meas considero, Monachus quidam è mendicantium familia, idem hospitium ingressus, quod habebat cibarii è pera depromit: quumque me tamquam corvum buccis quibuslibet quas alii in os ingerebant, inhiantem animadverteret, extemplo, Equidem, ait, omni cibo ego carere malim, mi fili, quam pati ut cum fame, qua te prope perditum video, diutius conflictaris. Cape ergo & unà frui eo cujus mihi jam est copia. O immensam Dei bonitatem, æternam sapientiam, providentiam divinam, infinitam misericordiam, qua non homines tantum, sed etiam vilissima animantia & vermes alis ac sustentas! Ecce qui juvare me facultatibus suis poterant, viscera misericordiæ claudunt, & famelicum ne mica quidem dignantur: at mendicus ille, nihil reliquum fere sibi faciens, ignoto dat quod habet. Verum certe est, qui non ipse multa tulerit ac perpeffus sit, non facile aliorum miseriis commoveri. Tandem jam saturo bonus ille Frater quod reliquum habebat panis porrigit, si plus haberet, plus daturus: quod ego tunicæ aperta sutura injeci, sicque in viam rursus me dedi. Eo die confectis adhuc tribus milliaribus, sub noctem unà cum aliis viatoribus in diver-

Mendicus mendicum juvat.

sorium me recepi, & prandii reliquiis pro cena usus sum: quæ talis fuit ut stomachum mihi inde neutiquam suis-
se gravatum, vel injurato mihi si-
dem omnes sint habituri. Mane quum
surrexissem, meque ad iter accingerem,
hospes pernoctationis precium, quatuor
scilicet numos, quamvis in stramine
cubuerim, à me petit: quos quum
non haberem, necessariâ consequentiâ
dare non poteram. Videns autem id
eum agere, ut tunicam à me auferret,
quæ, utpote ex optimi generis panno
confecta, amisso pallio, habitum meum
aliquo modo commendabat, & pauper-
tatem celabat, amarè admodum plora-
re cœpi. Id conspicatus quidam ex au-
rigis qui eòdem diverterant (neque
enim omnes in eadem schola agre-
stes mores edocti sunt) missum me fa-
cere, & numulos illos sibi imputari ju-
bet. Rogant ejus focii, cuiâs essem, un-
de venirem, quò tenderem. Ille, Quid
vos frustra hæc sine ullo alio beneficio
interrogatis? Non videtis vel ab hero
vel à parentibus suis profugisse? Hæc
audiens hospes, rogat, An servire ipsi
vellem. Quod etsi grave mihi videba-
tur, ut qui hætenus domi famulis & an-
cillis, adeoque ipsi matri imperare essem
solitus, annui tamen: sicque in fami-
liam

liam receptus, paucis diebus cauponarias artes vel maleficia potius didici, quæ sunt: Avenam vel hordeum infusa calida aqua tumefacere, eandem fraudulentè admetiri, demenso aliquid demere, cretâ bifurcatâ uti, vino injectis herbis, aliisque noxiis rebus saporem conciliare, idem aqua diluere ac tantum non penitus transformare. Tum quidem expertus sum, vinum natandi habere facultatem, absque hoc enim quomodo fieri posset, ut in tanta aqua non summergeretur, aut plane suffocaretur? In una hac domo multorum hominum mores vidi. Erant ex viatoribus qui sine ulla contradictione quod poscebatur solvebant. & prudenter, meo quidem iudicio: quum hospitum verba aut rationes diffinitivæ sunt sententiæ, contra quas replicare, multo minus provocare, non licet. Renitentibus & vel malam fidem vel avaritiam nostram inculcantibus vis statim etiam ab ipsis Justitiæ ministris, quos imperiis nostris promptos habebamus, parata erat, quam tamen ab illis alicui è nostra familia, & etiam ipsi manifestas familias, aut filix, aut ancillæ intentatam mentiebamur. Si quis quid forte per injuriam apud nos reliquisset, id sine ulla spe recuperandi amillarum rerum adscribere poterat

numero. Furta alia, fraudes, rapinas, ac maleficia cauponum silentio prætereo: quæ alibi quidem majora, alibi minora sunt, pro cuiusque gentis moribus & ipsius Justitiæ sedulitate. Equidem sic sentio, optime facturum cuiusque loci magistratum, si viis ac pontibus reficiendis, tum diverforiis quoque reformandis seriò curam atque operam impendant.

CAPUT IX.

*Gusmanus Madriti mendicans,
circumforaneas artes discit.*

QUO minus mihi placeret id vitæ genus ad quod me non voluntas aut arbitrium sed necessitas detruserat, faciebat eorum puerorum frequentia qui hinc inde discursantes ad nos divertebant. Eorum aliqui pecuniam habebant, alii non: aliqui bene, alii male vestiti erant, omnes tamen iter suum persequiebantur. Eho, cogitabam, quid tu agis, Gusmane? quæ animum tuum obsidet ignavia? Itane florem ætatis tuæ in hoc stabulo perdes? Hem, pusilli isti omnes itinerum molestias magno animo devorant, & tu situ ac squalore hic torpescis? Quin fortunam tuam alibi quæris, & hequissimum hunc cauponem

*Fortuna
revertenda.*

nem plorare ac longum valere jubes :
 Quum hoc modo meipsum excitâssem,
 quas qualicumque modo collegeram
 reculas in sarcinulam colligo, & Ma-
 dritum versus, quò primo iter institue-
 ram, proficiscor.

Absumtis propere quas absportâ-
 ram numis, mendicando victum quære-
 re coactus sum : quem difficilem admo-
 dum mihi fecit quæ tum inciderat an-
 nonæ caritas. Repulsam ergo ab omni-
 bus fere ostiis passus, vestes quas mihi
 in diversorio paraveram victui impen-
 di, sic ut quum Madritum venissem, vix
 haberem quo nates tegerem. Ea res mi-
 rum est, quam rationes meas omnes
 conturbârit. Noveram, quanti sit bene
 vestitum in conspectu hominum appa-
 rere : nec verba mea sine re facile fidem
 inventura. Quare cum vestibus omnem
 exui (cui cum Fame nequaquam bene
 convenit) veretundiam ; cujus fines se-
 mel transgressus, statui bene & gnavi-
 ter esse impudens : sicque aliis simili-
 ter habitu ornatis, me applicui. Jam credo,
 intelligetis, quæ tum mea fuerint exer-
 citia. Tyro adhuc eram, & profecto
 non minus scita sunt circumforanearum
 quam quarumcumque aliarum artium
 rudimenta. in quibus dum desudo,
 dici non potest quam multa lusuum ge-
 nera

nera addidicerem , interea dum operam nostram conducturos expectamus. Et sane multum me animabat sodalium meorum respectus , quos , licet pannosos , numulis tamen videbam instructos. Magna est asinorum societas , in quam etiam homines adscribi se patiuntur. Ex eorum ego sui numero , ut qui sportulae ferendae humeros meos , tamquam clitellarium jumentum submiserim. Ut verum dicam , Honore , cuius pondus tam grave est ut ferri à paucis possit , exoneratum me gaudebam. Quid enim ! Quam misera est eorum conditio , quorum honor & existimatio à mala pendet lingua ! Quasi vero nesciamus , honorem virtutis esse prolem ; & tanto majori honore quemvis dignum quanto pluribus virtutibus est præditus. Erras , si honore me privaturum te existimas , nisi simul virtutem à me auferas. Nonnulli quidem opinantur , in mulieris potestate mariti esse honorem : quod tamen nescio quis non sine causa negavit , indignum dicens tam vili ac fetido loco rem tam præclaram collocatam. Sic ego existimo , nullos felicius vivere , quam eos qui quid felicitas sit ignorent. O quam laboriosum est eam , quæ vulgo putatur , adipisci felicitatem ? quam difficile eandem conser-

servare? quam periculosum ferre? quam facile, perdere? Sed ô sinistra mortaliū judicia! In iis rebus honorem situm putant, in quibus minime situs est. Quam multi turpe sibi putant, si equos suos non quam ornatissimos producant: iidem interim Christianos homines, eandem imaginem Dei quam ipsi ferentes, nudos obambulare, adeoque fame ac frigore perire patiuntur. Sumtuosis conviviiis amici excipiuntur, in quibus si quid ad summum quoque luxum desit, probrosum putatur: at egenti obulum negare frugalis hominis esse ducitur. Quid multa? Falsis opinionibus Mundus regitur: nec tam quid fieri debeat, quam quid soleat consideramus.

Heic ego patris mei vitam non semel *Honores periculosi.* apud amicum meum considerabam, quo pacto is scilicet usurariis suis artibus varios dolos excogitarit, ac quamplurimorum succum & sanguinem exhaurierit. Sed ô Deus bone! Quam multi Mercatores unâ cum Matthæo publicano in telonio aut collybo eandem occupant sellam, idque unum agunt, ut omnium fortunas & opes ad se convertant! Quot Jurisconsulti libros suos assidue evolvunt, singula excutiant folia, pennas & linguas habent vanales, &

exiguo labore invidendas acquirunt divitias? Sed quem scopum, putas, habent tam hi quam alii omnes qui in pecuniis congerendis ita misere defudant? quid alii ex Academicis recens progressi spectant, dum suum patrimonium aut exstruendis domibus, aut coëmendis Nobilium prædiis impendunt? Nichil aliud profecto, quam ut nidos suos in alto ponant, utque ad summas dignitates evehantur. At quam multò melius iidem sibi consulerent, si fortunæ mediocritate contenti, quietam ac tranquillam agerent vitam! Quod namque frequentiora spectacula hodie oculis nostris obversantur, quam eorum quos Honores funditus everterunt? Quocirca sæpe dubitavi, num gratulandum iis esset, qui è tenui fortuna ad summas dignitates provehantur. Nimirum,

— *Tolluntur in altum,*

Ut lapsu graviore ruant.

Sed in primis miseratione digni sunt illi, qui magnis negociis impares, vel ultrò gravia munera affectant, vel cæco quodam fortunæ impetu ad ea producuntur. Hi enim certum pænè hostibus ludibrium, amicis luctum, sibi ipsi exitium debent. Horum nihil mihi circumforaneam vitam agenti & in diem

*Libertas
vulgaris.*

diem viventi metuendum erat. Libertate gaudebam, illa quæ à sapientibus tantopere commendatur, desideratur à multis, à Poëtis decantatur, quæque omnibus hujus Mundi divitiis potior est. Sed & hanc mihi fortuna invidit; dum asinariæ societatis pertæsus, aliud vitæ vel potius servitii genus amplexus sum.

CAPUT X.

*Gusmanus coquinæ se addicit:
artesque ibi usitatas describit.*

JA M tergum meum oneribus fere-
dis assuefeceram, jam ob fidem &
diligentiam omnibus passim & notus
& charus eram: quum ecce Principis
cujusdam dispensator, qui ante opera
mea sæpe usus fuerat, seductum me
monet, quanto rectius facerem, si cir-
cumforanea illa vita relicta, aliud agere
discerem. Suadere ergo mihi, ut co-
quo Principis sui in aggerendis lignis,
lavandis ollis, aliisque similibus ministe-
riis operam præstem: addens, Non tam
infecundam esse coquinarum artem
quin multis & divitias & honores pepe-
rerit. Quæ aliaque multa ille iis verbis
animo

*Bene
consulen-
tes male
nomina-
quæ con-
sulant.*

*Super-
bia ple-
bejorum.*

animo meo inculcavit, ut consilio ipsius
uti decreverim: tanto magis, quod,
utcumque res cecidisset, nec pericu-
lum nec damnum mihi timendum es-
set. Quid enim amittat cui nihil est?
Adducor ergo ad coquorum magi-
strum: qui quamprimū me vidit, quam-
vis ante satis notum, statim superba vo-
ce inclamavit: Unde nobis forensis hic
senator, clitellariæ plebis tribunus, dux
famelicorum? An tu forte aliqua re opus
haves? Aut ideo venis ut mecum ma-
neas? Me quidem non semel postea
pœnituit, quod tam superbo sermone
exceptus, non statim tergum verti. Sed
incertus quid responderem, dixi, si opera
mea uti velit, paratam fore. Et ille: Be-
ne facis. saxo ne te consilii huius pœni-
teat. Sed quid? An scis facere officium
tuum? Ego, Quidni? inquam. sed tuum
erit monstrare mihi quid facere de-
beam, meum obsequi, & iussa diligenter
obire. Quo sermone delectatus archimagi-
rus, sine ulla mora, pacto mecum sa-
lario inter ministeria me recepit. Et ego
quidem, ut plerique facere solent, ini-
tio non heris tantum, sed familiaribus
quoque sedulitatem meam mirifice
probabam: tum nihil magis cavebam
quam ne quid propalarem quo quis-
quam posset offendi. Objurgatus, tace-
bam,

*Boni fa-
muli
morantur.*

bam
bitar
me
prof
dior
seri
cies
Cap
rium
mei
dum
me
quid
profi
ficie
fuet
pâra
pecu
rem
ne in
derer
gassen
do abs
me ali
sermo
quasi
inven
Sin al
scribo
riam
dexte

bam, nec ullum impatientiæ aut improbitatis signum monstrabam. Hinc omnes me non solum favore, sed donis etiam prosequabantur, sic ut jam multo nitidior mihi esset amictus, & feriatis præsertim diebus, honesti adolescentis species aliquo modo in me conspiceretur. Caput boni erat, quod hac ratione salarium mihi maneret integrum; sed omnis mei mali fons inde scaturiebat, quod dum sportulariam agerem vitam, lusibus me mancipâram, in quos etiam postea quidquid undique corradere poteram, profudi. In arte coquinaria mirificè proficiebam; at multo magis in ludendi consuetudine, quæ ita animum meum occupârat, ut legitime acquisita deficiente pecunia, quidquid nactus essem involarem & venderem, ea tamen cautione, ut ne in furto aut fraude palam deprehenderer. Quod si quid forte domi harpagassem, id quæsito ad id loco commodo abscondebam: animadvertens vero me aliorum suspicionibus aut occultis sermonibus furti auctorem designari, id quasi forte fortuna aut dextro Hercule inventum, in lucem rursus protrahebam. Sin alii rei arguerentur, speculio meo adscribebam. Sed lepidam audite historiam, è qua una facile summam meam dexteritatem animadvertetis.

*Incommoda lusu-
sum.*

Factum

*Furtum
illepide
lepidum.*

Factum est aliquando ut herus meus combibonum suorum nonnullos domum secum deduxerit, (erat enim Ceneri & Baccho ita amicus, ut vix ullis aliis diis aut deabus supplicaret,) Hic quum illi & cum eis hera mea exquisitis ad id cibis sitim subinde extimulantes, tam largiter sese ingurgitassent, ut omnem sensum amisisse viderentur, & tandem à suis quisque familiaribus domum essent elati potius quam deducti: viso ad heros meos, eosque somno ac vino sepultos invenio, porta aperta & mensis omni apparatu instructis. Sic aliquamdiu cum admiratione quasi stragem in proelio factam contemplatus, lancem video argenteam, quæ humi jacens, rogare me videbatur ut se tollerem. Quod pietatis officium quum egenti negare nec vellem, nec possem, tamquam spolia legens, hanc potissimum mecum absporto, ac sine ullo strepitu in culinam me recipio. Nescio quæ lubido me tum invaserat, herum ac heram ligatis ad lecti pedes pedum digitis, aut alio modo ludificandi: sed tandem alterum illud stratagema velut lucrosius ac rationibus meis commodius magis mihi placebat. Mane quum surrexisset hera, & collecto omni ut positus manserat, apparatu, lancem illam argen-

argen-
corn-
go q-
nule-
qua-
Mif-
men-
reco-
vi. l-
gente-
procu-
mund-
mis:
veba-
chry-
tion-
nudi-
vultu-
oper-
Quid-
quem-
lem la-
ne tu-
fumen-
hi in a-
meum-
pletur-
lancem-
porto-
culis,
ocium.

argenteam desideraret, subito dolore correpta, altum exclamat. accurro, rogo quid rei sit. Tum illa, Ah mi Gusmanule, quanta mihi evenit calamitas! quanti mihi hesternæ constant deliciæ? Miseram me, quod vino gravis, tibi mensæ tollendæ, ac præsertim argenti recondendi provinciam non demandavi. Ecce enim furto hac nocte lanx argentea periit. quod si resciscat maritus, procul dubio cruentæ plagæ mihi in mundo sunt. Hæc illa non sine lachrymis: quibus tamen ego neutiquam movebar, ut qui non semel audissem, lachrymantem mulierem ea commiseratione dignam qua anser media hyeme nudis pedibus ambulans. Ipse tamen vultum quoque ad tristitiam fingens, operam meam ad omnia large polliceor. Quid si, inquam, hera, aurifabrum aliquem adeam, & forma ac pondere similem lancem faciundam curem? Illa, Bene tu hoc, inquit; sed unde pecuniam sumemus? Dubito enim valde num mihi in arca tantum sit. Offero ego omne meum peculium; & quod deesset, suppleturum me recipio. Sic facere iussus, lancem illam surreptam ad aurifabrum porto, rogo ut deterfis omnibus maculis, Lunâ nitidiorum reddat: & per ocium, quasi ex curiositate, quanti ejusmodi

*Mulieris
lacryma.*

modi lanx constet, percunctor. Solutio expolitionis precio, domum reverter, renuncio planè similem ac gemellam mihi lancem apud aurifabrum quemdam repertam: simul precium indico. illa gaudens admodum, Rem gratam, inquit, nuncias: & cubiculum ingressa, quantum numorum habebat in arca profert, quod deerat, me supplere jubet. Effundo ego omne meum peculiolum; sicque prodiens, eadem cum qua exieram lance onustus domum redeo. Lætabatur illa, ego multo magis. at parum utilis ac diuturna mihi illa erat lætitia. Scis illud: *Male parta, male dilabuntur.* illud certe tum ego sensi, ut cui intra paucos dies ne obulus quidem reliquus factus sit, omni pecunia eodem vespèri lusu absumpta.

Sed non solus ego, sed reliqui omnes domestici, à summo ad infimum, Laveriones, aut ut clarius dicam, fures eramus, benignam materiam suppeditante culibet ea re quæ fidei ipsius commissa erat, frumentis, vino, oleo, aromatibus, carnibus, lignis, &c. Et forte causa illis non deerat, vel, ut melius dicam, occasio & prætextus, salarii nempe tenuitas, quæ tanta erat ut eo vix quisquam se, nedum suos, alere posset. Quocirca non optime illi Magnates mihi facere

vi-

videntur, qui tam exiguis domestica ministeria conducunt stipendiis, ut nisi de suo aliquid addant, vix habeant unde in res necessarias sumtus facere possint. Quis enim dubitet, omnia prius excusuros, quam ut deesse aliquid sibi patiantur? quamvis eo nonnulli sunt ingenio, aut ea conditione, ut si omnia agas, in omnes species te veritas, nihilo plus ab ipsis quam à nudo auferre possis. Sed ut intelligatis quam parci nonnulli sint in remune. andis etiam non debitis officiis, exemplum audite.

Nobilis quidam cum altero graves *Notate*
exercens inimicitias, & tam animi quam *avari*
corporis viribus imperem se sentiens, *domini.*
famulum consilio ac manu promptum
conduxit. Non multo post ab adversario
obviam facto invaditur. Poscit opem
famuli, qui mox accurrit, & herum in
in fugam acto adversario, illæsum tue-
tur. Hoc in tumultu bonus servus &
pileum & ensis vaginam perdiderat: cu-
jus damni sarturam quam ab hero ali-
quamdiu frustra expectasset, alia ratio-
ne ulcisci se decrevit. Quum ergo rur-
sus cum hero prodisset, ecce rursus ad-
versarium, cum fuisse ad id præparato
imminentem: quem ut conspexit herus,
servi auxilium, quantum potest, inclamat:
ille vero ne manum quidem ad capu-
lum

lum admovebat, sed ocyus herum vapulantem spectabat. Expostulanti deinde sic respondit: Tu quidem hactenus in eo debitum fecisti officium quod menstruam mercedem solvis; ego in eo, quod huc illuc euntem passim comitatus, & alia quæ promisi exsequutus sum. Ad opera supererogationis, ut ita loquar, quod attinet, quum tu tam parcus sis, nec me liberalem esse oportet. Tu mei, immò tui causa (nam tui causa jacturam illam pilei & vaginæ ego feci) nihil vis impendere: ego pro te vapulare nolo. Sed ad oleas. Expertus sum tum ego, quanti dominorum intersit fidos habere ministros: quos nulla alia ratione quam humanitate ac liberalitate conciliare sibi possunt. Ecquid namque fidum tibi fore putas quem vilissimi loco habes mancipii, aut quem esurire pateris? Mihi crede, omnia ille prius faciet, quam ut se desertum patiatur. Quæ ibi ego viderim, longum sit commemorare. Nulla sane re majorem ego tam apud herum quam reliquos commilitones gratiam inibam, quani quod ea quæ mihi dederant, artocreas, placentas, carnes, pisces, vina omnis generis sedulo iis quibus jussus eram apportabam. Illud unum mores meos meque ipsum perdidit, quod aliorum exemplo

*Liberalitas si-
dem pro-
vocat.*

xem
fu
alia
fui i
gift
den
tube
quæ
tarus
& un
lore
sed m
omn

Gu
pi

N

quæ
dam,
quam
qui
quod
conc
vide
tis a
nian
Etis t

xemplo illectus, & ipse quidquid poterā
furabar, quod autem furatus eram, aut
alia ratione acquisiveram, chartarum lu-
sui impendebam, ita clam tamen, ut ma-
gistro diu nihil suboleret, donec tan-
dem in multam usque noctem cum con-
tubernalibus ludens, herus altercationis
quæ inter nos orta erat, strepitu exci-
tatus, me inter præcipuos deprehendit, *O perdi-*
& unā cum aliis probè depexuit. Et do- *ci luso-*
lorem quidem mihi afferebant verbera, *res.*
sed multo magis me illud urebat, quod
omnem fidem apud herum perdidissem.

CAPUT XI.

*Gusmanus reliqua quæ sibi a-
pud Coquū acciderint, narrat.*

NON minor est virtus quam quærere,
parta tueri. Tenebam jam ego
quærendi victus artem non incommo-
dam, & in heri gratiam me insinuāram:
quam tamen diu retinere non potui, ut *Duo quis*
qui animum induxeram idem facere *faciunt*
quod reliqui, nec cuiquam quidquam *idem, non*
concedere. Sunt quidam tam felici (ut *est idem.*
videtur) nati fidere, ut vitam meris fur-
tis ac latrociniis transactam in lecto fi-
niant; alii tam infelices, ut nondum ja-
ctis tyrocinii fundamentis, ob primum
fur-

furtum statim infelici ligno suspendantur. Reliqui Principes nostri ministri in grosso (cum vulgo loquor) furabantur, atque inde ditescabant; ego hinc inde minutatim aliquid decerpens, pauper nihilominus manebam. sic quod aliis veniale, mihi mortale erat peccatum. Non me, sed alios respiciebam, & furandi artem tam licitam mihi atque aliis putabam; nec in mentem mihi veniebat, illos jam veteranos, me adhuc tyronem esse. Non considerabam solos potentes, divites, superbos, quibus Crocodili sunt lacrymæ, quique instar scorpionum, non ore sed cauda vulnerant, hanc habere prærogativam, ut quidquid fecerint non veniam tantum, sed & laudem mereatur: idem vero pauperibus ac mei census hominibus pro sacrilegio aut læsæ Majestatis crimine imputari. Senti tum verissimum esse quod ille dixit:

Dat veniam corvis, vexat censura columbas.

Ut ante herum, ita non multo post heram, licet sine mea culpa, ut audietis, offendi.

*Ridicu-
la fabu-
læ*

Venerat ad Principem nostrum alius, in quo laute tractando universa familia defudabat. Venatores inprimis & aucupes, domini jussu, culinam omni
fere-

ferarum ac volucrum genere optime
instruxerant: quarum magnam partem
Coqui uxor mihi custodiendam tradi-
dit. Omnibus diligenter, ut putabam,
conditis; cubitum eo: sed non multo
post, dum cum armentis corporis mei
pratium depascentibus luctor, feles audio
terribili gemitu quasi inter se digla-
diantes. In eo sane feles senibus non sunt
absimiles, quod sine grunnitu aut mur-
mure etiam solæ cibum capere non pos-
sunt. Hoc strepitu excitatus, In malam
rem, exclamo, nequissimæ bestię, quæ
ad penu nostrum depopulandum, & in-
de capiti meo creandum periculum ve-
nistis! Certe ego carnem meam pro
carnibus illis non dabo. Simul pro-
pere è lecto exsilio, & ita nudus peri-
clitanti ferinæ auxilium laturus accur-
ro. Sed ecce jam hera me prævenerat,
eodem excitata strepitu, quem nativius
aliquanto senserat. Occurrimus alter
alteri ad ipsos scalarum gradus: & illa
quidem non minus nuda erat quam ego
(nocte tum admodum calente, cereum
altera ferens manu, quem mox ut me
conspexit, nocturnum spectrum rata,
abiecit, & per scalas quam celerrime
quasi subvolavit. Nec minor me invase-
rat pavor, nuper mortui dispensato-
ris manes obambulantes imaginantem.

Illa quidem tam altum exclamavit, ut vox ejus per totam viciniam audiri potuerit: ego vero etiamnum miror ad meam vociferationem totam civitatem non confurrexisse. Jam illa in lectum se recondiderat: ego vero dum & ipse fugio, sorte fortuna felium unam pede calco, quæ instar canis rabidæ pedem mordicus mihi arripuit, misere, ut propitii mihi Manes essent, clamanti. Tum demum è planctu meo & casu heræ quid rei esset cognoscens, tremula adhuc voce jubet, ut cubitum eam. Mane quum surrexissem, ante cubiculi limen, odoratu vestigans, purgamenta ventris video, per scalas quoque passim sparsa, tam maleolentia ut nihil suprâ. Rarus quod erat, formidine scilicet heræ alvum solutam, tum quidem (ut cui munditiei cura erat demandata) diligenter & limen & scalas absterfi: illud vero deinde quoque non semel miratus sum, quæ fiat quod excrementa seu pavore, seu alio quodam subitaneo casu ejecta, multo fetidius oleant, quam quæ naturaliter excernuntur. Quam quæstionem accuratissimis naturalium rerum scrutatoribus, qui nihil nescire volunt, discutiendam, adeoque ruminandam ac masticandam relinquo. Non dubito quin omnes intelligant, hic nul-

lam

*Quæstio
piscia.*

lam
nihil
nam
asp
riu
tan
ren
illat
tis p
quoq
inter
repsi
las a
fam
ipse
ta
mat
sinu
rum
stina
possi
conv
banu
quod
dom
plo
alia
calig
mee
laba
facer

lam meam intervenisse culpam : quæ
 nihilominus mihi luenda fuit. Ex eo
 namque tempore herane uno quidem
 aspectu me dignata fuit; id scilicet æger-
 rime ferens, quod nudam vidissem. Si
 tamen verum est quod è vicina, cui illa
 rem omnem narravit, intellexi, non tam
 illam nuditatis suæ quam alvi lubricita-
 tis pudebat. Orto jam sole, quum herus
 quoque, qui Bacchi percussus thyrso
 inter hæc securus steruuerat, è lecto pro-
 repisset, jubet ut focum instruamus, ol-
 las aqua impletas igni adstituamus, sal-
 samenta eluamus, & cætera faciamus; ipse
 interim ad placentas, turundas, tuce-
 ta, & id genus bellaria delicatissimam
 materiam depromit, nobis omnibus in
 sinum gaudentibus, quod in tanta cibo-
 rum multitudine, in tanta operarum fe-
 stinatione, facile ipsos custodes fallere
 possemus: eamque ob causam ejusmodi
 convivium cum Jubilæis annis compara-
 bamus, & sic quoque nominabamus,
 quod plerique plenas inde Indulgentias
 domum absportarem. Aliorum exem-
 plo convaso & ipse quæ possum; & inter
 alia ova quædam & carniū reliquias in
 caligis recondo. Id conspicatus herus
 meus, ut Aulæ Præfesto, qui obambu-
 labat, fidei suæ fidem ex mea perfidia
 faceret, exeuntem manu apprehen-

*Ex mi-
 gnacer-
 or faci-
 lus ali-
 quid de-
 ruitur.*

*Astuta
nequitia*

dit, & iis maximè locis ubi ova recondita habebam, ictibus impetit, ita ut illis fractis, flavus humor albo permistus undiq; è caligis meis, non sine spectantium risu, efflueret. Nihil propius fuit quam ut exclamarem: O te nequā & sceleratum hominem! Tu furtis tuis quotidianis non familiam solum sustentas, sed ædes quoque & fundos instruis: & me ob tam leviculum delictum omnium & ludibrio exponis & odio objicis. Sed magis è re mea videbatur tacere, & injuriam quamvis indignam dissimulare. Finito convivio, dum cum hero domum redeo, ille tristem sic alloquitur: Proculdubio, mi Gushmanule, quod accidit, indignè fers: sed enim ut ita facerem, ex usu meo plane fuit. Ut autem vulnus hoc aliquo modo leniam, cras novis te donabo calceis. Et ego quidem injuriam illam omnem bona fide ex animo delevi, & in posterum omnibus in rebus quam potui maximam diligentiam adhibui. Post paucos dies quum herus multis apparatus artocreis alio concessisset, ego vero numis aliquot ad sequentis diei usum opus haberem: è farinae & carniū reliquiis & ipse artocream ita cocinno, ut externa species cuniculum plane referret: cum qua ad mercatum profectus, è rusticanis alicui

im-

*Anti-
quum
obtinere
Gegmas-
mus.*

im-
fens
jam
lum
appe
gulo
peric
caden
horz
dum
gite
dem
gentu
contes
ecce
repen
Ob
ille
bis
venale
fides
velle
fatto
O imp
mili
sipient
num
quam
Hæc
ille ne

imponere cogitabam, sed mox aderat
 senex quidam canus & calvus: qui, facta
 jam conventionē de precio, dum bacu-
 lum, quem manu gestabat, proximæ
 apponit mensæ, dum chirothecas cin-
 gulo appendit, dum perspicilla è sacci-
 perio profert, inde è theca depromit,
 eademque naribus imponit, jam duæ
 horæ præterierant; mox alteræ duæ,
 dum in marsupio numos quasi in gur-
 gite vasto natantes piscatur, dum cos-
 dem singulos perspicillis admotos dili-
 gentius quam stellas Mathematicus
 contemplatur: hæc, inquam, dum fiunt,
 ecce herum meum à tergo quasi ad-
 repentem. quem ut vidi,

*Obstupui, steteruntque comæ, & vox
 faucibus hæsit.*

ille vero terrifico vultu ac voce his ver-
 bis me increpat: Quid tu bonæ rei hic
 venale habes, adolescentens? Hæccine
 fides illa est quam nuper mihi dederas,
 velle te fideliter servire, & ab omni
 furto aliisque illaudatis rebus abstinere?
 O improvidum dispensatorem, qui te
 mihi conciliavit; me vero multo in-
 sipientiores, qui tamdiu alere te susti-
 nuisti! Apagessis, puer nequissime, cave um-
 quam pedem intra limen meum ponas.
 Hæc dum ille mecum altercatur, senex
 ille ne pedem quidem decedebat, dili-

genter probris meis auscultans. Me ipsum vero ita mei pudebat, ut oculis humi defixis, & lingua quasi ad palatum alligata, statuæ magis quam homini similis viderer. Poteram quidem & ipsi multa non minus turpia quam vera exhibere; sed æquius ac decentius mihi esse putabam, hero parcere, qui licet ipse domini penum corribus quotidie domum suam congereret, tantillo nihilominus delicto tantam pœnam statuit. Ad eò satius est, audere aliquid brevibus Gyaris carcere & dignum, quam parvis ac nihili in rebus malitiam connumerare.

CAPUT XII.

Gusmanus ad priorem statum redit, & mira arte magnam vim pecuniæ sibi acquirit.

Scientia laus. **A** Junt vulgo, *Melius esse sapere quam habere.* Fit quidem ut fortuna parum propitiam se ostendat: at scientia hominem numquam deserit. Facultates indies consumuntur; sed crescit scientia, & pluris est pauperis scientia, quam omnes opulentorum divitiæ. Veteres quidem Fortunam, in cujus potestate terrenæ opes sitæ putantur, variis

variis
omn
tatur
mus
illu
mal
ejus
xim
& u
perfor
trum
proxi
tis su
sunt
dign
in fo
si sur
ictus
fidu
Hæc
opul
prec
næ p
atind
bitur
non
in a
ci no
Gusi
dibu
scien

variis modis pinxerunt, quibus tamen omnibus summa ejus instabilitas denotatur. Divitiæ perinde sunt, ut animus qui eis utitur. Si bonus hic, bonæ illæ; si malus, malæ. Idem de bona & mala Fortuna dicendum. Sed tanta est ejus, ut dixi, inconstantia, ut quum maxime splendet, frangatur plerumque: & unum eundemque hominem variis personis indutum in Mundi hoc theatrum producat, aut ut melius dicam, protrudat. Quam multi ex summis divitiis subito in extremam paupertatem sunt delapsi? quam multi è maximis dignitatibus velut fulmine deturbati, in foedissimum infamiæ cœnum demersi sunt! Contra omnes vero Fortunæ ictus nulla ex re tutius peti potest præsidium quam ex Virtute & Doctrina. Hæc in pauperibus argentum est, in opulentiis aurum, in Principibus infiniti precii gemma. Periculosissima Fortunæ præcipitia sapiens illæsus superat; at indoctus ac rudis etiam in plano labitur. Non est tantus in terra labor, non tanta in mari procella, non tanta in aëre tempestas, quæ scientia vinci non possit. Sed quorsum hæc, inquis, Gufinane? Quid tu tam mirificis laudibus scientiam effeis? Sed audi, cur scientiam ego non laudem, qui eam to-

*Gesta-
m scien-
tiam qua-*

tam sportula conclusam tergo gesta-
bam? neque enim ullam aliam rem ego
sciebam, nullam aliam artem noveram,
quam velat clitellarium jumentum ter-
gum meum oneribus ac sarcinis seren-
dis submittere, nisi addere velis, lude-
re, furari, & quæ aliæ sunt circumfora-
neorum artes. Hæc una scientia non
minus quam Demostheni eloquentia,
aut Ulyssi prudentia passum uberem ac
cetera ad vitam necessaria mihi parie-
bat. Ingenio eram non malo, nobilibus
natus parentibus. illud nec celare nec
perdere poteram, sed nulla in re magis
elucebat quam patienter ferendis inju-
riis, quibus animi sortes maxime ten-
tantur ac probantur. Egon' unquam pu-
tâssem talem mercedem pro tam fideli
opera mihi solutum iri? Ah, ob tantil-
lam rem quemquam cum tanto probro
ejici ac profligari! Quid faciam, cogita-
bam: quò ibo, quid me fiet? Me qui-
dem intentis digitis non ut alterum De-
mosthenem, sed ut nuper in futo de-
prehensum, omnes commonstrabant,
nemo autem in familiam recipere cupi-
ebat. Quam male putas, actum mecum
fuisse, si hac quoque Picarica scientia
fuissem destitutus? Tanti scilicet est
qualemcumque artem d'edicisse. Jam si-
ne honore, sine numis, sine certo domi-
cilio

cilio oberrabam, lacer, seminudus: omnibus tamen amissis, scientia mihi restabat integra, non illa quidem Philosophica, sed circumforanea, qua unicuique operam meam expetenti inserviebam, frugaliter interim cibum ventri meo dispensans. qua sobrietate id effeci, ut semper corpus sanum ac robustum, & loculos non inanes haberem. Ebrietatem sedulo fugiebam, turpitudine ejus quam in sodalibus meis nonnunquam videbam, deterritus. A lusu quoque abstinere decreveram: sed nescio quomodo ceu torrente aliquo semper abripiebar. Sæpe ego mecum cogitavi, quâ fiat, ut quum semper probi esse

*Cur præcones
vitiis
cunctis
conven-
dant.*

desideremus, nunquam tamen probi simus, & quod omnibus fere hominibus nobis proponimus, ne semel quidem exsequamur. Sic tandem deprehendi, ita alubescere præsentia, ut tam futurorum quam præteritorum obliviscamur. Id quidem non tum modo, sed postea quoque in meipso expertus sum. Vitium hoc in me agnoscebam, nec ei tamen medebam. Victui interim quærendo diligenter insudabam; quoad ingenium & occasio permittebat. Accidit interea, ut miles in Italiam transportandus conscriberetur. quod quando sit, præconis

*Milita-
ris disci-
plina.*

voce proclamatur, aut publico edito militiæ nomen daturis significatur. O quanta tum me invaserat cupiditas tam Italiam quam cognatos meos visendi! Sed & illud mirifice me ad militiam accendebat, quod non nescirem, etiam vilis conditionis homines & leonum pueros, ubi ad externos venerint, militari professione ac habitu statim nobilitari; tum, quod caput est, rusticanos, apud quos hospitia habent, homines pro lubitu servilem in modum tractare, victum aliaque omnia non exposcere modò sed & extorquere, adeoque parvulorum tyrannorum modo moreque agere. Unum me deterrebat, quod pannosum me ac lacerum viderem. Dies ergo noctesque eam in cogitationem incumbbam quomodo defectum hunc supplere possem. Sciebam Italarum proverbium: *Si volete essere Papa, stampate lo en la testa. Si Papa esse velis, cogitatione seu imaginatione tibi eum finge.*

Dum animus meus totus hac cogitatione occupatur, ecce in statione mea sedens, vocem audio seu euangelion potius cujusdam Gusmanulum inclamantis: Adestum Gusmanule, cum tua sporta. Exsilio promptus, & circumspiciens, Aromatarium video ante fores

Phar-

Pharmacopœi stantem. Ad quem ut accessi, ille duos culeolos auri & argenti plenos, sportulæ tergo meo appensæ imponit, & ut sequar jubet. Ita præeuntem per plateas aliquot sequar: tandem vero quum in angiportum venissemus, explorata diligenter locorum regione subito aliam insisto viam, & sine ulla magica arte invisibilem me facio, quâ maximè commodum mihi videbatur, ad portam urbis properans; qua egressus, non regiam insisto viam, sed invia quæque consecrans, eo die duo ementior milliaria, & per inculta vagans, tandem in vepreta quædam deferor, in quibus triduum fere, paucio pane, quem sportula mecum attuleram, & aqua è proximis lacunis hæsta interim victitans, delitui, usquedum scilicet lictorum, quos in me tanquam fugitivum leporem immissos non frustra imaginabar, impetus deferbuisset. Vbi jam tempestatem præteruisse mihi persuasi, tamquam nitedula è latebris prurere, ignotum argenti pondus & auri centunculo involvo, sportaque relicta, & quantum poteram mutatis vestimentis, in viam regredior. Quum Toletio uno fere milliari abessem; illaque cura me discruciarer, quomodo furtum illud meum quam maxime occultum habere

possem; ad quod nihil commodius mihi erat, quam bonus ac decens vestitus: ecce in via puerum video (sublustris enim nox erat) tam statura quam ætate mihi cœqualem, sub arbore quiescentem. Sarcinæ pondere quæ juxta jacebat, gravatum animadvertens, & ipse onere parvo quidem, sed gravi pressus, sub arbore me sterno, & habito ultro citroque sermone, intelligo, meæ farinæ esse hominem, Toletani civis filium, & convasatis quas poterat rebus, à parentibus aufugisse, noctu quidem viam regiam incedere, interdiu vero per deviam errare. Quæro quid in sarcinulis habeat. Profert ille vestimentum non inelegans. Licitur: conventum præcium solvo, non sine illius admixtione, quod tantum argenti (quævis sedulo totam massam, quo opus erat digitulis duobus tantum decerpens, occultarem,) vili centunculo inclusum videret. Et ille quidem conditis in peram numis, jam oneris parte levatus, viam suam prosequutus est; ego jam albescente cœlo, & ipse viam Toletum versus insisto, & urbem ingressus, hospitium quam maxime rationibus meis commodum quæro.

CAPUT XIII.

*Gusmanus Toleti amoribus dans
operam, turpiter circumdu-
citur: Vbi notantur fraudes
meretriciæ, & simplicitas ju-
venilis.*

TAM scitum quam tritum est di-
verbium, *Simiam esse simiam, etiamsi Vestiens*
aurea gestet insignia. Quod quidem tam *ingeniis*
verum est quam quod verissimum. Po- *& mores*
test quis purpura & auro se involvere, *non mu-*
sed non virtute; sericis vestibus cor- *lat.*
poris, at non morum turpitudinem
tegere ac velare. Me vide. Paulo ante
lacer eram, pannosus, squallidus, con-
temptus: at Toletum ut veni, repente
quasi alius factus, magno in honore
eram, quum tamen multo essem quam
antè deterior. Statim namque vestes il-
las quas ab adolescente quem dixi, eme-
ram, ita reconcinnari curavi, ut ne iis
agnitis, periculum mihi crearetur: tum
alia ornamenta adjeci. quin etiam pue-
rum seu famulum mihi condaxi, ut
Magnatis alicujus filius omnibus vide-
rer. Sic circumspectans me ac rotans *juvenilis*
quasi pavo, plateas omnes perambula- *superbia.*
bam; tamque mihi in novo illo ve-
stitu

flitu placebam, ut noctu eum deponere mihi quodammodo grave esset. Dominica quadam dum, audito sacro, in templo magnifice me inferens, obambulo, in proximo sacello feminas quasdam video, mores meos, statum, incessum, quasi ardelionis, notantes; quas ego statim amore mei captas augurabar. Et earum una quidem defixis oculis me intuebatur, sed animus me ad aliam ferebat: quam templo egressam, pone ad domicilium usq; sequutus sum: illa nonnunquam in via respiciens, innuere mihi, tandemq; ædes ingrediens, arridere etiam ac pro comitatu gratias agere visa. O quantum vulnus nutus ille ac Veneræ risus, tamquam fulmen aliquod, animo meo infixit! Quam cæcus ignis in juvenili meo pectore exarsit! Stultus ego quoque eam insanire amore mei putabam: quum tamen, si mens non læva fuisset, fere palam irrisum me facile potuerim agnoscere. Digressus inde, puellam video à tergo sequentem, mihiq; innuentem. Consisto, atque etiam obviam eo. Tum illa longum sermonem exorsa, ait, Nobilis feminæ ancillam se esse, quæ miro desiderio teneretur sciendi, quis & cuius essem: quod si ad illam venire non graverer, gratissimam rem me ipsi facturum. Quis

*Basilici
aspectus.*

*Artes
meretrici-
æ.*

me tum lætior? Adonis mihi videbar; immò Magni illius Alexandri fortunam præ mea contemnebam. Viden' quid pecunia faciat & paullo ornatior vestitus. Antea vix cujusquam viri, nedum feminæ aut puellæ vultum contemplari audebam: nunc bene numatus, quamvis illegitimo plane modo, ac superbè vestitus, ultro omnium feminarum amores sectabar, immò, tamquam alter Pyrgopolinices, ultro ambiri me mihi ipse persuadebam. Sed in orbitam redeo. Dum ancilla multa alia ad amorem heræ suæ spectantia in via mecum loquitur, jam ad hospitium meum deveneramus: quod diligenter illa notavit, atque ita humaniter à me dimissa, discessit. Tanto autem minus ego ad hunc amorem propendebam, quod quæ aut qualis illa femina esset nesciebam: illam quæ nictu suo ac risu me vulnerârat, unice cogitabam, atque etiam somniabam. Quoties ego ædes illas unde fulmen illud in me ceciderat, præterii: quoties fenestras ita aspectavi, ut in sublime volantibus meis curis ac cogitationibus, nescirem an humi ambularem! Sic est, oblata fastidimus, clausa & vetita cupimus. Tandem dum misere ardens circa ædes illas oberro, feminam illam, mali mei materiam, & se-

*Cupimus
clausa.*

fenestra video prospectantem. Accedo. illa summissa voce ad cenam me vocat. Mitto puerum ad forum. præpinguem gallinam, binas perdices ac turdos, cuniculum, & præstantissimi vini lagenam emere jubeo, istaque omnia in cenam apparanda mitto. Ad condictam horam intromissus comiterque exceptus: in cubiculum non ineleganter apparatus deducor: ibique variis sermonibus habitis, quos illa data opera in longum extraxerat, quum jam cenæ tempus esset, rogo ut mensa appareatur. Causam vero properandi mihi dederat sermo illius, quo inter alia jecerat, fratrem sibi esse, hominem illaudatis moribus: qui ebrius nonnunquam domum veniens, mala incæptaret facinora. Hæc dum illa loquitur, strepitum audimus januam pulsantis ac pænè effringentis. Tum illa misere circumcursare, ringi, ac perditam se clamare, quam amasio reperto, ille jamjam morti tradiditurus esset. Attonitus ego, vix sanguinis guttam habebam. rogo tandem, quid me facere vellet, illa, monstrata ingenti hydria vacua (quæ viri capaces in Hispania efformantur) in illam correpere me jubet. Obeo jussa. illa tota tremens (ô muliebrem astutiam!) f.atri fores aperit, qui domum & culinam ingress-

*Hem sic
datur.*

gressus, nidore perdicum ac turdorum
 in veru stridentium percepto, Quæ,
 inquit, hæc res est? quis hic nuptialis est
 apparatus? Quid tu moliris, mea so-
 ror? An sic honorem parentum ac fa-
 milia nostræ tueris? quæ, posthabita
 generis tui nobilitate, ignobili forte ali-
 cui posituere te cogitas, qui tamquam
 Veneris pro ludium hæc ad te miserit.
 Hæc quum ille stentorea voce decla-
 masset; illa nescio quid submurmurans,
 diligenter, ut mihi quidem animadver-
 tere videbar, sese excusat. Quid mul-
 ta? strepitus mox omnis deferbuit. & il-
 la, & frater cubiculum ingressi, procul
 dubio cenam meis sumtibus paratam
 absumserunt. Cetera quæ fecerint, ne-
 scio: hoc scio, me etiam in hydria illa
 totum sudasse, atque interea dum il-
 lic tamquam balenæ ventri inclusus de-
 fideo, sæpe sæpius, amoto operculo,
 tamquam cochleam è testa caput protu-
 lisse, dum quotiescunque illam altius
 tinnientem, sputantem, tussientem au-
 dixem, mihi nescio quod symbolum
 aut signum mox adventuræ dari stul-
 tissime persuadeo. Tandem quum
 altum ubique esset silentium, è latibu-
 lo prorepto, & exitum quæro: quo
 non reperto, iterum me condo, donec
 cœlum albesceret. sic ipsa luce viam
 mihi

*Alterius
 sumtibus
 parata
 alter ab-
 sumit.*

mihi monstrante, invisis exeo ædibus, & in hospitium regressus, ventre famelico, quum alii jam surgerent, cubitum eo, è somno ægritudine meæ quærens solatium. Sed profecto somnium magis illud erat, quam somnus: ut in quo iam me, iam feminam, iam fortunam incusans, vix ullam animo quietem indulserim.

*Alter
aries
Gustina-
no ad-
motus.*

Jam dies erat: & ecce strepitus januam pulsantis: qua aperta, ancillam video ejus feminæ, quæ, ut ante dixi, ultro me accersierat. At illa, Heram suam adesse, & mecum loqui upere. quod si ad illam venire dedignatus essem, sperare non gravate me laturum, quod illa ad me venire non erubesceret. Id enim formæ meæ, forte etiam nobilitati deberi. Amoto puero, ingreditur utraque. ego paullisper caput è pulvino tollens, imposita ut iussus fuerat à puero ad caput lecti sella, matronam ut consideret oro. Quum nostri fuerint sermones, vix etiam ipse recorder, nisi hoc, me ad omnia quæ interrogabat, ne unum quidem verbum quod verum esset respondisse. Tandem illa è theca preciosa nonnulla profert cimelia, annulos, gemmas, inaures, monilia, armillas: & unum quodcunque vellem eligendi facit potestatem. Recuso ego, & gratiis actis, sat mihi & ejus-

ejusmodi rerum & aliarum opum esse, ajo. Graviter hoc illa, ut videbatur ferens, dum exposita in thecam recondit, quasi subito obstupescita, unum è charissimis deesse sibi scelestam mentitur, etiam in planctum fere erumpens. Jubeo ego bono esse animo, & si quid perdidisset, precio aut alio simili dono me compensaturum recipio. illa quasi aut verbis meis fidem non habens, aut moerore irritata, è cubiculo prorumpit: ait, domi se quæsituram quod desideraret, (forte enim ibi relictum) quod si invenerit, renunciari mihi curaturam, ut quieto sim animo: sin minus, non cupere tamen ut ego vel obulum exponam. neque enim quidquam mihi adhuc à se contigisse, quod ulla benevolentia, necdum munificentia dignum sit.

Dolens igitur eam sic male contentam à me demitto, ut cujus forma mirum in pectore meo incendium excitarat, qua si potirer, rex mihi videbar. Non multo post redit ancilla. nunciat, ab hera omnes ædium angulos excusos, amissum tamen nullibi repertum. Inde plane existimare, in meo periisse cubiculo. Pari ergo studio, ego, puer meus, ancilla, accensis cereis, id quod numquam amissum erat quærimus: sed quum frustra fuissetus, ancillam do-

*O ne-
quam,*

num remitto, cum mandatis, ut heram bono esse juberet animo, damnum hoc propediem refartum iri. sed versutissima ancilla mihi dicere, vix se in heræ conspectum redire audere: rogare, ut si quid gratum velim heræ facere, sine longiori mora facerem. tanto acceptius fore subitaneum munus. Quid facerem? Pudebat me ubi pudore opus non erat: at ubi pudere oportebat, deserebat me pudor. Adeo cum ancilla aurisabrium, eique annulum viginti scutatis centum ad heram perferendum trado. Quod illa sedulo facturam se, effecturamque ut hera ipsa præsens præsenti gratias ageret, recepit: sed neque illam, neque heram postea videre mihi contigit.

*Inveni-
lis im-
prudens,
etc.*

Miraris forte, exemplo hoc cautio-rem me non factum. Equidem & ipse miror: sed nescio quomodo cum Medea dicere potëram,

Video meliora proboque

Deteriora sequor.

Sumto prandio, inter varias cogitationes deambalatum prodeo. Hic dum tabernam quamdam prætereo, alteram illam feminam video, à qua delusum me supra dixi. Quæ ut me vidit, nictans oculis me ut sequar invitât. Hic ego exsultans gaudio, magna cum ala-

cri-

critate sequor præeuntem : quum au-
 tem in tabernam media fere platea in-
 gressam viderem, ingredior & ipse. Jam
 illa pretiosi panni aliquot proferri ius-
 serat volumina : è quibus quum unum
 elegisset, tandem eo flectit sermonem
 ut diceret, nummos quidem sibi in prom-
 tu non esse, rogare ut certum tempus
 solutioni destinet. ille, Non notam
 sibi esse dicens, civiliter se excusat, &
 allegata pecuniaria inopia, præsentan-
 teis sibi opus esse numis, contendit.
 Tum illa mecum tacitè colloquens, an-
 te omnia, quod nocte illa tam misere
 frustra fuisset, blandissimis verbis se-
 se excusat. Quibus ego fidem habens,
 ut pudori ejus succurrerem, mercato-
 rem alloquor, &, O te simplicem, in-
 quam, qui nationam hanc tam nobi-
 lem, tam divitem, cujus ego quæstor
 sum, beneficium hoc tibi velle debere
 existimas. Satis superque argenti & auri
 ni eis quos ego habeo, est loculis. simul
 cum dicto, quor plena manu capere po-
 teram scutatos depromo, & mercatori
 panni precium numero. Prudenter ego
 feminam agere arbitrabar (& vero ejus-
 modi stratagemata tali generi usitata
 sunt) in antecessum quasi amoris pi-
 gnus à me accipiendo, ne forte, ut fieri
 nonnunquam solet, à me amoris saui-
 ro po-

ro postea ludibrio haberetur : nec dubitabam, quin hoc tam ultroneo ac forte insperato ipsi beneficio mihi quam maxime fecissem obnoxiam. & profecto etiam numos illos, quos, ut audisti, duabus his impendi feminis, multo melius ac pulcrius collocatos arbitrabar, quam si Indicæ negociationi, quæ maxime lucrosa esse solet, concedidissem. Illa gratiis mihi quam amicissime actis, jubet ut ad horam octavam vespertinam præsto sim, uberrimum beneficii mei fructum capturus. Nulla dies mihi longior visa; qua præterita, vadimonium oboeo, tesseram acceptam edo, screo, tussio: tandem etiam fores pulso; sed idem erat, ac si Alcantara pontem saxo percussissem. Quum cogito, non ædes illæ erant, sed sepulcrum. adeo ne gry quidem audiebatur. Pertinax tamen ad mediam noctem usque persisto, inter spem ac metum hærens: quum ecce lictores video ac turbam multam cum fustibus & laterinis. Secedo in angulum, quid rerum illi gesturi essent inde prospecturus. Pulsant fores. quum non aperirentur, effringunt. irrumpunt in ædes, omnes angulos per-vestigant. accedo propius, & animadvertens non invenire eos quod quærebant, non semel impetum cepi exclaman-

mandi, ut hydriam (in qua ego latueram) inspicerent: atque inde quam cellerrime aufugendi. Sed tandem exitum opperiri constituens, dum paullo diutius exspecto, scribam quemdam, quem illa fratrem suum mentita fuerat, unâ cum muliere seminudos, ita ut reperti fuerant, in carcerem abduci video. Ego nescio maiorem molestiam an lætitiâ ex hac re ceperim. Indignabar me tam indignis modis habitum ac sperata voluptate fraudatum; gaudēbam e contra me ædibus illis exclusum, captivitatis periculum vitasse.

Jam spes mea omnis in alterius illius, quam itidem, ut mihi persuadebam, liberalitate mea demerueram, amore erat posita: sed quum nescirem ubi *Sera* illa habitaret, neque illa mihi quid- *pœnitentia.* quam renunciaret, pœnitentia animum meum subire cœpit, cogitantis, ô quanto melius pecuniam tuam collocasses, si ea quinquaginta oves tibi emisisses! Quum sic desperabundus media nocte in hospitium rediissem, à puero meo intelligo eadem nocte à lectore in hospitio nostro nescio quem quæsitum. Suspiciens ego ne aromatarius me persequutus esset, iterum me proripio, & puerum opperiri me usque in crastinum mane jubeo. Sic hinc inde obambulans

bulans totam illam noctem inter varias curas & sollicitudines transegi. Ut vero diluxit, domum redii, eo consilio ut & vestitum & domicilium mutarem. postquam vero intellexi non me sed alium à hēctore illo quasitum, in forum iui, ac duos mulos mercatus, propere Toleto me proripui, ubi tam turpiter auro emunctus, nec ipsas quidem ædes sine indignatione poteram aspicere.

Eo die Orgazzum, atque altero Maluginem profectus sum, somno tam plenus, ut ex præteritarum aliquot noctium, dum stultissimus amores frustra sector, veternum aut lethargum contraxisse mihi viderer. Malugine quum essem, è somno quasi excitavit me formosæ admodum in hospitium puellæ aspectus, quæ ita famulabatur, ut nec ancilla, nec filia mihi videretur. Hæc quum sarcinulas meas in cubiculum deportasset, comiter à me salutata, non minus comiter respondit. Commoda hæc mihi visa ad quam admoverem arietem. Quid multa! Conventum tandem inter nos, ut quamprimum heus & hera cubitum vissent, ad me illa veniret. Ego ut tanto magis ipsam demererer, inter & post cenam ex omnibus qui appositæ erant cibis aliquid ei dedi; tum melioris vini haustu non semel eam invitavi.

nec

*Gustamus
nec mu-
liebri
astu rur-
sus deri-
pitur.*

nec illa humanitatem meam aspernari visa : tantum quotiescumque arripere eam & ad me trahere conabar, refugiebat. Dum ita cum leviter renitente luctor, sella in qua sedebam fracta, humi provolvor : parumque abfuit, ut caput gravissime laeserim, atque etiam meoipsum pugione, qui vagina mihi exciderat, induerim. Dissimulato, quantum facere poteram, dolore, rogo an conditum obire velit vadimonium. Annuit illa, ita tamen ut quod uno verbo dixerat, altero negaret. Ego quum summo mane iter prosequi destinâstem, jussi ut puer crastinum pabulum pro jumentis à promocondo peteret, tum hoc & sarcinulas in meum cubiculum comportaret, ut ne quid nobis in mora esset. Cena perfunctus, cubitum eo ; & quamvis somno marcens, frequenter tamen, puellam adesse suspicans, evigilo. Tandem quum jam in utramque dormirem aurem, hospitis asina per ædes obambulans, ad cubiculum meum pervenit, & hordeum odorata, caput per fores, quas de industria apertas reliqueram, ut puella pateret aditus, immittit, pabulo meis jumentis preparato insidias struens. Dum sic stolta bestia introitum molitur, ipsas fores percutit ;

II

quo

quo strepitu ego excitatus, puellam
 jamjam amplexurus, erigo me, & sub-
 missa voce eam ad me voco. Voce mea
 exterrita asina consistit, & immisso in
 hordeum ore, tubercinari incipit. Ego
 puellam in tenebris errare credens, sur-
 go, & , Eja, inquam, mea vita, mea
 animula, adesdum: candidissimas illas
 tuas manus mihi porrige, ut ad lectum
 te deducam. simul dum dextram exten-
 do, genu in caput asini impingo: quod
 ille magno impetu elevans, pænè den-
 tes omnes mihi excussit: sanguis certè
 ubertim ex ore mihi profluxit. Irâ ego
 insaniens, vix obstinere pateram quin
 pugione nequissimam bestiam interfe-
 cerim. Sanguinolentus, amore in ma-
 lam rem facessere iussu, ad lectum re-
 deo, & somno me reddo.

CAPUT XIV.

*Gusmanus Almagrum profectus,
 militiæ nomen dat.*

Q Uum sequenti die in multam us-
 que lucem dormivissem, dum puer
 jumentis pabulum præbet, ecce puella
 cubiculum intrat: statimque subridens
 ultro se excusat quod nocte illa ad me
 non venisset, ab hero cubiculo inclu-
 sam

sam se dicens. Ego, Quid te impedi- *Infelix*
 verit, soror Lucia (id ei nomen erat) *luido.*
 nescio : hoc scio ob amorem tui pericu-
 lo primum , nunc etiam dolore non le-
 vi me perfunctum. Sed valeat Amor.
 Tu jentaculum nobis para. abit illa ,
 tristitiam vultu fingens ; sed proculdu-
 bio interim simplicitatem meam tacita
 secum irridens. Surgo , ac sumto jen-
 taculo, mulam adduci jubeo : quæ dum
 conscensurus à tergo circummeo , calci-
 bus ita me percussit ut aliquamdiu ex-
 surgere non potuerim. Tandem suble-
 vatus , jamjam abiens , Ergo, inquam ,
 in hoc hospitio nihil feminini est gene-
 ris , quod non nequam sit vel insaniat ,
 etiam ipsa mula ? In via puero narro
 quomodo puella me ludificata sit : qui ,
 etsi ætate aliquanto me minor , simpli-
 citatem meam pleno ore ridebat. Dum
 ita provehimur , hominem videmus
 præeuntem , quem è vestitu domino
 alicui famulatum conjiciebam. Post ver-
 ba aliquot ultro citroq; habita, & ipsum
 in ministerium recipio , ac nobisum
 progredi jubeo. Interim puer dum ca-
 lente jam sole , sitiens , lagenam , quam *Mala-*
 ephippio appensam circumferre nobis *gentis*
 cum solebamus , quærit : ea vero non *egium.*
 comperta , Credo , inquit , ille alter ,
 ab hospite aut puella vobis surreptam ,

ut opidi hujus memoriam vobis quoque celebrem redderet. Ego quæ, inquam, illa est celebritas? Memini quidem nescio quod diæterium audisse: sed quia tu, mi Andrea (hoc mihi nomen suum dixerat) sine dubio & illud & ejus originem nôsti, quæso, ut nobis quoque explicare non graveris. Ille, quamvis, inquit, eodem morbo quo puer laborem, & verba per arentes fauces vix viam inventura sint, lubenter tamen, omis- sis fabulis, rem ip- am ex fide digna aliorum relatione narrabo. Diæterium vero tale est: *In Malagone, in ogni casa un ladrone: & in quella dell Alcalde, il figlio e' lpadre.*

*Origo
proverbiis
Malagitanis.*

Anno millesimo ducentesimo trigésimo sexto, Ferdinando S. in Castilia & Legionem rerum portiente, secundo post Alphonsi regis mortem anno, dum sanctus ille Rex, Hispalensi occupata urbe, Beneventi die quodam pranderet, nuncium affertur Cordubam quoque, nec non arces circa Bugum, quas Assarquias vocant, à Christianis in potestatem redactas: sed affluente indies Maurorum multitudine, præsentaneis opus esse auxiliis. Eodem nuncio ad Alvarum Perezium de Castro, qui Martis erat, & ad Ordeonium Alvaresium, præcipuæ familiæ equitem Castulonensem, itemque ad alios magnates perlato,

dici

dici non potest quanto studio omnes rem Christianam adjuvandi exarserint. quamvis ergo anni tempus (utpote media hyems) expeditioni valde adversaretur, Rex tamen ad iter se procinxit; & cum centum tantum equitibus profectus, subditis quamprimum sequerentur mandavit. Rege profecto, continuis fere pluviis impedito undique itinere, è diversis regionibus magna Maluginem confluit militum manus: ita ut per singula hospitia singuli milites distribuerentur: oppidi verò Præfectus seu Prætor, quem *Alcalde* vocant, ipsum tribunum unà cum filio, quem ut signiferum secum duxerat, excepit. Absumta fere omni alimonia, miles undecumque poterat, victum corradit; tam foris, quam intus, & hospitia expilans, & viatorum loculos excutrens. Fortè tum civis quidam Maluginensis Toletum proficiscens, in via rogatus, quomodo res se Malugine haberent, illud quod supra positum est dictionum respondit:

Signori, quel ch'è di nuovo in Malagone

E' che in ogni casa s'irava un ladrone:

E' in quella dell' Alcalde,

Vi son il figliuolo e' l padre.

Videtis, inquit, quanta optimis civibus fiat injuria. neque enim istud de ci-

vibus, sed de hospitibus, militibus scilicet dictum est. Hæc ille. Jam vos ego, quotquot ejusmodi habetis hospites, testes advoco, quod de Maluginensibus dictum est, an de vestris quoque dictum putetis?

Hæc illo disserente Almagrum pervenimus. quod oppidum ingrediens, è fenestra recens vexillum video dependens. Hinc certus conscribi milites, in hospitium quam lautissimum divortor. Percunctanti hospiti quis & cuias essem, Joanni Gusmano de Toral mihi nomen fingo: eaque nocte cena largiter sumta: vires tot noctium vigiliis & vanissimis curis afflictatas, quietiore somno restauro, non jam Venrem sed Martem somnians. Mane militum accedo tribunum, qui tam ex vestitu & comitatu quam hospitis relatione, magnatis aliquis me filium existimans, humanissime me excepit, & ut secum esse vellem oravit. Accipio conditionem: & ut opinionem de me conceptam tuerer, sumtus quam largissime facio, non aliter ac si alterum Aromatarium & sportulam argento plenam in promptu mihi viderem. Ipse etiam centurio, homo non tam numatus quam foris mea liberalitate gaudebat: quam pari comitate ac liberalitate quoque provocabat. Celer-

leriter absunta omni fere quæ mihi è
 superioribus naufragiis reliqua erat pec-
 cunia, ecce Commissarium recensendo
 militi à rege destinatum: qui juventu-
 tem meam (imberbis enim adhuc eram)
 caussatus, nomen meum inter conscrip-
 ptos recipere recusavit. Hic ego dici non
 potest quanta ira exarserim. Vide quan-
 tum inter nudum ac bene vestitum &
 numatum interfit. Non ita pridem et-
 jam à vilissimis hominibus pugnis de-
 pexus, cubitis expositus, hiscere non
 audebam: nunc tantam injuriam, vel
 potius injuriæ suspicionem adeo ferre
 non poteram, ut eam ne Regi quidem
 condonare voluissem. Indignatione er-
 go & ira plenus. Fateor inquam, do-
 mine Commissarie, ætatis mihi non valde
 multum: animi satis superque esse scio.
 Barbam non habeo, at manum qua
 aliis evellam. Ætatis defectum animi
 magnitudo supplebit. Ille regis manda-
 tum prætexens, civiliter se excusabat.
 Sed Centurio inprimis, injuriam hanc
 non mihi sed ipsi factam ajens, multis
 verbis deprecatus est, ut omni deposita
 indignatione, contubernium (ira enim
 loquebatur) non recusarem: de suo sti-
 pendium, & multa alia quæ præstare
 nec vellet nec posset, mihi pollicitus.
 neque enim adhuc sciebat loculos mihi

*Barba
 non fi-
 cit vñ.*

*Cum
fortuna
fluctibus
cunctisque
fides.*

plane evisceratos. & sane paupertatem meam diligentissimè ego celabam, & pristinam affectabam liberalitatem, parcius tamen multoque cautius quam antea. Dum navium quæ militibus in Italiam transportandis destinatae erant adventum præstolamur, sumtibus non sufficiens, puerum & ministrum dimitto. Tum intellexi, non minus seram quam miseram esse in fundo parsimoniam. Ah (cogitabam) quis malus te genius in Amorem perpulit? cui vestitum & pompam immoderatam, cui tot alios sumtus tam imprudenter, immò turpiter factos imputabis? Quid jam mihi prodest ipsi Centurioni sic meas opes ostentasse? Jam sentiebam minus me gratum & Centurioni & reliquis omnibus. Momento omnis illa, quam liberalitate, vel potius prodigalitate mea mihi comparaveram, gratia disparuerat & disperierat. Jam in me verissime dici illud poterat:

Dives eram dudum, fecerunt me tria nudum,

Alex, Vina, Venus: tribus his sum factus egenus.

Sed illud longe gravissimum mihi accidit, quod unà cum numis amicos mihi omnes periisse intelligerem. Jam & Centurio & reliqui amicitiam meam asper-

aspe
nem
appe
lites
gna
qui
diu
inju
gram
servi
servat

Guy

A
aggrè
reli
dicit
meur
postul
decre
minib
nam
rer, r
cider
mi rel

aspernabantur : & quem Don Johanne de Gusman antè, jam Gusmanulum appellabant: quinetiam ipsi gregarii milites, quos vix aspectu paullo ante dignabar, contentui me habebant. Mihi quidem nullum aliud restabat remedium, quam ut dissimulatis omnibus injuriis mussarem, Centurionis interim gratiam, quantum fieri poterat, omni servitiorum genere factam tectam conservarem.

CAPUT. XV.

Gusmanus absumpta furtiva pecunia, Centurioni lavernionis præstat operam.

AH, quam molesta fortunæ hæc mutatio animo meo accedit ! quam ægrè ab animo impetrare poteram, ut relictis præteritis, præsentia non fastidiret ! quo tandem collecto, illud mecum cogitans, aliam fortunam alios postulare mores, patienter omnia ferre decrevi. Sed in primis illud operam in omnibus factis ac dictis dabam, ut pristinam de mea nobilitate opinionem tuerer, nec quidquam ea indignū mihi exidere paterer. Et sanè ut magni est animi rebus secundis non effertis ; ita non

H 5 mino-

minoris, adversis non succumbere, & in utraq; fortuna eundem esse. Centurioni meo ita ego inserviebam, ut licet superioris meae fortunæ oblitus non viderer, nihil tamen arrogans aut insolens spirarem. Quid enim paupere superbo magis & ridiculum & odiosum? In hoc Mundi theatro cum fortuna personam mutare oportet. Illud memineris,

Quod sis esse velis, nihilque malis.

Nec quidquam te juvabit, mihi crede, si virtutum tuarum conscius, ab iis quos merito ipse contemnere possis, contemni te ægre feras. Hoc scito, tanti unumquemque his temporibus æstimari quantum in ære & possessionibus habeat. Hi Mundi mores sunt, fuerunt, & erunt.

Inter has curas ac miseras non parvo mihi solatio fuit ipsius mei Centurionis paupertas, quæ tanta erat, ut deficiente pecunia, uniones, gemmas, torquem aureum, & quæcunque alia perciosa oppignerare necesse haberet. Ego, cuius neminem miserebat, fortunam ejus serio commiserabar: nec tamen erat unde amplius eum sublevarem. Quod ergo unum poteram, operam quam largissime offero ad omnia quæcumque vellet. ille, quod à versatili meo ingenio auxilii aliquid speraret; quibus

eir-

circumventus erat necessitates ultro mihi confiretur : quibus ego ita medebat, ut nec mei obliviscerer. In primis lucrosa mihi erat hospitiorum demandata designatio, quæ ita à me fiebat, ut fere semper duodeni aut etiam viceni mihi superessent tituli, quorum immunitates præsentaneo argento patresfamilias à me redimere cogeantur. Sed & meum erat quidquid fere ad manum venerat. Quod enim clam non poteram, surripere palam, stratiotico sane, hodie nimis usitato more, vi. auferbam. Quid multa ? infiniti nobis erant modi acquirendi rerum domini, de quibus in universa Juris disciplina ne litteram quidem aut verbum reperias. Capitaneo meo (cur enim usitatis non utar vocabulis, etsi parum Latinis ?) numquam gallinæ, pulli, anseres, oves, & reliqua campi pecora ad victum decrant, me variis artibus procurante. Quod si forte à patrefamilias in furto essem deprehensus, aut rapinæ convictus ; Capitaneus ætatem meam excusans, præsentaneo qui querebatur, solea admodum subtili aliquot ictus vel palmis, vel natibus meis infligi jubebat, qui magnum sonitum, at parvum dolorem excitabant. Sed fere semper aderant ad eam rem allegati patroni aliqui, quo-

*Disce-
re
milita-
ris.*

rum intercessione & reatus & poena mihi condonabatur. Quid ego dicam de fraudibus in militum recensione adhibitis? quarum vobis aliquot narrarem, nisi eas hodie sic usitatas scirem, ut etiam ingeniosissimæ scire videantur, nec admirationi sit nisi qui aliquid quasi supra humani ingenii captum in hac arte excogitant. Ego ut ante pecuniæ, ita jam ingenio meo omnem quā à Capitano inceram gratiam, & quaecumque vitæ meæ facilitatem debebam. at Capitano meo nimis prodigo etiam omnia nimis parū erant. Barcinonem quum venissemus, ubi triremes in Italiam nos transportaturæ stabant, jam omnis ille commeatus nobis erat interclusus. Quis tum tristior meo Capitano? tanto magis, quod nemo esset ex regis Commissariis aut quæstoribus, qui etiā iussu Regis, vel teruncium vellet exponere, æarii causantes inopiam; quin etiam multa aureorum millia, quæ de suo quum proprium ante nihil habuissent (Regi mutuati essent, deberi sibi prætendentes. Animadverso Capitanei morbo remediū quæsiturus, inter pauca ejus cimelia unum videram, religiosis usibus consecratum, & auro grave, & multis gemmis distinctū. *Agnus Dei* vo. ant. quum jam eò res rediisset, ut quidquid habebat oppignerandū aut

*Nequi-
era asse-
tissima.*

ven-

vendendum esset, rogout illud fidei meæ
 paulisper concedat. quod ille, astum me
 tractare facile intelligens, & faustum
 successum comprecans. haud gravate fe-
 cit. Acceptum ego cimelium ad aurifa-
 brum usurarum nomine infamem defe-
 ro. & multa de meo genere, causis itine-
 ris, & in primis de præsentis mea inopia
 præfatus, aio tandem, cimelium mihi su-
 peresse unicum, magni valoris, quod etsi
 vendere nondum me egestas cogeret,
 consultius tamen ducere pecuniâ usibus
 meis ubique profuturâ commutare. De-
 liberaret ergo secum, an pro eo non o-
 mnino iniquum mihi solvere vellet pre-
 cium, sic ut neuter conquerendi haberet
 causam: gratum mihi tamen fore, si
 prius de mea persona apud commilito-
 nes, adeoque ipsum Capitaneum inquire-
 rer. quum sic ille comperisset quæ vellet,
 nempe nobili me genere, in magnis di-
 vitiis natum, honesto comitatu, copiosa
 pecunia nuper instructum: quâ per juve-
 nilem imprudentiam absumenta, ad eum
 quem videret statum redactus essem:
 hac relatione inescatus, ad me redit, pa-
 ratum se dicit, tum hoc tum quæcunque
 alia haberem cimelia à me emere: simul
 petit ut illud inspicendum sibi mon-
 stre. rogo ut in secretum mecum sece-
 dat: apertoque thorace, cui ita illud affixe-
 ram,

ram, ut ad pectus mihi penderet, ostendo. Diligenter ille contemplatus, jam hunc jam illum defectum causans, quinquaginta offert ducatos: ego non minoris centum & quinquaginta venditurum me constanter ajo. Post multam licitationem de centum & viginti ducatis inter nos conventum est: quos ille domi se mihi numeraturum aiebat, & ut unà irem rogabat. Ego, mi domine, inquam, hoc potius loco expectabo te cum moneta, ne forte quis meorum commilitonum, aedes tuas ingredientem, aut me tecum colloquentem videns me vendisse aliquid suspicetur, atque inde pecuniæ meæ insidias struat. Dum ille proper è domum abit, unum è commilitonibus suborno, qui è propinquo loco quæ inter nos agerentur, observaret. Reversus aurifaber, in manum dextram mihi numos numerat: ego sinistra manu cimelium tenens, jam ei traditurus, quum nodum quo thoraci adstrictum erat, solvere non possem, cultellum quem ille è cingulo pendentem gerebat, peto: ille vero ultroneam mihi hanc præstans operam, nodum ita diffecat, ut funiculi reliquæ aliquæ superessent, & vestigia ubi illud appensum erat, conspicerentur. Abit ille lucro, ut putabat, lætus; ego verò à tergo

le-

seque
vior
com
illi
app
sit:
jula
quen
letha
cime
amife
mino
men
Hoe
fibi
quoc
dasse
bone
scire
precie
meun
ille ro
id ex
bonu
diu d
aviun
necer
rem,
adstri
que i
gia m

sequens, ubi duos è nostris milites ob-
 vios illi vidi, magna voce, ut furem
 comprehenderent, inclamo. Nôrant
 illi me; tantoque alacrius hominem
 apprehendunt: tum me rogant quid rei
 sit? an forte perdidierim aliquid? He-
 julans ego, O me infelicem! clamo,
 quem herus absque omni misericordia
 letho daturus est, ut qui preciosissimum
 cimelium fidei meæ ab ipso creditum
 amiserim. Accurrente jam magna ho-
 minum multitudine, rem gestam, vel
 mendacissime à me fictam sic narro:
 Hoc mane dominus meus charissimum
 sibi cimelium ad lecti caput reliquit.
 quod aliàs mihi accuratissime deman-
 dâisset, ego pectori meo appendi; &
 bono huic viro, quod aurifabrum esse
 scirem, contemplandum monstravi, de
 precio sciscitaturus, quod dominum
 meum lubenter scire velle intellexeram.
 ille rogat me num vendere vellem. Ego
 id ex ipso hero meo quærere jubeo. At
 bonus hic variis interrogationibus tam-
 diu detinuit, donec in locum quemdam
 avium deduxisset: ubi extracto cultello,
 necem mihi interminatus si vel hisce-
 rem, quod dixi cimelium, dissecto quo
 adstrictum erat nodo, mihi eripuit, at-
 que ita à me abiit. Quum simul vesti-
 gia monstrassem, milites hominem pæ-

ne exanimem increpant : & reperto ita uti à me descriptum erat cimelio , furti manifestum clamant. Jurare ille , perfidiam meam detestari dicere , eumtum à se præsentem pecunia quod furto abstulisse argueretur , quam proculdubio adhuc mecum haberem. Sed miser valde deceptus erat. Eam enim ego inter viam homini fido à me eum in finem appposito, tradideram. Excussis diligenter meis vestimentis , quum nihil esset repertum , milites hominem & verbis & factis male habent. Adit ille iudicem, & tam de nequitia mea quam vi sibi facta queritur. Ego licet conscientia (ah miserum me!) alter d'ctante, Judici rem ita narro , ut accedentibus militum testimoniis , ille furti condemnatus , mihi verò cimelium restitutum fuerit : quòd ego Capitano , unà cum usura sane luculenta, reddidi.

*Malus
sibi ipsi
magis
magis
quam
aliis.*

Placuit proditio, non proditor. Pote-
st malus male agendo bonam inire
gratiam ; at malitiæ opinionem & na-
scentem inde diffidentiam vitare non
potest. Capitaneus sane meus ex illo fa-
cinore sceleratam meam animadver-
tens nequitiam , ita caute mecum egit,
ut nihil magis metueret quam ne &
ipse à me deciperetur. quapropter cum
Barcinone Genuam appulsemus , nec ille

ille
rio
quo
dun
& i
tuti
pitu
com
impe
paup
inspic
que
sentu
dera
illo
etis
solab
junct
rum
taten

Gus
tu

A
piens
non e

ille meo opus amplius haberet ministerio, pro stipendio numeratis assibus aliquot, me dimittit. Discedo tristis admodum, utpote ab omnibus destitutus: & in via illud considerabam, ut Virtuti præmium & laudem, ita vitio turpitudinem & pœnam velut perpetuos comites esse adjunctos. In ipso discessu impetum ceperam Capitaneo suam paupertatem mea liberalitate, vel potius insipientia primum, deinde astutia quoque sustentatam exprobrandi: sed præsentis inopiæ mihi conscius, animo moderari satius duxi. Frustra enim cum illo contendas lingua & jurgiis qui factis coercere te possit. Unum illud me solabatur, quod paterna cognatione junctos inventurum me sperarem, quorum obviam & effusam in me liberalitatem frustra mihi imaginabar.

CAPUT XVI.

Gusmanus Genuæ ludibrio habitus, Romam proficiscitur.

ADulatorum culpâ fit, ut nemo divitum fatuus, nemo pauperum sapiens habeatur: quippe res quaslibet non ex ipsa veritate, sed aliorum lubidine

*Pauper-
zacti vis
et esse-
dus.*

dine æstimantium. Quamvis autem plerumque bonæ Mentis contubernalis sit Paupertas; nemo tamen omnium mortalium est, qui eam non aversetur. nec sine causa: ut quæ vulgo habeatur mater turpitudinis, communis infamia, fomes malitiæ, occasio sceierum, lepra anxia, pelagus in quo suffocatur patientia, consumuntur divitiæ, finiuntur vitæ, perduntur animæ.

Quid pauper sit vis dicam? Pauper est moneta nullius valoris, furni consilium, fæx populi, cœnum platearum, asinus opulentorum. Denarius quem pauper habet non valet semissem; scientia ipsius ignorantia est; sapientia, fatuitas; sermo, ludibrium, peculio- lum, omnium præda; vita denique omnis, odium & abominatio. In hominum cœtibus non auditur, sed præsens tamquam absens habetur; non salutatur in foro; non domi visitur: quin etiam obvium plerique omnes fugiunt, non dignantur congressu, non sermone. Si miranda dicat aut faciat, veneficum ajunt, & magiæ peritum; si virtutem in dictis & factis ostendat, alios decipiendi quærere occasionem. ab omnibus calcatur, à nemine sublevatur. etiam cogitationes ipsius, quorum tamen nemo alius est conscius, in crimen vocantur: deni-

denique ab omnibus quibus undique
 expositus est, injuriis nullum provoca-
 tionis ipsi jus est, nisi ad summi Judi-
 cis in altera vita tribunal. O miserum
 pauperem! qui quum nihil habeat, pro
 omnibus tamen satisfacere cogitur: cui
 etiam media æstate sole gratis frui vix
 licet. Et quemadmodum carnes puti-
 dæ carnibus vorandæ obijciuntur; ita
 pauper parasitorum ludibriis à divitibus
 exponitur. At quam diversa, bone
 Deus, opulentorum est conditio! Hi
 secundis ventis & tranquillo mari navi-
 gant. granaria frumentis, cellas vino,
 arcas numis plenas habent. æstate ab
 æstu, hyeme à frigore se defendunt.
 Dives fatuus pro simplice, fraudulentus
 pro astuto, prodigus pro liberali, ava-
 rus pro frugali, obstinatus pro con-
 stanti, audax pro forti, malus deni-
 que pro bono habetur. Observatur, co-
 litur, adeoque adoratur ab omnibus.
 ipse testis sibi est, ipse iudex. Facit
 denique solus quod vult. Sensi tum qui-
 dem ego quam verum sit, quod vulgo
 dici solet, Hominem sine pecunia esse
 corpus sine animâ. & illud Demosthe-
 nis: sine pecunia nihil eorum quæ oportet,
 fieri aut geri posse. Pecunia sanguis
 est hominis, quo destitutus, quasi mor-
 tuus inter vivos ambulat, & pro non

*Divitis
 insolentes, &c.*

nato habetur. Perversi hi mores sunt, fateor: sed quid tu, vel ego? an huic communi errori medebimur? an frustra meliora tempora & mores emendatior-es exspectabimus? Numquam profecto illud erit, nisi ad Calendas Græcas. Antiquum Mundus obtinet. Media primis, extrema utrisque respondent. Primus hominum parens infidelis Deo fuit, mater, mendax, primogenitus fratricida. Quid jam sit quod non ante factum, aut aliquando futurum sit? Quod præterita fere semper meliora nobis videntur, inde fit ut etiam malorum ac dolorum quibus olim perfuncti sumus recordatio nobis grata sit: quum præsentium acerrimus sit sensus. Sic viridantium ac variis vernantium floribus pratorum aspectus è longinquo oculis gratissimus est: at si propius accedas, nullibi reperias, ubi sedere velis aut possis. Et quid mirum est, homines tanto studio divitias consecrari? quibus deficientibus, frater fratrem, uxor maritum, filium pater, patrem filius deserit, immò homo à seipso desiscit. Ego certe si Genuam appulsus meipsum considerassem, numquam in id quod expertus sum incidissem ludibrium, sed meliori fortunæ me servâssem. At satis philosophatus sum.

Ge-

Gen
meo in
centun
molyce
tamen
& præ
tione
ludibri
quum
cepi?
genus
qui co
cissim
nere?
& in
non
jactant
meo ta
qui nu
aliquis
sine in
non po
cum ce
mentis
ro qua
domi
tus est
habui
que c
præ se
domu

Genuæ quum essem, à Capitano meo ita, ut audistis, dimissus, et sic centunculo versicolore indutus, mormolycio quam homini similior, antiqua tamen Gothorum nobilitate me ortum, & præcipuas ejus urbis familias cognitione attingere me jactabam. O quæ ludibria, quas contumelias ego tum quum maximos sperabam honores, accepi? Nemo ex omnibus erat cui ego genus ac prosapiam meam revelâram, qui non statim exclamaverit: O audacissimum nequam! Tune tali ortus sis genere? quem palam est vulgo conceptum, & in fornice aliquo natum, quin etiam nonnulli mihi genus meum pertinaciter jactanti alapas inflixerunt. De patre meo tantum comperi, quantum de eo qui nunquam natus fuit. Tandem senex aliquis recalvaster (cujus memoriam sine indignatione etiamnum usurpare non possum) variis de rebus amice mecum colloquutus, ait, Patris mei nomen sibi non ignotum: de omnibus vero quæ ad cognatos meos pertinerent, domi me eruditurum. simul ut si cenatus essem, secum irem invitât. Fidem habui homini cano, & cujus aspectus atque omnis habitus venerabile aliquid præ se ferebat. Præcuntē ergo sequutus, domum ipsius ingredior, statimq; à ministro

*Senilis
astutia.*

nistro in cubiculum quoddam magnifice apparatus deducor. Tum demum spe falsum me vidi. neque enim putâram, fore ut in opulenti adibus, & quidem apud eum, qui genus meum & novisse se dixerat, & magnopere extulerat, incenato mihi ac famelico cubitum esset eundum. Cur ergo, ais, non prius in taberna aliqua famem explesti? Dicam ingenuè. nostræ nationis mos est, ut plerique de suo parce admodum victitent, alieni vero ita sint prodigi, ut ultra satietatem ingesto cibo potuque, pantes distendant ac pæne dirumpant. Venit postea ad me ipse paterfamilias; sed sine Cerere & Baccho: & multis interrogationibus de parentibus meis, deque rebus aliis plurimis tam mihi molestus fuit, ut ipsius quoque cenæ lubenter obliturus mihi viderer, modò ille abiisset. Quum ad singula prudenter admodum respondissem, tandem digrediens ille, uni ex famulis mandat, ut mihi ad ministerium præsto sit: sed ego, amoto famulo, quamvis edere quam dormire maluissem, deposito omni meo lacero admodum & nodis hinc inde magis adstricto quam consueto vestitu, ita nudum me in lectum compono, ne lectus immunda ac squalida mea interula conspurcaretur, aut
forte

forte alumnorum aliquis aberraret, & omni amissa redeundi ad pristinum statulum voluntate, fera fieret. Vix oculos clauferam, ecce larvati aliquot diaboli in cubiculum irrumpunt, & lectum meum circumfistentes, metu tantum non me exanimant. Exclamare non ausus, sedulo tantum Dei nomen invocabam, ut me à baptizatis illis diabolis liberaret. Sed vani erant exorcismi mei. Statim enim eorum aliquis stragulo me imponit; tum singuli apprehensis laciniis, ad semihoram fere ita succutiunt, ut vi retentrice alvi meæ languescente, quidquid stomacho clausum gerebam, redderem. quo teterrimo odore offensus illi, exanimi me relicto, sese propriunt. An in coelo vel terra tum fuerim, ab alienatis fere sensibus, nescissem sane, nisi me odor admonuisset: quo excitatus, quid mihi accidisset, mecum considero; tum totum corpus eo quod in linteamine purum adhuc erat, extergo, sicq; centuculo me iterum involvo. Jam coelo albescente, fores quas manu mea intus obseraveram, contemplor, iisque uti à me clausæ fuerant repertis, timere cœpi ne à strigibus & lamiis nocturnis essem vexatus, quarum illo ipso vespere famulus inter alios sermones mecum habitos mentionem fecerat,

*Ridiculum ter-
vricula-
mentis.*

iis scilicet totam illam infestari viciniam. Tandem pseudothyrum video: & deprehensa nequitia, scelerato seni pessima quæque imprecatus sum, male etiam fecissem lubens, sed occasionem nullam videbam. Optimum ergo duxi, ut lecto diligenter lecto, errorem meum seu imbecillitatem simul tegerem. Mane idem qui vespere in cubiculum me deduxerat, adest minister. ait, herum in templum ivisse, ibique meum adventum præstolari. Ego veritus ne ille ventris mei inveniret reliquias, & imbecillitatem meam mihi exprobraret, rogo ut viæ & regionum istius urbis imperitum me deducat. sic ille ad fores ædium me comitatus, eis oclulis regreditur; ego velut alatis pedibus quam celerrime inde volavi, probri & pudoris plenus: restauratisque cibo potuque aliquantulum viribus, iter Romam ingressus sum.

CAPUT XVII.

Gusmanus ad Mendicorum tribum se adjungit, ejusque mores, statuta & leges addiscit.

*Addit
pudor
alas,*

SI uxor Lothi sic domo egressa fuisset, ut ego Genua, numquam, mihi crede, in salis, (id est, æternam, seu diu

diu d
sa.
digi
lio a
teran
ti,
ajun
caud
derat
mista
sensum
subsid
confe
cibi a
meatu
præfer
mam d
giis inf
nimis s
alea. Q
sint gna
Rom
te admo
expens
tum m
stum fi
si artis
sem ce
imprim
quod e
mihi su

diu duraturam) statuam fuisset conversa. Certe non facile quisquam vel quadrigis me fuisset assequutus. E proelio aliquo evasisse obviis videri poteram: similis cani non è Nilo bibenti, (hos enim identidem respicere ajunt) sed cui vesica pisorum plena ad caudam alligata est. Tanta me incenderat indignatio, tanta ira pudori permista me invaserat, ut omnem fere sensum amisisse viderer. Qua paullatim subsidente, quum uno curriculo decem confecissem milliaria, in pago quodam cibi aliquid & quietis capiens, rerum mearum statum tam præteritum quam præsentem curiosè expendi, & ad summam Necessitatem, multorum naufragiis infamem scopulum, me delatum, nimis sero deprehendi. Sed jacta erat alea. Qui semel verecundiæ limites transiit gnaviter oportet esse impudentem.

Romam proficiscens, ipsa necessitate admonente, de meo quamminimumparce-
expendere statui. Impigre ergo ostiatim mendicando, brevi magnum quantum feci: ac multo majorem fecissem, si artis hujus mysteria ab initio habuissem cognita. sed tyro adhuc eram, & inprimis in eo imprudenter faciebam, quod emendicatum panem qui saturo mihi supererat, canibus dabam: quem

si vendidissem, uti faciunt artis hujus periti, plus pecuniæ quam quisquam credere queat, conficere inde potuissem. Romam ut veni, deliberavi mecum, expediretne nova mihi comparare vestimenta. jam enim è negotiatione mea (cujus fors semper integra, usuræ certæ manent) tantum lucri feceram, ut facere id possem: sed metuenti ne idem mihi quod Toleti accideret, nequaquam id consultum videbatur. Sciebam quippe, superbo sæpe vestitu extremam occultari paupertatem. tum, Mendicantes robustos ac bene vestitos plerumque sine eleemosynis, convicio à foribus abigi. Certus ergo asservare quod habebam, altero velut nodo marsupium meum constrinxi, ut vix à meipso vel numulus inde posset eximi: ne seram in fundo deprehendens parcimoniam, meam inscitiam atque imprudentiam iterum damnarem.

Mendicantium artes.

Lacer ego, pannosus, squallidus (qui habitus & ipse à me non sine cura erat concinnatus) ostiatim mendicans, Cardinalium, Oratorum, Principum, Episcoporum, aliorumque Prælatorum ac Magnatum ædes præcipue obsidebam, usus tam ductu quam instructione cujusdam pueri trocho magis versatilis, & omnium urbis regionum

pe-

V
periti
sibus,
da ele
enim
non d
xime
aliis
giosu
Dei an
rentian
dum q
videat
jus loc
eram
mnene
lum.
qui gali
animali
ex qua
cuniæ
bat, qu
vestime
vendens
asservat
Adh
dicorum
quæ ne
sanctio
sum sit
num m
tes audi

peritissimi. Hic me docuit, quibus gestibus, qua voce, quibus verbis in petenda cleemosyna uti oporteret. neque enim unum omnibus placere. Viros non delectari nugis: quibus feminæ maxime capiantur. Aliis verbis divitem, aliis mediocris conditionis, aliis Religiosum appellandum esse. Hos per Dei amorem, illos per Deiparæ reverentiam obsecrandos esse. aliis optandum quod quisque maxime desiderare videatur. multaque alia quæ dicere hujus loci non est. Tam vero docilis ego eram discipulus, ut brevi non contemnendum mihi comparaverim peculio- lum. Panis reliquias iis vendebam, qui gallinis & gallis castratis, aliisque animalibus saginandis dabant operam: ex qua una rem mirum est quantum pecuniæ confecerim. Nec vere dies abibat, quin nudo mihi obsoleti aliquid vestimenti objiceretur: quæ omnia ego vendens, numos diligenter reconditos asservabam.

Adhuc nescieram, esse certam Men- *Tribus,*
dicorum tribum, certas leges ac statuta, *ex statu-*
quæ non minus quam magistratuum *is.*
sanctiones ac jussa transgredi periculo-
sum sit: donec quodam die commilito-
num meorum quosdam inter se mussan-
tes audiivi: Hispanus hic juvenis multa

quotidie peccat contra artem nostram , nobis multum obfutura , nec ipsi tamen utilia. Tum eorum aliquis : sanè ita est. Vidi enim nuper , quum satur forte , nescio quid cibarii oblatum respueret. ex quo quid aliud potest colligi , quam nos ita abundare ut etiam fastidiamus. Alter, hunc tu mihi , ait , castigandum relinque. Vocatum mox ac seductum rogat , quis , cujas essem , quam ob causam Romam venissem : aliaque similia. Accepto responso , tamquam Cicero aliquis aut Posidonius , Officia mendicorum explicare mihi cœpit , (sed utilitatis tantum erat mentio , nulla Honestatis) tum leges , statuta , & alia ad amplissimam hanc societatem spectantia. Nugamenta ista omnia erant quæ ante à puero quem dixi didiceram. Et ego quidem tam hæc quam ista in scriptis habeo omnia ; vulgare tamen velut Eleusinia sacra , vereor. Satis erit , si vobis quid postea mihi contemptam hanc artem , lucrosam tamen factitanti acciderit , narrâro.

Roma Cajetam profectus , ex artis præceptis , caput mihi ulcerosum efformo : idque ostentans ante ipsas templi fores miserabili , & non minus secundum artis præcepta modulata voce eleemosynas flagito. Inter illos qui stipem

per
u.
stea
lo p
stra
patu
con
insec
dens
osten
tibus
mea
inter
dien
gam
ibi se
seque
niffen
Pote
tam v
poris
ceratu
scio , i
me q
penan
ille ad
omnia
hat: qu
um oc
miseri
Omni

pem mihi porrexerant, erat quoque
 ubi Præfectus, diligenter me, ut po-
 stea expertus sum, contemplatus. Paul-
 lo post die quodam festo aliud adhibeo
 stratagema, non semel ante mihi usur-
 patum. Alterum pedem mira arte ira
 concinno, ut totus gangræna videretur
 infectus. Sic ad aliud templum acce-
 dens, ante fores confideo, & pedem
 ostentans, miserabili voce à prætereun-
 tibus stipem efflagito. Voluit tum mala
 mea fortuna, ut eodem in templo sacris
 interesset Urbi præfectus: qui egre-
 diens, me internoscens, jubet ut exsur-
 gam, ac domum secum eam: interulam
 ibi se daturum mihi dicens. Credo ego,
 sequor. In præfecti domum quum ve-
 nissem, diligenter ille me contemplatus,
 Potestne fieri, inquit, ut tam robustus,
 tam vividi coloris, tam bene habiti cor-
 poris homo, talem habeat ac tam exul-
 ceratum pedem? Totus tremens, Ne-
 scio, inquam, domine, quid rei sit:
 me quidem quam Deus inflixit mihi
 pœnam, patienter ferre oportet. Sed
 ille advocato chirurgo, jubet ut lintea
 omnia & ligaturas è pede mihi detra-
 hat: quo plane nudato, fraus mea omni-
 um oculis fuit exposita. Quid me tum
 miserius? Quid dicerem, quid facerem?
 Omni excusationi viam præclusam

*Fraus
 castiga-
 ta.*

videbam. Præfectus indignatione plenus severe me castigare decreverat : sed adolescentiæ meæ parcens , virgis cæsum, (hæc scilicet illa erat interula) civitate ejici jussit. Hoc sinistro fortunæ, vel potius malitiæ meæ ictu pænè prostratus, animo tandem resumto, Romam redii, ubi, utpote in tam vasta urbe, & tanta mendicantium multitudine, cuique suo quo potest inodo victum procurare licet. Et sane tutius est per latissimum navigare Oceani æquor quam per freta & angustias, ubi minima procella ad scopulos aut vada deferre te possit.

CAPUT XVIII.

*Gusmanus à Cardinali quodam
curandus Chirurgus traditur:
sanatus, inter domesticos mi-
nistros recipitur.*

Adoleſcentiam in rebus arduis cæcutire verissimum est : non quidem ingenii, sed prudentiæ defectu, quæ experientia acquiritur. ad hanc vero acquirendam tempore opus est. Ut fructus immaturi nullum, immo ingratum & acerbum habent saporem : ita ado-

*A doles-
centia
impro-
vida.*

adolescentes rerum experientia non-
 dum subacti, aut parum sapiunt, aut il-
 lud quod sapere sibi videntur, insipien-
 tiam meram esse, sero tandem intelli-
 gunt. Miraris tu juvenilem impruden-
 tiam? Ego vero multo magis mirabor,
 si quis juvenis præter aut ultra ætatem
 sapiat. Notum illud est: *Ingentia præcocia
 parum esse diuturna*. Sapiebam ego pro
 ætate, ita tamen ut accedente rerum ex-
 perientia, animum velut aquilæ pullus,
 ad ipsum veritatis solem sublevarem, sic
 mecum cogitans: Hem quid agis Gus-
 mane! Siccine vitæ tuæ optimam par-
 tem conteres? Tu quidem non alios, sed
 teipsum decipis. Quid attinet te mendi-
 care, qui multo honestioribus modis
 victum tibi ipse procurare possis? Ecce
 tot hominum millia, quos invitos ad
 mendicitatem adversi casus adegerunt:
 quibus tu debitum panem præripis. Tu
 quidem eleemosynam alacri accipis ma-
 nu: at qua olim Deo, cuius veros ami-
 cos vere pauperes prævertisti, illam red-
 des? Sic ego mecum ratiocinabar: sed
 vincebat naturam consuetudo. Dixi
 vobis quæ ego in accipienda, dicam
 nunc quæ alii in danda eleemosyna pec-
 carint. Vidi nonnullos ac præcipuè di-
 vites & bene numatos, quum nostrum
 aliquem præterirent, consistere, tum

*Eleemo-
 syna*

*quæ is &
 quibus
 danda-*

in extracto marsupio tamdiu piscari, donec numulum aliquem aut vetitæ monetæ, aut nullius invenirent valoris, eoque pauperem bearent. Vide quo loco homines isti Deum habeant. Persuasum habent scilicet, quod pauperibus datur Deo dari: interim Deo dant, quod datum alii recusarent. Erant etiam, qui nequaquam singulis dabant eleemosynam, sed magnam mendicorum patiebantur confluere multitudinem: quibus deinde magno cum strepitu, nescio quid distribuebatur, quos quidem non divinum mandatum aut premium, sed hominum laus, quam inde venabantur, incitabat. Dabant alii, non quod dare vellent, sed quod non dare eos pudebat. Sed hæc videritis qui datis; alia, qui accipitis eleemosynam.

*Mendi-
cantium
fraudes.*

Romam reversum dici non potest quanta me ceperit lætitia. Ad pristinas ergo artes reversus, crus iterum mihi ulcerosum concinno, sicque ad Cardinalis cujusdam ostium me projicio. Egreudentem quam possum miserabili voce inclamo, per amorem Dei ut afflictiissimo mihi subveniret obtestans. Meam non pauperis sed Dei vocem arbitratus beneficentissimus Cardinalis, mandat famulis, ut me suas in ædes, adeo-

adeoque suum ipſius in cubiculum deportent, & in lecto deponant. Inde duos Chirurgos accerſit, eiſque curam mei demandat. Et hi quidem primo decepti aſpectu, incurabile ulcus eſſe, adeoque crus mihi præcidendum clamabant. O quæ tum peſtus meum invaſerat anxietas. Jam quod Cajetæ acciderat, ludus & jocus mihi videbatur, nec in omnibus Litanis ullum inveniebam Sanctorum à quo nequitia patrociniū peteretur. Dum ita illi alter alterum intuentes ſubrident, malitiamque meam mirantur, jam jamque abituri, & rem omnem ut erat Cardinali indicaturi: è lecto proſilio, & auſcultans quæ illi clam inter ſe muſſitabant, uno ſic dicente: Nequiſſimus certe hic eſt adoleſcens, & ut videtur, in Lavernæ ſchola omnes artes edoſtus. Sed quid ad nos? Si myſterium hoc Cardinali evulgemus, miſero creamus periculum, & nobis viam ad lucrum præcludimus. Quid ſi rem omnem diſſimulemus, & ſuſceptam adoleſcentis curam in longum extrahamus, atque ita mercedem deinde luculentiorē conſequamur? Renuente altero, & rem Cardinali indicandam dicente, improvīſus accurro, & in genua provolutus, per omnia ſacra obteſtor, ne me, cujus ſalus in ipſorum

*Avvi.
tie viſ.*

tum ore & manibus erat posita, perditum irent. Hominum ad eleemosynas pigerrimorum tenacitate miseros ad stragemata ejusmodi cogi. Mei ergo misererentur, & rem omnem clam habendo, tam meae saluti quam suis ipsorum commodis consulerent. Vix me digresso, dum illi inter se consultant, ecce Cardinalem ex Ecclesia redeuntem; cui de me percunctanti ita responderunt: Atrox esse ulcus, jamque gangrenâ crus pæne totum occupatum. Bonis auspiciis in Illustrissimæ suæ Dominationis manus incidisse, sive cujus liberalitate proculdubio ipsi pereundum fuerit. Sperare se, omnem curam intra semestre absolvi posse. Tum optimus Cardinalis, Non sex tantum, sed decem etiam menses, si ita necesse sit, miseri curæ impendatis volo, nec ullis sumtibus parcatis. Hæc ego audiens, incredibili perfusus sum lætitiâ, tum demum recte intelligens è quanto evasissem periculo, & quanta illud bona spe jam esset commutatum. quæ quidem nequaquam fefellit. Mihi enim cibus & potus quotidie de Cardinalis mensa præbebatur, tum Cardinalis ipse sæpius me visitabat, & amicissime mecum colloquebatur, ita ut sermone & consuetudine mea delectari videretur. Pau-

cos post menses jam perfanato scilicet crure, chirurgi accepta quam poposcerant mercede, mihi valedicunt: ego verò à Cardinali non rogato, domesticis ministeriis adscribor.

CAPUT XIX.

*Quid Gusmano in Cardinalis
acciderit ministerio.*

Verissimum est quod ille apud Comicum dicit, *Omnium rerum esse vicissitudinem*. Poëseos studium olim, quod in magno esset honore, summè floruit: nostris temporibus ita vilipenditur, ut Poëta inter convicia quasi numeretur. Quid Oratores olim? Hi dominabantur in foro, in Senatu, eoque soli fere rerum potiebantur. At quid hodie contemptius Eloquentiæ magistris? Vestitum quoque ipsum considerà; quam frequens in hoc mutatio, quam novæ subinde formæ! nec hac in re plebejus aliquis vel Magnati facile cedat. Jam ipsas quoque linguas & vocabula superbia mutavit & ambitio. non placet antiqua simplicitas. qui plures solæcismos & barbarismos aulicos, ut Majestates, Celsitudines, Illustritates, &c. in promptu habet, is civilior ac

*Res
omnes
mutantur.*

disertior habetur. Ædificiorum formæ subinde mutantur. excogitantur indies novæ bellicæ machinæ. Ipsi quoque Christianorum mores in gentiles, parum abest, degenerant. Olim colum & lanam tractabant feminæ ac virgines: nunc catulos Melitenses sinu & brachiis gerunt, psittacos, cercopithecus alunt. Olim clausæ domi latebant, domestica obeuntes munia: nunc per fora, per plateas circum curstant, adstant pro foribus, tam ut alios spectent, quam ut ipsæ spectentur. Conviviis olim aut nunquam, aut raro adhibebantur: nunc prima in eis loca sibi vindicant. Quod rebus omnibus, idem veritati accidit. quæ namque in summo honore fuit, & hominibus perfamiliaris, aded ut omnium virtutum decus ac perfectio haberetur (& profectò ubi veritas locum non habet, ibi virtutes omnes nec unius assis æstimandæ sunt) jam albo corvo rarior est: qui libero animo verum dicat, aut æquo audiat. *Obsequium amicos, Veritas odium parit.* Sed quid Veritatis nomen usurpo? cuius usus jam diu inter homines desit: cuius in exsilium actæ sedem Mendacium occupavit. Apologum audi.

Veritati olim tamquam virtutum omnium reginæ communis hominum
con.

confe
feren
innoc
tis e
deje
ctum
quan
Dum
errat
gionu
collis
spicit
quant
appan
Princ
& Uri
curru
fideba
longin
nem t
at prop
appare
tente.
que lu
pem n
tantibi
Menda
nitet,
uti era
perio j
non ig

consensus statuam crexerat : quod ægre *Apolo-*
ferentes Mendacium, Odium, Invidia, *gus de*
innocentem licet vaferrime excogita- *Veritate*
tis calumniis ita circumvenerunt, ut *& Mem-*
dejectâ statuâ miseræ exsilium indi- *dacio.*
ctum fuerit, omni tam excusationi
quam provocationi loco præcluso.
Dum ita despicibilis inter homines ob-
errat, in trivio consistens, & viæ & re-
gionum ignara oculos circumferens, in
collis cujusdam vertice magnam conspici-
t hominum multitudinem, quæ
quanto propius accedebat, tanto major
apparebat. Medii in illa erant Reges,
Principes, Comites, Rerumpublicarum
& Urbium Gubernatores, triumphalem
currum, cui matrona regio ornatu in-
sidebat, comitantes. Et hæc quidem è
longinquo incredibilem pulchritudi-
nem tam habitu quam facie ostendebat;
at propior, mirum in modum deformis
apparebat, toto corpore ulceribus sca-
tente. Consistens Veritas, visis tot tam-
que sublimis dignitatis viris, tam tur-
pem mulierem satellitum loco comi-
tantibus, subridet. Id conspicata regina
Mendacium, rogat quæ esset, unde ve-
niret, quò tenderet. Fatetur illa omnia
uti erant. Tum Mendacium pro suo im-
perio jubet, ut currum suum sequatur :
non ignara, omnium minime nocere

hostes qui benignitate subacti fuerint. Veritas invita, sed ad resistendum impar, paret imperanti, & extremo agmini sese immiscet. Sciebat enim inter Mendacii satellites locum sibi non esse. Veritatem sane numquam tu apud ipsum Mendacium aut ejus ministros reperies. Sequitur illa eminus: & ubi nequissima illa simul & superbissima femina disparuit, tum deinum se ostendit.

Primi diei itinere ad splendidam civitatem pervenimus, in qua Favor regnare dicebatur: qui egressus Reginam magnifice excepit, & ut in regium diceret palatium, invitavit. illa, actis gratiis, apud opulentum civem, *Ingenium* nomine, hospitium sibi sumit: ubi regali luxu instructa erant omnia: inprimis tanta erat ciborum ac condimentorum varietas, ut omnes saporibus atque odores confusi viderentur. Aulæ Præfectum suæ regina habebat, *Ostentationem*, enormi statura, barba proluxa, vultu gravi, sedato incessu, placido affatu: qui ubi sumtuum factorum rationes ab hospite accepit, ad reginam desert. Illa nihil aliud respondens, jubet utè depositis apud hospitem numis ei satisfaciat. Admirandus ille, ut talis depositi minime sibi

con-

cor
sub
adve
mo
Men
Qua
Gyn
quan
dome
spitis
uxore
rum
nium
stis
stium
coelum
injuri
tur,
tem i
fero
tantu
numq
lame
solatu
hoc u
ginam
se præ
gnata
jubet
ritatis
gravite

consciis, principio joco dictum putans, subrisit : mox ubi seriò rem agi animadvertit, obstupescens, indignissimis modis injuriam sibi fieri, exclamavit. Mendacium regina testes advocat, Quæstorem suum *Ocium*, *Adulationem* Gynæceo Præfectam, *Fraudem* pedisequam. Quinetiam ut miserum hospitem domesticis convinceret testimoniis, hospitis filium, *Interesse* nomine, illiusque uxorem *Avaritiam* testes advocat: quorum omnium testimonia contra *Ingenium* hospitem consentiebant. His angustiis inclusum se ac tam turpiter impositum sibi videns *Ingenium*, sublatis ad cælum manibus, atrocissimam sibi fieri injuriam, quæritur, hejulat, lamentatur, ipsosque deos inclamat, ut *Veritatem* in lucem producant, sibi que misero subveniant, ut qui non debito tantum fraudetur, sed à quo etiam numquam creditum poscatur. Ad tam lamentabilem querelam adest *Veritas*, solatur hospitem, ita tamen ut diceret, hoc unum se contra tam potentem reginam posse, ut palam conspiciendam se præbeat. Quod quum fecisset, indignata vehementer regina *Mendacium*, jubet ut *Ingenio* hospiti, sed de ipsius *Veritatis* bonis satisfiat : auxilium suum graviter lucentis,

Mur-
mura-
cio.

Secundi diei itinere in aliam civitatem perventum, in qua imperium obtinebat, *Murmuratio*, *Mendacio* reginæ valde amica, ut & *Magnates* ejus civitatis omnes, *Superbia*, *Proditio*, *Dolus*, *Cula*, *Ingratido*, *Malitia*, *Acedia*, *Pertinacia*, *Vindictæ cupiditas*, *Emulatio*, *Injuria*, *Invidia*, *Stultitia*, *vana Gloria*. Ab his omnibus magno cum applausu excepta regina, eatenus eorum liberalitate uti se velle ostendit, ut de suo sumtus sibi facere liceret. Omnis ergo generis annona à Præfesto alimonix *Sollicitudine*, & *Quæstore Inconstantia* conquiritur, & tam cibaria quam varia vina affatim comportantur. Sub reginæ discessum quum quisque eorum quæ contulerat precium posceret, respondet *Quæstor* omnia jam ex asse soluta, nec quicquam cuiquam deberi. Orto inde tumultu, prodit ipsa Regina, & quid rei esset percunctata, itidem jam omnibus satisfactum, idque præsentem audientem & videntem *Veritate* factum respondit; nec eam id negaturam. Accedunt *Veritatem* perculsi venditores, & ut verum fateretur urgent. sed illa profundum somnum simulans, quamvis maximo omnium clamore & strepitu excitari non potuit: excitata tandem, mutat se simulat, præteritorum memor: ut quæ
in-

intelligeret, si verum dixisset, fore ut quod alii rapuerant, aut suffurati fuerant, de suo solvere cogeretur. Ex illo tempore ad hodiernum usque diem muta mansit Veritas. Quis enim verum lubenter dicat, unde in se damnum redundaturum sit?

Mendacium non inepte meo iudicio, chordæ instrumenti Musici, Veritas
*Veritas
 cui simi-
 lia.*
 tem, vertebræ ejusdem comparare quis possit. Etenim chorda suavem sonum vertebra stridorem auribus ingratum edit, & difficulter admodum circumagitur, tandem vero magis magisque firma & fixa hæret, chorda è contranimis alte tensa rumpitur: ita Veritas plerisque ingrata est & invisâ, sed semper sibi constat, & immota manet; Mendacium vero languescit indies, & tandem Veritati cedere cogitur. O quam multi in Principum aulis, mendaciis fraudulenter excogitatis supplantantur, & in extremas conjiciuntur angustias, immò ipsa vitâ privantur! At tandem videas illos ipsos qui Veritati aliquamdiu insultârunt, non rubore tantum suffundi, sed etiam in malam rem ac crucem agi.

Hæc si juvenis ego tum scivissem, aut mecum considerâssem, non Mendacio sed Veritati me applicuissem. Sed

tota mea vita nihil aliud erat quam Fraus, Mendacium, falsimonia: quæ nullo nixæ fundamento, tandem corruerunt, ac ruina sua pæne me oppres-
serunt. Succrescebat indies apud me vi-
tiorum seges: & abyssus abyssum invo-
cabat. Jam ego Cardinalis tum minister.
utinam ne ad deterius res prolabatur.
Sed fieri non potest, quin omne violentum ad suum centrum descendat. Ut
arbor sine radicibus nullum fert fru-
ctum, sed arefcit: ita virtus, vix no-
mine mihi nota, quum nullos in ani-
mo meo adhuc radices egisset, vix ulla
sua vestigia ostendebat. Credis forte
meliore fortuna me gavisum? Ego ve-
ro nihil molestius ferebam, quam è li-
bertate me quasi in servitutem abdu-
ctum. Ajunt vulgò, non divitias tan-
tum sed honores quoque quanto ma-
gis affluant, tanto magis concupisci, &
ipsa sui copia famem augere: sed alius
erat animi mei sensus, cui nihil gravius
erat, quam à pristina abduci vita. Num-
quid absurde facturus sit, qui piscium
loco pavonibus stagna replere; aqui-
lam ad aratrum, taurum ad volatum
assuescere, aut equum arena, accipirem
avena velit pascere? non minus profe-
cto delirabant, qui ex homine circum-
foraneo, omnibus vitiis assueto, &

virtu-

virtutum experte, puerum nobilem & frugalem facere volebant. Jam enim consuetudo in naturam transierat: jam omnes boni & generosi animi scintillæ vitiorum colluvie oppressæ, adeoque fere extinctæ erant. Centrū meum, ad quod me natura & indoles ferebat, taberna erat & vita ociosa: quam ego nec cum Cræsi divitiis, nec cum Imperatorum & Regum honoribus commutassem.

Initio quidem, in Cardinalis assumptus ministerium, ita me gerebam ut bonam omnes de me conciperent opinionem, & non obscuro loco natum crederent. Inprimis in ipsius heri gratiam insinuare me studebam, adulando omniaque tam dicta quam facta reliquæ familiæ deferendo, & calumniando: qua arte mirifice me in heri mei gratiam insinavi, ita ut soli mihi initio omnia crederet, & neminem magis fidum suis rebus existimaret. quin etiam quæ per totam urbem fiebant quæque non fiebant ad herum deferebam, unum exaggerans, alterum extenuans, prout hero placere intellexissem. Sed quia mea omnia dicta factaque ex meris constabant fraudibus & mendaciis, his sese prodentibus, res meæ omnes pessum iverunt. Nec linguam nec manus continere poteram. Nec ipsius herimet cime-

liis

liis parcebam. Sed nec contubernalium meorum bona aspernabar: quos velut è veterno excitavi, dum assidua mea in vestibus alioque eorum peculio in mea scrinia congerendo diligentia eos multo fecit custodiendis suis attentiores. Omnes meæ cogitationes, omnes labores, in hoc consumebantur, ut numeros semper in promptu haberem, non quidem alium in finem quam ad ludendum. Etsi enim deliciarum eram appetentissimus, domi tamen reperiebam, unde cupiditatem meam explerem, dum heri mei capsulas, quibus bellaria asservabantur, quotidie rimor. Et in eo favebat mihi quidem fortuna, quod inauratam heri clavim nactus, forma ejus ceræ impressa, alteram mihi faciundam curavi. Ea vero sic usus sum, ut clandestinum furem in domo esse promuscondus inprimis, deinde ipse quoque herus suspicaretur. Cervi ego naturam obtinebam, quem ajunt ipso spiritu viperas è cavernis extrahere: sic ego ipso meo anhelitu dulcissima quæque palato meo arridentia ex penitissimis quoque riscis ad me tamquam Jupiter aliquis Elicius evocabam. Id quum, ut dixi, hero suboluisset, acriter inquiri jussit: sed apud nullum minus quam apud me fraus deprehensa.

Tan-

*Liguri-
corum.*

Tandem vero dum quodam die herus convivas aliquot laute excepisset, ego similiter opipare me invitare, & in pascuo meo solito cibare decreveram. Jam arcam in qua cupedia illæ erant, reserveram: jam optima quæque & sapidissima liguriebam: quum ecce herum meum nescio qua de causa cubiculum ingredientem. qui ut cistam apertam, ac me adstantem strenueque ligurientem vidit, propius accedens, quid facerem rogat. At mihi metu expallensenti animus simul & vox refugerunt. Ille deprehensa fraude caput quassans. Oeconomo imperavit, ut duodecim ictus natibus meis infligeret: quos bonus hic vir duplicare non dubitavit. Sinistro hoc territus eventu, in commeatum proficisci aliquamdiu intermisi; interim vero crescebat apud me indies ab Oeconomo, ut interpretabar, factam mihi injuriam vindicandi cupiditas. Ad quam rem non multo post sese obtulit occasio.

Æstas erat, & ut fieri eo anni tem-
pore Romæ solet, culicibus infesta
omnia: quibus miserum in modum vexari se querenti Oeconomo dixi, Notum mihi esse tam aculeatis abigendis atque adeo interficiendis insectis remedium, in Hispania valde usitatum.

Blan-

*Injuvia
fraude
umlica-
ta.*

Blandiri ille mihi, obsecrare ut com-
monstrem, gratum se fore ajens. Ne-
scio quid mercedis stipulatus, in hor-
tum eo, & herbarum mihi notarum col-
lectum ibi fasciculum, aceto totum per-
fundo ac quasi macero, cumque ad ca-
put lecti, in quo ille dormiebat, appo-
no, fore dicens, ut universum molestissi-
morum animalculorum examen eò con-
volet, & quamprimum aliquid de-
gustaverint, enecetur. Fidem ille mi-
hi habens, cubitum concedit: & quia
largiuscule aliquanto tum se invitave-
rat, primo somno, ut fit, nihil sentit:
quum vero evigilasset, totam faciem
acutissimis moribus tuberosam, adeo-
que nasum ambesum sibi deprehen-
dit: quin tanta erat culicum agminatim
stridentium & circumvolitantium sæ-
vities, ut miser & rectum & cubiculum
mutare cogeretur. Quum diluxisset,
ira insaniens, dentibus discerpturus me
videbatur: ego prævertendum ratus,
herum Cardinalem adeo, injuriam
non ita pridem mihi factam, nunc jo-
culari stratagemate vindicatam ex-
pono. ille narratione mea non sine ri-
su accepta, astutiam meam admira-
tus. Oeconomo mandavit, ut ne
mihi eo nomine molestus esset, sed
quidquid hujus erat suæ austeritati, he-
riles

rilis imperii limites transgressæ impu-
taret.

Ut mendaci etiam verum dicenti
non creditur ; ita mihi in furto & frau-
de deprehenso ab hero deinceps nulla
habebatur fides : eoque omnem occa-
sionem, quæ fures facit, tollendam mi-
hi arbitratus, à Camera sua segrega-
tum Cubiculario inservire me iussit,
homini quidem bono & faceto, impor-
tuniori tamen aliquanto & suspicaci.
Erat inter novum hunc meum patro-
num & heri Secretarium aliqua æmu-
latiuncula, ita ut alter alterum ludifica-
ri studeret, non invito Cardinali, quod
omnia ista absque damno & præjudi-
cio cujusquam fierent. Vespere quo-
dam Cubicularius foris cenatus, & lan-
guidiore corpore domum reversus,
quum consueta munia non obiisset,
apud herum, me allegato, sese excusarat:
quod intelligens Secretarius, sequenti
mane forte fortuna mihi obviis, rogat
quomodo patronus meus sese habe-
ret. Respondeo, languere adhuc, sed
sperare me brevi melius fore. Ille nescio
quid inopinati causans negotii, me
cum alio e familia in urbem mittit: in-
terim puerum alium muliebri habitu
ornatum in cubiculum patroni mei
altum dormientis introducit, & post le-
ctum

*Lusus
aulici.*

Atum collocat : tum Cardinalem accedit, & rogatus de Cubicularii valetudine, Afflictam illam esse, idque se è puero ipsius audivisse, respondit. Quod ubi benignissimus herus accepit, statim ipse ad decumbentem properat : cum quo dum loquitur, personata illa mulier prorumpens exclamat : Ah infelicem me ! quam turpiter sum prodita ! Tu vale, mi domine. Mihi enim domum eundum ne maritus aliquid subodoretur. Hæc dicens, per mediam qui cum Cardinali venerant ministrorum turbam foras magno cum omnium stupore erumpit. Ipse Cubicularius, quem Josepho castiorem Cardinalis putabat, è lecto exsiliens, altissima voce exclamat, dæmonem adesse dictitans, & per cubiculum circumcursitandi nullum finem faciebat, attonitis ceteris omnibus, solis Secretario & consociis in risum effusis : ex quo herus quid rei esset sciscitatus, cum risu & ipse abiit : Cubicularius vero tantam deinde mutationem sensit, ut statim convalesceret.

C A-

C
tus
titu
mag
re no
se su
sacra
dina
quan
non
rum e
Ur
to auc
partin
tiberin
reliqu
bus no
Ron
nita su
collap
indies
Por
VIII.
Roma
grande
Quæ

CAPUT XX.

Urbis Romæ descriptio.

CEterum quum Romæ ita vixerim, ut altera mihi fuerit patria; ingratum sim si optimæ nutrici aliquod gratitudinis signum non erigam: tanto magis quod totam eam mihi perlustrare non licuit tantum, sed etiam necesse fuit, dum fere singulis hebdomadis sacra loca ac templa cum reliqua Cardinalis heri mei familia visitavi: quamquam, ut verum fatear, sæpe animo non tam devoto, quam vanarum rerum curioso.

Urbs Roma, quæ caput Orbis merito audit, partim sita est in Hetruria, Situatio
bis Ro-
ma. partim in Latio. Suburbium & Trans-
tiberina regio in Hetruria sitæ sunt, pars
reliqua in Latio; uti postea è Scriptori-
bus nonnullis didici.

Romæ mœnia turribus ornata & munita sunt c xxxvi. quarum multæ sunt collapsæ, multæ ita vetustate excæ ut indies ruinam minentur.

Portas etiamnum habet x. Pontes
viii. Dicitur tricesimo quoque anno
Roma aut inundationem, aut aliud
grande damnum sentire.

Quæ hac in urbe visu digna sunt, ad
K duo

*Roma
vetus &
nova.*

duo præcipue capita referri possunt. Primum continet situm, ruinas & ruderâ templorum, monumentorum & ædificorum *Romæ veteris*. Alterum complectitur templa & Reliquias Sanctorum, dona & munera Indulgentiarum, devote sacra loca visitantibus proposita: item Fabricas & Palatia *Romæ novæ*. Ego ea tantum attingam, quæ à me ipso aut visa aut notata, atque ab aliis comperta sunt, prout quodque in mentem venerit.

Ab ea parte qua per Hetruriam Romanam itur, occurrit primo *Porta Vaticana*, quæ castello S. Angeli est contermina: juxta quam Prata Quinctia, Tiberi, Vaticanis collibus & vineis clausa. Eo se frequentissime conferre solita est Romana juvenus, deambulationis oblectationisque gratia. Voluptati enim præ ceteris hic locus tributus est. Quà autem ingressus in urbem patet, *Porta Ælia*, quam Castellum jam vocant, extollit se ingens illa moles Hadriani Imperatoris, quam extra Vaticanam exstruxerat, ut in ea sepeliretur, & in eadem Antoniorum cineres recondiderentur. Hodie Castellum S. Angeli dicitur; quod Angelus excerto gladio ibi loci visus sit urbem defendere, ut ingens statua Angeli marmorea in fastigio molis

*Monte &
Porta
Vaticana.*

*Castellum
S. Angeli.*

re-

reposita testatur. Ab hac arce deambu-
lacia secreta fornicato opere proten-
duntur usque ad Pontificum palatium
quod in Vaticano structum est, vocant-
que *Curitorium*, per quod Pontifices
inde in arcem se possunt recipere. Ca-
stello vicinus est Pons *Ælius*, per quem
ex urbe in Burgum via protenditur ad
Palatium summorum Pontificum. Inde
sub *Ælio*, medio Tiberi conspiciuntur
ruinæ pontis Triumphalis, per quem
Imperatores triumphantes olim pom-
pas in Capitolium ducebant. Sed nos
jam septem urbis montes lustrabimus.

Ex his præcipuus est, quem dixi,
Vaticanus, in quo *Capitolium*: olim *Capito-*
Tarpeius, & Tarpeja rupes dictus, item-
que Saturnius. Dividitur in arcem & Ca-
pitolum. Hodie nihil in Capitolio præ-
ter Monasterium, *Ara cali* dictum, quod
Fratrum Minorum Zoccolantium: &
Palatium Senatorum & Conservato-
rum. Eo loco olim ædem fuisse Jovis
Feretrii, postea cum multis aliis antiqui-
tatum notitiis è doctorum libris didici.
In arce Capitolii sub prædicto Cæno-
bio Fons est, supra quem caput marmo-
reum ~~puro~~ insertum est, ejus magnitu-
do ostendit fuisse quondam alicujus
Colossi. & juxta fontem inter alia fra-
gmenta reperitur pes & pars brachii è

*Pasquil-
lus &
Mar-
forius.*

marmore, itidem insignis magnitudinis: quæ idem habent indicium. Sub hoc capite in fonte ipso recumbit ingens statua marmorea, quam *Marforium* vocant. à doctis *Pistorius deus* seu *Panarius* Jupiter esse creditur, quod tumores instar panum circumquaque promineant, alii existimant esse simulacrum *Rheni* Germaniæ fluvii. Huic affigi quoque solent scripta famosa, responsoria tamen seu antiphona illis quæ ad *Pasquinum*, seu *Pasquillum* publicantur. Hic *Pasquinus* statua est cujusdam gladiatoris, brachiis & facie mutila, ante ædes cujusdam Cardinalis: ubi etiam edita monitoria & id genus scriptorum affigi solent. Pro ædibus Conservatorum alius fons ex aqua *Felici*, simulacro Romæ ornatus. juxta eum fontem duo pari formâ marmorea seminuda simulacra fluviorum visuntur, quæ *Nili* ac *Tigridis* numina esse plerique autumant, ipsi argumentis persuasi, quod unum *Sphyngæ*, quod peculiare est *Ægypto* animal, alterum *Tigride*, *Armeniæ* frequente fera, innitatur. De ipso Pontificum Palatio, ut & de Bibliotheca, nec non Inscriptionibus, nihil dicam: quòd tum nec per ætatem, nec per eruditionem (quamvis ad eam consequendam, heri liberalitate quotidie exerce-

remur)

remur) earum rerum vel capax valde
 vel cupidus essem : quamquam er-
 rorem istum postea, quantum licuit,
 emendavi, dum quæ puer videram, viro
 mihi postea librorum suggestione in
 mentem venerunt, uti ex hac ipsa vide-
 bis Descriptione. Ad radices Capitoli
 sacellum est subterraneum, eo ipso in lo-
 co ubi Carcer Tullianus fuit. S. Petrum
 Apostolum ibi captivum detentum
 ajunt, unde *edicula* illa appellatur *S. Petri*
in Tulliano. In foro Romano, quod inde
 proxime abest ad clivum Capitolinum
Arcus Septimii conspicitur, integer ad-
 huc, in quo multæ picturæ. Non procul
 inde septem columnæ adhuc pulcherri-
 mæ conspiciuntur. In hortis proximis
 iacus Curtii fuisse dicitur. Forte. E re-
 gione vero Arcus Septimiani sequitur
 ædes B. Martino nunc sacrata ; ubi olim
 secretarium Populi Romani fuit. Dein-
 de sequitur recta templum D. Hadriani,
 in quod ex Capitolio ærarium populi
 Romani translatus ferunt. cujus portæ
 æneæ adhuc integræ. Inde itur ordine
 ad templum M. Aurelii & Faustinae ;
 mox ad aliud BB. Cosmo & Damiano,
 nunc olim Romulo & Remo, sive potius
 Castori & Polluci dicatum, antiquis-
 simæ structuræ. Mox ad templum Pa-
 cis, cujus bona pars adhuc exstat prope

*Arcus
 Septi-
 mii.*

ædem S. Mariæ Novæ : & ibi columna tantæ amplitudinis ut vix tribus comprehendi possit ulnis.

*Mons
Palatini.*

E regione ad alteram fori Romani partem, vineæ sive horti Farnesiorum bonam *Montis Palatini* partem occupant : reliquum ejus fere rudibus & ruinis veterum ædificiorum repletum est. Hinc recta pervenitur ad *Amphitheatrum* admirandæ molis, vulgo *il Coliseo* dictum. Hinc octo quasi passibus conspiciuntur adhuc vestigia *Metæ sudantis*. Haud longè hinc ad angulum montis Palatini *Arcus* marmoreus triumphalis Imp. Constantini tropæis & victoriis alatis triumphalibusque ornamentis conspicuus. In arco boario arcus superest sive porta marmorea, ubi ritus victimarii depicti visuntur. Secundum hunc Arcum Schola Græca, nunc ædes D. Gregorii, & ibi *La bocca della Verità*, id est, *Os veritatis* (lapis rotundus, cui faciei incisa est figura) itemque Jani quadrifrontis templum, quatuor habens portas, & in cujusque frontispicio duodenas fenestellas, quatuor anni tempora cum XII. mensibus designantes. Paullo post templa Solis & Lunæ.

*Mons
Aventinus.*

E regione *Mons Aventinus*, juxta quæ in ipso Teberi vestigia adhuc aliqua sunt Pontis sublicii, in quo Horatius

Co-

Coclesdiu Thuscorum impetum sustinuit. Hinc itur ad Montem Testaceum, nec non ad sepulcrum C. Cestii Septemviri Epulorum, pyramidalis forma, quod juxta D. Pauli portam ipsa urbis mœnia ita diuidit ut media ejus pars extra urbem sit, pars altera in urbe. Circumeundo montem Aventinum ab altera parte pervenitur ad Circum maximum.

Mons Quirinalis hodie vocatur *Monte Cavallo*. In eo olim equi fuisse perhibentur inaurati xxxi v. & eburnei xc i v. nunc non nisi bini Bucephali juxta singulas Alexandri Magni statuas marmoreas integri supersunt; alter Praxitelis, alter Phidiæ, nobilissimorum sculptorum opus. In hoc monte Palatium regium, in quo Papa æstivo tempore commoratur. habet hortum spaciosum pariter & amœnum, fontibus compluribus irriguum: quos inter præcipuus est, qui in meditullio quasi ipsius horti rupem repræsentat cavernosam, undique aquæ quasi pluviis scatentem.

Non longe hinc procedendo versus *Exquilias*, in ara Pia, ad quatuor domus angulares quatuor fontes visuntur, & inde Castellum Aquæductus Felicis, à Sixto V. ita dicti, per quem aquæ magno impetu ruunt. Juxta est planities

spaciosa, quæ olim ad thermas Diocletianas pertinuit, quarum ingentem molem ac magnitudinem ruinæ, & inde exstructa nova ædificia arguunt. Novæ quoque in Exquiliis Tabernæ longo ordine à Sixto V. PP. exstructæ conspiciuntur, artificibus Romanis destinatæ, ut uno in loco conjunctim artem suam exercerent: sed quia res non successit, clausæ jam & desertæ relinquuntur. Reliqua fere pars Exquilini Montis hortis ejusdem Sixti jussu adornatis occupatur.

Montes reliqui. Præter septem præcipuos colles sive montes Urbis Romæ sunt & alii, qui illis tamen partim cedunt, ut *Mons Testaceus*, de quo ante: nec non Mons *Pinicius*, in quo ædes SS. Trinitati dicata, exstructa à Regibus Galliæ: Palatium præterea Ferdinandi Magni Ducis Hetruxiæ, olim Cardinalis magnificum plane, & hortus ad invidiam pulcher, inibique infinita & visu dignissima Antiquitatis monumenta.

Janiculus. Trans Tiberim Mons Janiculus est, qui hodie *Montorio*, quasi Mons aureus. In eo templum *S. Petri in Montorio*, & domus *S. Spiritus*.

Templum S. Petri. In Monte Vaticano visitur templum *S. Petri* celeberrimum & splendidissimum, cupula admirandæ & stupendæ fa-

fabricæ insignitum, & omnium sum-
 tuosissimum. Interius plures ordines ha-
 bet columnarum, quæ magnæ & poli-
 tissimæ. Sub altari magno medietas SS.
 Apostolorum Petri & Pauli. Parte ea
 ad quam gradibus ascenditur, columna
 est cancellis circumsepta ferreis, tali ti-
 tulo: *Hæc est illa columna in qua Dominus*
nosſter Iesus Christus apodiatuſ; dum populo
predicabat, & Deo patri in templo preces
effundebat, adhærendo ſtabat, quæ unâ cum
aliis undecunque hic circumſtantibus de Sa-
lomonis templo in triumphum huius Baſilicæ
hic locata ſuit. Dæmones expellit, & ab
 immundis ſpiritibus liberos reddit, &
 quotidie alia miracula facit. Aſſervatur
 etiam in hoc templo caput S. *Andree*
Apoſtoli, & cuspis qua Salvatoris noſtri
 latus perforatum fuit in cruce, quæ ab
 Imperatore Turcico muneris loco ad
 Innocentium VIII. Pontificem miſſa
 dicitur. Pulcerrima ſunt hic ſacella
 Gregorii XIII. & Sixti V. ornato
 variis & elegantiffimis piſturis, quæ
 præcipuas hiſtorias & reſ geſtas Pon-
 tificum & Imp. & adverſus eoſ ex-
 primunt.

Valvæ ſive portæ huius templi æneæ,
 ingenteſ, & artificio ſingulari conſpi-
 cuæ ſunt, factæ tempore Eugenii IV.
 In harum una à dextris treſ muſcæ
 K 5 ſunt

sunt difficiles inventu , & documentum esse solent eorum qui Romæ se fuisse gloriantur, an verum dicant. Est etiam porta sancta , quæ non nisi tempore Jubilæi aperitur, eoque finito rursus clauditur muroque obducitur. Basilicæ D. Petri contiguum est Palatium Pontificale, magnificentia, splendore & magnitudine omnibus aliis antecellens. Tum alia Conclavia , variisque usibus servientia, mirabili ordine ac splendore.

*Pontes
Romæ.*

Cæterùm supra Tiberim Romæ pontes quondam fuerunt octo , de quibus extremis ponte *Milvio* , hodie *Ponte molæ* , qui extra portam populi , nec non *sublicio* , superius paucis attigimus. Hinc *Ælius* est , Infra hunc *pons Vaticanus* fuit, per quem ibatur in Vaticanum: dictus etiam triumphalis, cujus columnarum aliquot ex lapide cocto collapso videntur etiam hodie non procul à ponte *Ælio*. Dein sequitur *pons Janiculensis* & *Aurelius* nuncupatus, hodie *ponte Sisto* , à Sixto IV. longus est pedes 215. Non procul hinc in medio Tiberi insula est , quæ conjungitur urbi duobus pontibus. Ille qui spectat versus Latium, olim dictus fuit *Pons Fabrius*, hodie *Ponte di quatre Capi* , à Columnis pusillis quæ juxta eum sunt , quarum quæque quatuor Capita juncta sustinet: alter

alter olim *Exquilinus* & *Cestius*, hodie *Ponte di S. Bartholomæo* dicitur, à templo huic dicato: ante cuius altare magnum puteus est limpidæ aquæ, ex quo eam quotidie hauriunt monachi Cœnobii adjacentis.

Ipsa vero insula habet similitudinem Navis, dictaque fuit olim *Insula Lycaonia*, consecrata *Æsculapio*, cuius imago eò fuit apportata ex *Epidauro* forma serpentis, unde etiam hodie in horto *S. Bartholomæi* conspicitur navis facta ex lapide, ut perhibent, *Tasio*, in cuius altera parte serpens insculptus est. Inde ad teli iactum sequitur *Pons Senatorius*, qui & *Palatinus* nominatus fuit, hodie *Ponte di S. Maria Egittia*, à vicina æde sic denominata: hodie vero sex tantummodo sunt, ut ex prædictis patet. In cæteris autem dignissima quoque sunt visu & notatione quæ sequuntur.

Castellum aquarum sive potius *Ci-Turris* *sterna Titi Imp. vulgo le sette sale*, mirabilis fabricæ. *Domus & Turris Neronis* in quo iussu suo incensam urbem septem dierum spatio cum voluptate spectavit. *Turris militiæ*, arcus *Nervæ Imp.* hodie corrupè *arca Noë* vocitatus, ejusque palatii reliquiæ, quibus *Ecclesia* proxima *S. Basilii* superstructa est.

*Columnæ
& om.*

Columna ingens *Traiani Imper.* spe-
ctabili crassitie & cochlydis structura in
foro *Traiani*, (Sic olim iste locus in-
digitabatur, eratque juxta cum Pala-
tium hujus Imperatoris) in ea circum-
circa rerum ab ipso gestarum, inprimis
Dacici belli simulacra mira arte cælata
visuntur. Intus vero gradibus 185. in
ejus fastigium (ubi *Traiani ossa*, aurea
pila condita olim fuerunt, nunc *San-
cti Petri* statua inaurata ibidem à *Sixto*
Quinto erecta stat) ascenditur: ha-
bet autem fenestellas 45. quæ lucem
interius præbent. Ipsa columna altitu-
dinis censetur pedum 128. vel ut aliis
placet 140.

Columna Antonini Pii. quam ad illius
instar *Antoninus ipse* sibi erexit, co-
chlidis identidem structura, altitudinis
pedum 176. cum interiore *Cochlea*, &
gradibus 106. ac fenestellis 56. Incen-
dio & vetustate nonnihil deformatam,
Sixtus v. reparari jussit, inque ejus ver-
tice *S. Pauli* statuam similiter inauratam
statuit, circum quaque res ab *Anton.*
gestæ incisæ spectantur.

Basilica seu *Palatium Antonini*, quæ
in vicinia sita fuit, cui *Orphanotro-
phium* quoddam ita nunc inædificatum
est, nihil ut inde appareat, præter colu-
mnas marmoreas ingentes numero un-
decim. Ar-

Arcus Gallieni Imper. Triumphalis apud ædem S. Viti, ex Tiburtino lapide extructus, sed nullis insignibus ornamentis, ab eoque catena adhuc dependet; cui usque in annos proximos clavis semper fuit appensa civitatis Tiburtinæ.

Thermæ Nerōnis juxta templum D. *Ther-*
Eustachii. *mæ.*

Thermæ Antonini Caracallæ ad radices montis Aventini, juxta templum S. Balbinæ; earumque ingentes ruinæ cum altis parietibus columnisque semisepultis, miræ & magnitudinis & elegantix. ejus testudines omnes ex pumice fere fuerunt factæ: & verisimile est palatium ipsius Caracallæ juxta fuisse.

Panthejon, templum olim à M. Agrippa omnibus Diis dicatum, inter *Templa.* vetusta templa nobilissimum est, forma rotunda solidique marmoris, unde lumen tantum per rotundum, quod in vertice ejus, sive foramen, sive impluvium intrat. Ante ingressum porticus est insignibus fulta columnis. Vulgo *alla rotunda* vocatur S. Mariæ, omnibusque sanctis est consecratum, & adhuc habet hunc titulum:

M. AGRIPPA L. F. TERTIUM
CONSUL FECIT.

Ædes circulari forma, quæ olim, Jano,
hodie

hodie S. Stephano sacra est, in qua omnium Sanctorum martyria elegantissime depicta. Taberna meritoria vetera Romanorum (ubi emeriti milites & ob vulnera aliaque belli accepta detrimenta, bello inutiles ex publico dum vita manebat, sustentabantur) fuit olim, ubi nunc exædificatum est templum S. Mariæ Transiberinæ: sub cujus altari majore monstratur fons, ex quo tempore nativitatis Christi Oleum effluxit continuo 24. horarum spatio. In templi quadam tabula, quo in loco ipsam tabernam fuisse credibile est, hoc Carmen legitur:

Roma vetus veteres dum te rexere Quirites,

Nec bonus in muris, nec malus ullus erat.

Defunctis Patribus successit prava juvenus,

Quorum consilio præcipitata ruis.

*Septem
urbis
Romæ
Eccle-
siæ.*

Ædes de Sancta Croce in Hierusalem ad ipsa mœnia urbis intra portam majorem & portam Sancti Joannis: in qua sacellum subterraneum bellissimum Sanctæ Helenæ matri Imper. Constantini dicatum, quæ illud ex teria sancta primum extruxit, inque ipsum mulieres sub excommunicationis cœna ingredi prohibentur: tantum die Sanctæ He-

Helenæ ipsis aditus patet. Secundum hoc templum in adjacente monasterio videtur adhuc ex parte integrum *Stavilii Tauri* vetus *Amphitheatrum* lateritium : & ab altera parte , ruinæ lateritii templi Veneris.

Templum *di S. Maria Maggiore* , ubi præsepe, in quo Christus infans cubuit, ejusque fasciæ , & brachia SS. Matthæi & Lucæ. Sacellum habet magnificentissimum à Papa Sixto v. extructum. & mero marmore obductum , in quo monumentum Pio v. Pontif. Max. fieri curavit, gratitudinis ergo , quod ab illo in Cardinalium Collegium adscitus fuerat. E regione sibi ipsi quoque monumentum fieri curavit, ibiq; post sepultus est. Ante hoc quoque templum Obeliscus egregius, sed tamen ex quatuor illis qui Romæ sunt minimus: ab altera parte hujus templi , è regione ædis S. Antonii nuperrime columna marmorea , parva quidem ; sed elegans erecta est, in memoriam absolutionis quam à Clemente VII. haud ita pridem obtinuit Henricus IV. Galliarum & Naverræ Rex anno Christi 1593.

Pulcherrimus est Obeliscus ante *Templum Lateranense*, totus literis hieroglyphicis inscriptus, & hunc quoque Sixtus v. erexit, & sanctæ Cruci dicavit. Templum

plum ipsum S. Joannis in Laterano præcipuum & primum est inter septem principalia, nedum inter alia urbis Romæ templa. Apud hoc *Baptisterium Constantini Imp.* Locus ubi ille sacro lavamine ablutus fuit, unde similiter alii ad fidem Christianam conversi inibi baptizantur. *Sancta sanctorum*, Capella in quam mulieribus pedem figere non licet. *Scala sancta*, cum gradibus marmoreis 18. quos flexis genibus ascendere, & descendere, & singulis gradibus Ave Maria & Pater noster ter pronunciare debent ii, qui indulgentias ibi consequi cupiunt. Dicunt hanc scalam fuisse in Palatio Pilati, in qua Christus virgis cæsus fertur, ibique sanguinem effudisse, cujus guttæ in medio fere scalæ cernuntur. Sunt & alia permulta ibi Hierosolymis allata, lapis super quem Judæi jecerant sortem, tum, qui super quatuor columnas positus in altitudinem, repræsentat longitudinem staturæ Christi, ibidem.

Quartus obeliscus itidem à Sixiō v. erectus juxta portam populi, sic à vicina æde S. Maria di popolo, denominatam. *Theatrum Marcelli* inter Capitolium & Tiberim, cujus vestigia ab una parte adhuc videri possunt: palatia vero Sabellorum superstructa cæteram
par-

partem absumpserunt, & capiebat olim
dum integrum erat 8000. homines.
Theatrum Pompeii olim fuit, ubi nunc
palatia Ursinorum *in campo del fiore.*

In Palatio Cardinalis Farnesii quam- *Farne-*
plurimæ sunt statuæ pulcræ. Inprimis *si Pala-*
Herculis è marmore, cujus Basis superio- *tium.*
ri parti hæc instructa sunt:

γλυκὺν Ἀθηνᾶς ἐπιφύει.

In posteriore arca conservantur si-
mulacra egregia, unico saxo Apollo-
nio & Taurisco præstantissimis artifi-
bus olim insculpta, quæ fabulam Zethi,
Amphionis & Dirces scitissime repræ-
sentant, eruta tempore Pauli tertii Pont.
Max. ex ruderibus thermarum Anto-
ninarum: quamvis posita sint in lo-
co occluso, tamen à statuario Card.
facile ad introspectiendam aditus in-
petratur.

Palatium Cardinalis Montalti, in
quo & statuæ nonnullæ antiquæ, sed
minus nobiles. In stabulo equus mihi
monstratus fuit, *αὐτοπόρυνος* seu *ἐρμα-*
φροδίτης.

Mausoleum Augusti ad ripam Tiberis
è regione molis Adriani, prope tem-
plum S. Rochi aliqua ex parte integrum
adhuc conspicitur, in horto Palatio cu-
jusdam nobilis Romani contiguo, quod
multi magna cum admiratione con-
tem-

templatur, ex eo quod adhuc superest, in saniam antiquæ illius substructionis facile intelligentes.

*Extra
urbem.*

Jam etiam extra urbem paululum progrediamur; & notatu digna lustremus. Campus Martius planitiem eam totam complebat, quæ à Quirinali protendebatur usque ad pontem Xistum & Tiberim. Non procul à templo S. Laurentii in Lucina, in cellis vinariis multarum ædium, videtur ingens obeliscus, qui medio campo Martio fuerat erectus, literis & notis hieroglyphicis illustris: quem ex Hierapoli transferri Romam iussit Augustus Cæsar, cum duobus aliis, quos statuit in Circo maximo. Hunc longum centum & decem pedes scribit Plinius: atque in eo interpretationem philosophiæ Aegyptiorum contineri.

In ea campi Martii parte, quæ vocatur hodie la piazza di Sciarra, Antoninus Pius crexit altissimam columnam cochlidem, altam pedes clxxv. fenestellas habet LVI. quæ lucem præbent intrinsecus. Quidam asseruit esse confectam ex xxviii. lapidibus. Pars illius exterior continet res gestas Antonini sculptura figurarum excellenti. ab hac vocatur ille locus in Colonna.

Undecim illæ columnæ altissimæ, quæ ad templum S. Stephani in Truglio con-

con-
port-
tation-
lacio.
tonin-
septa-
cus t-
venit-
quane-
lis ille-
lur in-
column-
(quer-
nant,
quem
tribus
le fuit
tur: in
ti, quib-
in Gra-
Hau-
ginis,
per Car-
fonte d-
omnib-
& aqu-
pincip-
mansit
hoc C-
quot,
rum,

conspiciuntur erectæ, sunt reliquæ porticus, quam Antoninus Pius struxerat in suo foro, conjunctam cum suo palatio. Inter columnam cochlidem Antonini, & fontem aquæ virginis erant septa campi Martii. Erat autem is locus tabulato denso septus. in quem conveniebat populus suffragia laturus, quando magistratus erant eligendi. Collis ille qui aliquantulum eminentior tollitur in campo Martio, inter Antonini columnam & S. Laurentii in Lucina (quem hodie Monte Alcitorio nominant) fuit antiquis mons citatorum: in quem ex septis se recipiebant singulæ tribus post lata suffragia. In eodem colle fuit Curia, quæ Villa publica dicebatur: in qua recipiebantur hostium legati, quibus non licebat urbem ingredi, vel in Græcostasi diversari.

Haud procul hinc est fons aquæ virginis, humili & depresso aquaductu per Campum Martium influens: hodie fonte di Trejo dicitur. Et hæc sola ex omnibus aquis, (quas tantis sumptibus & aquaductibus tam sumtuosis antiqui principes in urbem introduxerunt) remansit superses ad usum civium. In hoc Campi Martii tractu sunt ædes aliquot, ut, Pompilii Nari, Gacidiorum, Desiderii Ursati, Antonii Gabri-

brielis, in quibus multæ visuntur antiquæ statuæ. In primis verò palatium Carpenfis: in quo tot statuæ, tot inscriptiones videntur, ut mirari nemo satis possit studium tanti viri in exquirendis iis, quæ ab antiquitate pervenerunt ad nostra tempora, magna omnium doctorum utilitate & voluptate. In primis repositum est ibi in quodam cœnaculo Veneris nudæ corpus, cuius artificium superat reliqua omnia, quæ Romæ sunt. Id si esset planè integrum, nulla esset toto mundo statua, quæ huic conferri posset: neque abs re creditur esse Veneris Cnidiaæ toto orbe celebratæ. Prope hanc Venerem est juvenis non minoris artificii: in quo tanta est membrorum proportio, tam elegans & pulposa musculorum convexitas, ut sculptorum & omnium artificum oculos cum summa admiratine fixos detineat. In alio Musæo huic cœnaculo contiguo statuæ duæ sunt, Satyri & pueri plorantis: quibus nihil elaboratius aut artificiosius; multaquæ præterea omnis generis, quibus Roma nihil possidet magnificentius, nihil admirabilius.

In colle Pinciano, à Pincio senatoris ita dicto, fuit sepulcrum Domitiorum, in quo Nero sepultus est. In clatio-

nore
came
temp
S. T
Galli
jacer
cum
pe C
plo S
amœ
rum
valle
In m
liscu
tus A
sacra
dicitu
sive vi
gines
desod
spatiu
ædibus
potam
Ext
fram
templi
solenn
tronæ
lacrum
ritos u
cabiles

tiore collis parte videtur arcus sive con-
cameratio fornicata, quæ olim fuit pars
templi Solis; Prope quam est templum
S. Trinitatis, à Ludovico xi. rege
Galliæ structum. Non procul abhinc
jacet obeliscus ex lapide Thasio factus
cum hac inscriptione: *Soli sacrum*. Pro-
pe Collinam portam non procul à tem-
plo Susannæ Salustius habuit hortos
amœnissimos & splendidas ædes: qua-
rum ruinæ adhuc sunt superstites in ea
valle, qua itur ad portam Salariam.
In media hortorum parte videtur obe-
liscus non adeo magnus, literis signa-
tus Ægyptiis hieroglyphicis, qui Lucæ
sacratuſ est. Locus adhuc hodie vulgo
dicitur Soloſtrico. Campus sceleratus
sive via scelerata (in qua Vestales vir-
gines, quæ stupro violatæ erant, vivæ
defodiebantur) complebat id totum
spatium, quod est à porta Collina, sub
ædibus & portis Salustianis, usque ad
portam Salariam.

Extra portam Quirinalem, ad sini-
stram viæ Salarie partem, sunt ruinæ
templi Veneris Erycinæ: cujus festum
solennibus ceremoniis celebrabant ma-
tronæ pudicæ. Augusto mense, ad simu-
lacrum Veneris Verticordie, quæ ma-
ritos uxoribus credebatur reddere pla-
cibiles & benevolos: ad hoc templum
sic-

siebant ludi agonaes, unde porta nomen sortita est.

Paullo remotius, super Aniene pons est adhuc integer, quem longa inscriptio docet à Narsete structum fuisse. Ad hunc pontem Annibal imbrum inundatione vehementi vexatus, obsidione soluta, castra removit ab urbe & discessit. Paulo inferius Tyberi miscetur Anio: ibique Torquatus Gigantem Gallum superavit, & ab ejus collo torquem aureum detraxit, à quo nomen postea cepit.

Cæterum (hoc obiter) prope Tybur inter Anienis arenas, leguntur amygdala, anisum, feniculum, & alia plurima petrificata, quæ circumferuntur pixidibus in conviviis, ut matronæ & convivæ deludantur, existimantes esse ex saccharo facta tragemata, quæ vocantur passim confette da Tivoli, & superioribus annis corpus hominis interfecti & coniecti in Anienem, adhæsit radicibus arboris, quæ fluvii ripam ingrediebantur, factumque est longo temporis intervallo, ut corpus à putrefactione conservatum, in lapidem sit conversum.

Ad portam Salariam demonstrantur reliquiae templi antiqui, quod Honori sacrum fuit: & domus illius sive suburbani, in quo Nero Imp. adjuvante
Spo-

Sporo, cuspide sub papillam adacto se interemit, ne in manus & potestatem fenatus veniret, qui illum potcebat ad supplicium.

Sub hortis Carpensibus plurimæ sunt cameræ & fornices obscuri, & longo ordine producti: hos nonnulli volunt esse officinas, in quibus conficiebatur & elaborabatur minium: alii malunt eum locum adsignare habitaculis meretricum, quæ eò se recipiebant tempore Floraliū ludorum; qui celebrabantur in circo Fioræ fornicibus his adjacente.

Sub Quirinali monte sunt ædes Bufalorum, parvæ quidem, si conferantur cum majoribus illis palatiis Cardinalium & principum virorum, sed quæ cæteris non cedunt omni ornamento antiquitatis. Hortulus est consitus diversis herbis rarissimis; & arboribus, palmis, cedris, malis Punicis ac medicis, myrtis & aliis. Palmæ enim videntur Romæ multis in locis; sed nullæ gerunt dactylos præterquam hæ, quæ sunt in horto S. Mariæ del popolo, & S. Mariæ in Transtyberi. Huic hortulo fons est additus, ex tophis marinis efformatus affabre in speciem rupis naturalis, tantæ pulcritudinis, tantorum sumtuum, compositionis tam raræ, ut nihil spe-

speciosius usquam videri possit. Disposita sunt diversis in locis conchylia pretiosa, quæ margaritarum referunt splendorem, & ingentes cochleæ Indicæ lucidissimæ, colore iridis & unionum. Totaque hæc rupes artificiosa venustissime tegitur lauris, cedris, tamariscis, & altis arboribus, quæ præbent umbram fonti subiecto: sub quibus simulacra sunt tria Musarum elegantissima: & Caracallæ Imperatoris, qui pallio marmoris incogniti testus est. Disposita sunt undique signa, quæ suis è loculis extant, ut Denietrii, Maximini, Philippi, Claudii & aliorum. Ex rupe fontis ejiciuntur aquæ limpidissimæ, per tubos & canales æreos mirando artificio, Lithostratum ex marmoribus compactum est exquisitissimis, opere tessellato, ex chalcedonio, porphyro, alabastro, thasio, pario, ophire. Marmaridum & Æthiopum lapidibus. Opus summa admiratione dignum: quodque, licet multo minus sit, pulchritudine tamen & artificii inventionem potest conferri cum fonte Julii P. M. qui ad portam videtur Flaminiam. In summa, quicquid in domo patritii hujus civis spectatur: dignum rege & opulentissimo putarum principe.

Hæc de urbis compendio, charissi-

ma mea nutrice memoriæ mandare volui. Cæterum quia æstatem plerumque vel Tibure, vel iis aliis vicinis locis exegimus; non possum quin illorum quoque utpote amœnissimorum descriptionem ex aliis adjungam.

Tusculum plerumque ipse Pontifex *Frasca-*
 animi causa commigrat vulgo *Frascada*,
 da, oppidum Sabinorum, à Telema-
 cho Ulyssis filio conditum, dictumque
 quasi *Dyscolon*, quod aditum habuerit
 difficilem: in dorso enim Alban, mon-
 tis situm, Catonum natalibus, & vil-
 la Ciceronis celebre, & conjunctio-
 ne cum Friderico Aenobarba Imper.
 nunc penè desertum, & in humiliorem
 montis partem translatum, loco amœ-
 nissimo, salubri, & aquis abundante,
 versus Orientem montibus circunda-
 tum, cæteris partibus planities & sylvæ.
 Olim instaurata à Paulo Tertio Pontif.
 Uno inde milliario monasterium S.
 Matæ cryptæ ferratæ, quod inhabi-
 tant homines Calabri imitantes regu-
 lam D. Basilii, & Græcorum ritu sacra
 facientes. In horto tria sepulchra anti-
 qua, in quorum uno homines insident
 Elephantis, Camelis & Leonibus, &
 basis cum virorum mulierumque ima-
 ginibus pulcherrima.

Eo in loco M. Tullii Tusculanum *Tuscu-*
 L *lanum*
 fuisse

fuisse nonnulli auctores sunt. Strabo Tusculi collem fecundum fecundis aquis & regis ædificiis abundasse refert, & continua esse loca, quæ ad Albanum vergunt montem, eandem tum virtutem, tum apparatus magnificum habentia. Aquam Virginis, quæ hinc via Prænestina ad VIII. milliare Romanam perducitur, in villa Luculli hic inventam, Blondus asseverat.

Præneste.

Præneste, vulgo *Palestrina*, oppidum Sabinorum in de. Ivi monte situm, vel à natura loci nomen habens quod præstet montibus, ut Sex. Pompejus; vel quod illiceta ibi fuerint, ut vult Servius; vel à Præneste Ulyssis nepote, ut Solinus & Martianus Capella; vel à Cæculo Vulcani filio, ut Virgil. Nobilitatum cæde Marii, à templo Syllæ, quod in eo fortunæ dicavit, cujus apud S. Agapetum hodie vestigia extant, & ejus etiam Lithostrati, de quo Plinius meminit. Fuit autem tanto sumtu artificioque factum, ut simile illic non viderim, & ut conjici potest, res à Sylla gestæ in eo repræsentatæ fuerunt. In domo Episcopali mæltæ imagines antiquæ, & simulacrum Fortunæ marmoreum, cum inscriptionibus ab aliis notatis. Alluitur Venestri fluvio. Mons in quo conditum est oppidum olim

Aven-

Aventinus, ut Sequester ait, nunc, ut Lexica habent, Arctinus dictus est. In radice montis, cui quasi affixum est oppidum, castellum fuit aquæ, ubi fornices novem alti & ampli, singuli quatuor habentes ostia, cernuntur. Ante ingressum Castellî xxi. fenestellæ sunt, quibus statuas imaginum suarum veteres imposuerunt.

Fuit in Prænestinis montibus Horatii Poëtæ villa, ubi nunc Ecclesia S. Joannis in Campo Horatii, vel ut alii dicunt, S. Mariæ in villa. Prænestinæ etiam viæ in sylvis proximis non obscura apparent vestigia. Arx summo monti imposita est, cujus dominus Steph. Columna.

Tibur, vulgo Tivoli, oppidum Latii in monte situm; à Tiburto Argivo conditum; à Gallis primo eversum; mox instauratum & auctum, Horatii Poëtæ secessu cantatum, loco salubri & in primis amœno, propter cataraclas Anienis, qui in Montibus Trebanorum oritur, eo loco qui nunc vulgo *del Cozzo* dicitur, ex altissimo monte Tiburtino præceps in profundam vallem decidens, tanto impetu, ut fumum agere unda videatur. Juxta Tibur incipit esse navigabilis, & per viridem planitiem placide labens, Romanos Sabinosque

disternat; tertioque ab urbe milliaro in Tiberim influit, aspectu pulcher, potu dulcis, ingredientibus pumo frigidus; mox calescens, dentes atque ebur immixtum candidius facit. Pontes quatuor habet, sed insigniores *Mammeum*, à Mammea Alexandri Imper. matre dictum, fornice uno ingenti, & duobus parvis: & *Lucanum* à Planco factum quatuor fornicibus: juxta utrumque Inscriptiones antiquæ leguntur, quæ ab aliis relatæ. Ante ingressum Tiburis in quadratis basibus erectæ imagines Leonis, & equi, inter quos certatum fuisse ferunt de Tiburtinorum & Romanorum Imperio, sed equus victor existens, Leone pluribus vulneribus fauciato, opes Tiburis ad rem Romanam traduxit. Est & tertia basis in modum arcus facta, cui imposita tabula marmorea, in qua vir unus sacrificans, & alter cranium hominis tenens, in medio circulus, in quo avicula, & post unum virum cuniculus, ante alterum hircus, de qua nihil certi referentes incolæ, thesaurum ibi conditum somniant. In radice montis antequam in oppidum ascendatur, templum ingens, rotundum & verus, nunc Divæ Virgini sacrum, olim Herculis fuisse asserunt. In ediuori oppidi loco, aliud rotundum, ex-

VITÆ HUMANÆ. 243

ex cujus porticu x i i. adhuc columnæ
superfunt, Sybillæ, ut ajunt, Tibur-
tinæ olim dicatum, & medium inter
duo præcipitia Anienis. Locus ubi ma-
ximum præcipitium est, propter alti-
tudinem vulgo *il Inferno* dicitur. Ca-
strum quod urbem despicit à Pio Se-
cundo Pontifice incredibili celeritate à
fundamentis destructum, & extructum,
est pulcrum & munitum.

Legitur Versus IN PORTA Ant.
Campani.

*Grata bonis, Invisa, malis inimica su-
perbis,*

*Sum. sibi Tybur enim sic Pius insti-
tuit.*

CAPUT XXI.

*Gusmanus post multas nequitias
à Cardinali dimittitur.*

Supra audivistis, quibus modis Se-
cretarius Cardinalis (cui Nicolao
nomen erat) Cubicularium, herum
meum minorem, ludificatus sit. Id dici
non potest quam animo meo molestum
fuerit. Quum verò animadvertissem, he-
ro meo non ingratum fore, si par pari re-
ferrem, etsi non ignorabam periculosum
esse

*Leventum
invenit
cupida.*

esse joculari cum majoribus, animum cohibere non poteram, quin ingenium meum periclitarer, & me non esse vervecum patria esse ostenderem. quin etiam honori mihi futurum putabam, si talis ac tantus vir à me delusus fuisset. Tempori ergo insidians, quum Secretarium scribendis litteris occupatum scirem, clam famulum ipsius purgandis heri vestimentis occupatum accedens, Eho, inquam, Jacobe! Ajo tibi, optimæ perne frustum utrisque sufficiens ad manus esse: sed nec panis deest. tu si vinum nobis procurare possis, lautitiarum mearum participem te fecero. Sin minus, Vale. ego alium quæram cui parata sit copia. Hac ille spe percussus, Quæso, inquit, ne foris quæras, quem hic habes, si velis, contubernalem. Vinum in promptu scio. Tu modo tantillam moram ægre ne feras, & hic paullisper me exspectes. Quum ille abiisset, ego pulvisculo primum quem ei usui jam paraveram, Secretarii caligas, quas ille semipurgatas reliquerat, deinde vino quoque pauxillo quod in vitrea lagena attuleram, conspergo: rursusque ita omnia compono ut fraus apparere non posset. Jam ille poculum vino plenum attulerat, quum ecce herus Jacobum inclamat: qui impatientissimus, degustata

*Mors
stendi-
ter.*

sta
fere
quum
mor
quo
den
etiam
cum
are
male
esset
de in
quit
veter
tatum
nunc
brun
e gr
dent
fecer
bus,
cuius
preme
Qu
bradi
genio
lus sit
dicam
eius r
potesta

stata vix obiter buccella, mihi integrum fere ientaculum reliquit. Secretarius quum caligas induisset, nescio quas morificationes sentire cœpit, tanto magis quod cute esset admodum hirsuta. tandem accedente æstu (Caniculares enim erant) caligæ ita cuti adhæserunt ut unâ cum cute vix femoribus ac pedibus avelli potuerint. Ille infans more famulûm inclamare, rogare quidnam rei esset quod cuti tam tenaciter adhæreret. Illo nescire se dicente, Cubicularius de industria superveniens, Sic ars, inquit, deluditur arte. ne agere feras te veterem gladiatorem à tyrone supplantatum. Scis quos usus mihi paraveris. nunc te quoque compensatum ludibrium haud ægre ferre oportet. Ille indignari, fremere, atque adeo frendere dentibus. Sed quid ageret? Quæ alii feceris, pati oportet. Amotis vix omnibus, caligas unâ cum magna hirsutæ cutis parte exiit; altum dolorem corde premens.

Quum bimestre fere hoc modo Cubiculario interfuissem, Cardinalis ingenio meo immo opere delectatus, rursus sibi me præstare esse iubet. Sed quid dicam? Pudorem semel abieceram, nec ejus recuperandi postea umquam mihi potestas fuit. Audisti forte fabulam,

*Verecun-
dia post-
liminiū
vix re-
dit.*

si non , audi. Idem iter unà fecerant , Verecundia , Aër , Aqua. Jam digressuri comites , alter alterum rogat , ubi quisque postea rursus conveniri posset. Aër respondit , se circa montium summa semper vagari : Aqua , locum sibi esse in intimis terræ visceribus , è quibus ad terram profluat : at Verecundia , Ego vero , inquit , ut verum vobis dicam , unde semel discessero , frustra ibi postea me queras. Id sane in meipso expertus sum. Quis enim non credat superioribus malis edoctum , omnia porro vitaturum quæ offendere herum aut alios possent ? Sed verum est , si vel maxime

*Vis na-
turae &
consue-
tudinis.*

*Naturam expellas furca , tamen usque
recurrat.*

Mihi jam palatum & intestina deliciis , manus furtis , ingenium omne fraudibus assuetum erat. Credo , si in fastigio Vaticanæ molis constitissem , & infrà occasionem aliquam furandi aut nequiter aliquid patrandi vidissem , me prono lapsu ultro me dejecturum fuisset. Nec me terrebant pericula , sine quibus sciebam nullum umquam facinus magnum fieri & memorabile. Nullum vitæ usum capit qui mortem timet. Vidi ego *Metum* vultu pallido , membris debilibus , cute vix ossibus hærente , de-
pi-

pietum. Et profecto servilis res est Metus, præclaris conatibus maxime adversus. numquam incipit: numquam desinit: similis cani allatranti omnes, mordenti neminem: animæ carnifex assidue repræsentans ea quæ vitari non possunt. Utinam vulgatos hos tum recte intellexissem versiculos!

Oderunt peccare boni, virtutis amore.

Oderunt peccare mali, formidine pænæ.

Virtutem non nôram. quomodo amare potuissem? Malus eram: sed nec pænæ metus à peccato me cohibere poterat. illam quidem metuebam, sed quia absens erat, contemnebam; at præsens voluptas ita arridebat ut nihil non ejus causa tam faciundum quam patiendum putarem.

Delectabatur herus meus maxime condituris, ex Hispania aut aliunde allatis. earum vasa vacua pueris nobis deinde in usum cedebant, quibus talos, chartas lusorias, cingula, sudariola, & id genus nostræ sortis suppellectilia asservabamus. Jusserat vero herus Oeconum vasa aliquot diversarum conditurarum, quæ recentes venerant, emere: quibus domum deportandis nos pueri destinati fuimus. Excogito stragem, quo efficerem ut merces illæ vectigal mihi solverent. Extremus

omnium onus humeris accipio : inde
 quum meum præterirem cubiculum ,
 celeriter vas plenum intus depono , va-
 cuum vero alterum, quantum poteram ,
 obturatum , in cellam defero , & aliis
 quæ ceteri comportant , plenis vasis
 adjungo. Ad cœnam cum aliis mensæ
 astantem , insit ad me Cardinalis: Quid
 tibi de bellariis istis , tam recentibus &
 sapidis videtur , Gufmane ? hic quidem
 nulla clavis , sed nec manus juvare te
 poterunt , vasis omnibus in tegulis ob-
 turatis. Respondeo , carissime mi-
 nus me jam esse cupidum : si tamen in-
 genio uti velim , non defuturas mihi
 aliquid etiam è tam bene custoditis re-
 bus involandi rationes. Tum herus ,
 Equidem , mi Gufmane , si arte tua in-
 tra ostiduum è cella hac ad te aliquid
 possis traducere , non modo non succen-
 sebo , sed etiam id omne tibi donabo.
 Si autem id non possis efficere , mul-
 tam seu pœnam tibi ipse indicas volo.
 Ego , Ostiduum , mi here , totam sæpe
 hominis vitam absolvit. Tantum ego
 temporis spacium non posco : sed con-
 ditionem ita accipio , ut nisi ante crasti-
 nam cœnam effectum dederim , pœnæ
 mihi infligendæ arbitrium sit penes Ni-
 colaum Secretarium , à quo scio impense
 me , scilicet , amari : ut qui adhuc picem
 oleat ,

oleat, & glabram habeat cutem. hæc magno audientium, etiam ipsius heri risu excepta. Sequenti die inter prandendum herus mihi illudere, rogare quid astutia mea effecissem: ubi essent promissa illa bellaria? addens, Nicolao jam satis superque esse ubi dolorem suum ulciscatur. Ego, Nicolaus quidem, *here Illustrissime*, sat scio à me abstinebit manus si quod pactum conventum, ratum habeatur: at meas condituræ illæ effugere non potuerunt. Inde, quum jam tempus esset bellaria inferendi, proripio me in meum cubiculum, & è vase illo quantum videbatur in patinam effundo, & herili mensæ impono: qui miratus (nam & ipse paulo ante in cella fuerat) unde ista ego depromissem, Oeconomum jubet statim diligenter omnia vasa inspicere. quo renunciante, omnia salva esse, herus Nicolao, Tibi, inquit, ego Gusmanum ex pacto castigandum trado. At ille, Nihil mihi rei cum tali homine, cujus umbræ etiam appropinquare nolim. Amico ego illo quam inimico-uti malo. quid enim aliud lucrifecero, quam ut ille crabrones in me irritet, qui me vivum quasi excarnificent? Ego gratia ipsius nolle me uti, ajo, ut ejus cassa triumphet. Et, in-

quam , ubi rerum testimonia adsunt ,
quid opus est verbis ? Conditura hæc
ex illis est quas heri domum depor-
tavimus : cujus integrum vas plenum
ecce in meo cubiculo . Hic herus ob-
stupescere , frontem ac pectus cruce
frequentissime signare , omne tem-
pus longum ducere , usque dum subla-
tis mentis rem ipsam inspiceret , me co-
mitante . Cellam ingressus vasa nu-
merat : quumque numerasset omnia ,
me quoque numerare jubet . Numero
& ego . Ille , jurare ausim , ni Gufmane,
te tua pecunia bellaria ista emisſe , at-
que ita imponere nobis voluisse . Ego :
Numerus quidem iustus est : sed lupo
numeratas quoque oves devorat . Sed
ut verum appareat , mittat , si placeat ,
Illustrissima Vestra Dominatio unum
aut duos è ministris , qui vas plenum
inde apportent . Id quum factum , &
inquisitione facta , inter plena vasa
unum vacuum , vel potius scrutis &
veteramentis meis plenum repertum es-
set , mirati omnes sunt meam astutiam ,
ac nihil magis scire cupiebant , quam
quibus artibus id effecissem . Sed ego
sedulo quidquid ejus rei erat celabam :
hero tamen soli mysterium hoc in-
dicavi : qui ut promisso satisfaceret ,
primum vasculum non tantum mihi
reddi ,

reddi, verum alterum quoque addi
 jussit. Nec ego munus aspernatus sum; *Animo*
 mox tamen omnia inter contubernales *genera-*
 distribui, ut nobilem meum ac gene- *sus*
 rosum animum omnibus probarem,
 quem herus non minus quam astu-
 tiam meam demiratus est. & jam tum
 proculdubio me abegisset, nisi ætatis
 meæ rationem habendam sibi duxisset.
 tum illud quoque verebatur, ne extru-
 sus, alibi ad majora obhærescerem
 flagitia. Dissidentiam ergo omnem,
 quantum fieri poterat, dissimulans,
 humanissime mecum & agebat & lo-
 quebatur: adeoque vix umquam de-
 licatum aliquid degustabat, quin mi-
 hi quoque aliquid porrigeret, sic in-
 quiens: sit mihi hæc arrha pacis tecum,
 mi Gusmane. non minus ego quam
 D. Nicolaus dissidium mihi tecum esse
 nolo. Buccella hac jam contentus sis:
 quam tibi velut tributum dando, va-
 sallum me tuum agnosco. Et hæc qui-
 dem vultu læto admodum & expor-
 recta fronte, audientibus quibusque
 non sine suo & aliorum risu ita dice-
 bat, ut ex animo benevolo loquutum
 facile appareret. Erat enim vir placi- *Heri-*
 dissimo ingenio, moribus inculpatis, *quales*
 magis tamen ex læto quam tristi aliquid *esse de-*
 trahentibus. & ut suos amabat & fove- *beant.*

bat, ita vicissim ab eis amabatur tamquam communis omnium pater, & ut numen aliquod colebatur. Et sane desipiunt, qui quum famulos despiciatui habeant, magni fieri ab eis volunt: ut & illi qui male mercedem solvunt, interim familiam ad omnia obsequi obstrictam & promptam volunt. Fieri non par est ut ei quis bene velit, à quo nihil ipsi bene fit.

*Gulmanus
de
deliciis
appetens.*

Non multo post Genua ad herum meum perlata sunt vascula aliquot condituris plena: Domo tum forte aberam: eoque ab hero & familiaribus consultabatur, ubinam deliciis illis tutus à manibus meis locus querendus: tanto magis quod ad exsiccandum quem in via contraxerant, nimium humorem, soli exponere eas oportebat. Erat qui diceret etiamsi in ipsam urnam qua C. Julii Cæsaris cineres olim inclusi, conderentur, non tamen à manibus meis carituras periculo. Auditis reliquorum sententiis, herus consilium cepit longe ab aliis diversum: quia, inquiens, nullibi tutas existimatis, præstat ut ipsius custodiæ hæc omnia committamus. Quare ad se vocatum ita alloquitur: Quid de condituris his tibi videtur, Gulmane? Vides madore fere corruptas esse: quid consilii hic aut remedii? Ego, Mihi quidem, inquam,

VITÆ HUMANÆ. 233

quam, optimum videtur, ut simul ac
semel absumentur: ne scilicet quid pe-
reat. Ille, Quid censes? An putas posse
te hæc omnia absumere? Tam multa
quidem hæc non sunt, inquam, si mul-
tum sit temporis; mihi tamen non est
tanta ingluvies, ut rei huic parem me
præ ceteris autumare ausim. Volo ergo,
ajebat herus, ut hæc tu in tuam accipias
custodiam. & madida soli exponas
quoties necesse est. Fraudem commit-
tere hic non potes. En aberra tibi omnia
uti sunt consignantur. Per te quidem se-
curo mihi ab omni damno, hæc quidem
in re, esse licet. Nescio quid futurum
sit, respondeo. hoc scio, ne à me ipso
quidem me securum esse. Filius enim
Evæ sum. quam facile autem potest fie-
ri ut in hortum hunc deliciarum posi-
tus, à serpente carnis meæ tenter, ac
vincar! Subridens herus, ut, inquit,
bene omnia habeant, & tu tentationem,
ego damnum vitæ, en hæc omnia
uti sunt tibi trado, tu vide ut omnia &
singula sic uti sunt reddas. Verbum hic
satis est. Respondeo ego, non illud sed
aliud quiddam animo meo obversari.
Roganti, quidnam? Ajo, Teneri animi
ac imbecillis conscium, illud me præ-
videre, si provinciam hanc in me su-
scipiam, fore, ut bona pars fideicom-
missi.

missi à dentibus meis contrucidetur, & per fauces in stomachum descendat, nec tamen ulla strages appareat. Tum herus, Periclitari tibi hic omnes ingenii tui vires licet, & ad satietatem quæ maxime palato tuo arrident, ingerere, ita tamen ut postea quando mihi es redditurus, nullus palam sit defectus: qui si appareat, tu quod deest de tuo suppleas duplum peculio. Accipio conditionem: & sequenti die dum ad solem madida siccò, odore fragrantissimo florum citriorum & limonum melle ac saccharo conditorum percussus, abstinere non potui quin superiori parte omnino illæsa, sed inuenta, cultello fundum scrutatus, quantum satis mihi visum fuerat, partim in ventrem congesserim, partim asservarim, suppletaque chartis laceris lacuna, superiora ita reconcinnârim, ut ne vestigium quidem aut suspicio fraudis deprehendi posset. Ad cenam bellaria me inferentem herus rogat, quonam modo custodia mihi procederet. Quod si cetera ita se haberent ut quæ jam apposueram, industriam & fidem meam laudare. ego ingenium meum ostentaturus, apporto omnes capsulas, easque apertas hero omnes ostento: quo nihil desiderare se dicente, in patella pauxillum quid ejus quam

quam dixi condituræ simul promo, & querenti hero, quid rei hoc esset, respondeo, velle me Illust. S. D. de furto meo aliquid communicare. Replianti permisisse se non ut furarer, sed ut ad satietatem ederem, respondi, & degustatum aliquid à me non leviter, & hoc tantum testimonii causa servatum. Inspectis diligenter omnibus capsulis, quæ multæ erant & variæ tam materiæ quam magnitudinis, quum fraudem herus deprehendere non posset, quærit, Quænam illa esset in qua furtum factum. Commonstratam & apertam diligenter rimatus, multo magis quam antea ingenii mei subtilitatem mirari cœpit. Ego etiam (ô sinistram mentem!) mihi ipse applaudebam, non considerans, istam ingenii, ut interpretabar, laudem omnem mihi fidem apud herum abrogaturam. Ad id tamen mihi proderat, quod non facile quisquam familiarium irritare me auderet: quum ego omnibus fere & singulis, meis præsertim æqualibus quotidie fere ludos facerem & negotii quid exhiberem. Ob-

Exercitia puerorum, &c.

pomeridianis magistrum ad animos nostros tam bonis moribus quam artibus imbuendos, nobis appositum audiebamus: cui, etsi nequam, valde charus eram, ob summam ingenii agilitatem, qua nullo fere labore intra breve tempus non mediocrem Latinæ & Græcæ linguarum, nec non aliarum artium ac scientiarum cognitionem eram consequutus. Reliquum temporis quod ab heri servitio immune erat, ridiculis historiis & fabulis legendis, cantando, ludendo, aliaque talia faciendo consumebamus. Quod si domo prodiremus, id eo tantum fiebat, ut cautionibus insidias strueremus. Noctu per plateas discurrendo, seminarum meritoriarum ædibus lascivo ac turpi cantu, vel etiam pulsu, aut saxorum jactu iludebamus. Forsan tu ô adolescens, vitam hanc suavem existimas? At ita vivam valeamque, ut mihi fordebant ac displicebant omnia. Suspirabam ac gemebam dies noctesque, & præsentis mei status pertasus, incertis & quarum capax non eram rebus inhiabam, præsertim quum prima lanugo malas mihi investire, immò obtegere inciperet. Minime omnium dubito, si frugi fuisset, alitero non defuturas mihi fuisse promotiones. Ego vero tantum abest ut honestis

nestis studiis & obsequiis heri aliorum-
 que benevolentiam mereri studuerim,
 ut plerisque imprudentia mea & licen-
 tiosis facinoribus offenderim. Sed vix *Ludendi
 di lubi-
 do.*
 quidquam magis me tenuit ac perdi-
 dit quam ludendi cacoethes & insana-
 bile vulnus. Huic uni studio ita eram
 deditus, ut omne tempus mihi perdi-
 tum, immò acerbum existimârim,
 quod ei non impendissem. nec domi
 tantum cum contubernalibus, sed foris
 etiam designatas obibam stationes. Et
 ut in ceteris meis actionibus, ita hic
 quoque summa utebar libertate, nec
 ulla erat fraus cujus non essem peritus,
 præsertim in Primeæ, ut vocant, lu-
 su. Quæris forte, cur non earum im-
 posturarum aliquas recenseam? Equi-
 dem facerem isthoc non quidem eum
 in finem ut usurpare, sed ut ab aliis
 usurpatas notare queas: nisi mihi ita
 videretur, ab omni lusu (tali quidem ubi
 pecunia periclitatur) juventuti abstinend-
 um esse. O perversos homines, qui re
 animo recreando inventa ad ejus carni-
 ficinam abutuntur! O quantos angores
 & mœrores sæpe sensi, quum numis
 omnibus perditis, à victoribus insuper
 ludibrio haberer! Alia taceo tam da-
 mna quam pericula, quæ profusa illa
 ludendi parit libido. Licet autem omni-
 bus

bus noxia sit & indecora, in nemine tamen minus ferri potest quam in famulo aut ministro. nec scio ego cur panem meum ei homini præbere velim, qui neglecto ministerio, nihil aliud cogitet ac somniet, quam lusum. qui absumto peculio, mox ex ipsius patroni facultatibus ludendi quæsiturus sit materiam. Vitium hoc in me herus cane & angue pejus oderat, & tam benignis admonitionibus quam acerbis increpationibus emendare studebat. Sed quum nihil se proficere cerneret, dimittere me statuit, ita tamen ut si vel tenue aliquod emendationis signum animadvertisset, me lubenter fuerit retenturus. Accidit vero ut perditis die quodam omnibus quos habueram numis, tandem etiam ipsa vestimenta mea deposuerim, eaque itidem fere omnia perdiderim. O bone Deus, qui tum fuere mei angores! inter quos domum reversus, clam cubiculo me includo, certus non exire donec ipsa fames me expelleret. Sed quo prætextu? Morbum simulare non audebam, quod scirem Medicos statim ab hero, pro valetudine suorum nimis quam sollicito, ad me summissum iri. Sed nec dissimulare aut negare poteram factum quod jam in ore omnium erat. Interea herus absentiam meam miratus, rogare ubi essem:

*Gastma-
nus ve-
stis lusu
perdidit.*

essen-
set, ai-
Quum
delatio-
dem r
depre-
inde
indign
precat
secus a
omnia
tur. ne
sime i
lui: l
omnia
ipsa ad
redire
mam d
pretab
lens,
dinalis
mei,
Sed unu
bonis n
verber
ipsa ego
hictoru
quam
commo
rum cer
ram: qu

essem : an forte mihi mali quid accidisset , aut litigium cum aliis intercederet .
 Quum mustarent omnes (nōrant enim delationes ac delatores ipsi invisos) tandem rem ipsam ipse expiscatus est : ac deprehensa veritate , vestiri me , ac deinde dimitti iussit : quod quidem tam indignis ego tuli modis , ut sine ulla deprecatione , cum ira discefferim : non secus ac si herus alere me ociosum & ad omnia mea flagitia connivere cogetur . nec postea umquam , licet humanissime invitatus , in aedes ipsius redire volui : licet intellexerim cum in finem omnia facta , ut cognitis meis erroribus , ipsa admonente necessitate , ad frugem redirem . Ego verò absentia (ô summam dementiam !) injuriam , ut interpretabar , mihi factam vindicare volens , pertinaciter me umquam in Cardinalis , tam liberalis , ac benefici patroni mei , conspectum venturum negavi . Sed unum scilicet restabat , ut quum nec bonis nec malis verbis , atque etiam verberibus corrigi possem , tandem ab ipsa egestate & multiplici miseria delictorum meorum admonerer . Ah quam male tum & præsentibus me accommodare , & melioribus rebus , quarum certa mihi spes erat , servare poteram ! quàm ingratus erga cum , qui tanta chari-

*ventu-
tis mo-
res.*

charitate me complexus fuerat ! quam negligens earum rerum quæ ad salutem meam pertinebant ! quam superbus & arrogans erga herum mansuetissimum ! quam surdus , quam obstinatus ad omnes & admonitiones & increpationes ! quam brutus ad omnes rationes , quibus vitæ mihi suadebatur emendatio ! Fateor , si uterque meorum parentum , quorum operâ lucem hanc aspexi , adhuc fuissent superstites , aut ad vivos rediissent , & summa fortunæ prosperitate usi essent , tantum mei causâ numquam facturos fuisse , quantum optimus ille herus meus fecit . neque enim ego cum illo ut hero , neq; ut cum patre sed quasi cum æquali vivebam & agebam . non indignabatur , non irascebatur ; sed peccantem ita admonebat ut summa in eo eluceret humanitas & charitas . O animum rege dignum ! Non diem unum , non septimanam , non annû , sed multos annos poenitentiam meam expectabat . Sed ego mei sequebar ductum genii ; carnis indulgebam suggestionibus & illecebris , quæ vitia mea foventes , ad omnem virtutis sensum animum meum stupidum fecerant . Nec est ut ingenium meum aut naturam incusem : quam ad malum pronam quidem sed tamen ad bonum quoqueabilem fuisse , testis

*Malicia
spontanea.*

mihi

mihi ipse sum. Mea culpa fuit quod bonum aversatus, malum sequutus sum. Faciebat illa officium suum, veritatem mihi repræsentans; sed illa victa tandem assidua peccandi consuetudine, succubuit. Quid multa? Faber ego ipse meæ fortunæ fui.

In eo quod herus domo sua me eiecit, non possum dicere injuriam mihi factam: at quod non multo post per internuncios revocatus, quasi postliminio redditum mihi aperuit, quantæ quæque incredibilis fuit humanitatis? Quid ego? Quasi rex essem, aut ad minimum satrapes aliquis, non modo non parebam revocanti, sed etiam animo meo nescio quam vindictam volvebam. Pessimum illuderat, quod ut ante bona, ita nunc mala mea non intelligebam. Vagabar per urbem quò pedes me portabant, seu ut ille dicit, Ibam quò poteram; quò non poteram, ibi stabam: & quia prosperis meis rebus amicos habueram, non deerant quoque qui me invitabant, tantisper scilicet, dum in oculis aliquid mihi esse scirent. Atque utinam argento tantum conversatio illa mihi constitisset! sed ita est profecto: qui cum malis edit ac bibit, corpus quidem nutrit, sed animum destruit. nunquam bucellæ
istæ

*Noxium
malorū
contuber-
nium.*

istæ quamvis delicatissimæ palato meo tam gratæ fuerunt, quam noxia rebus meis consilia & mores, quæ ibi accepi, & quos ibi hausi. Mihi ex omnibus nihil reliquum factum est quam cœnitentia, & quidem nimis sœra. Quasi insensibiliter insinuant se in animum vitia; & quam facile admittuntur, tam difficulter profligantur. Erat mihi domus Cardinalis adhuc aperta, atque ipse Oeconomus, jussu h. e. i. nunciabat mihi, ut quotiescumque vellem, ad cibum sumendum venirem, & si quid aliud mihi necessarium indicarem: ego autem facere id pertinaciter recusabam, malebamque cum malis esurire, quam cum bonis satur fieri, amicorum, uti falso putabam, suasu incitatus, inquietum: Quid tu ista nobilitate, ista ætate, isto ingenio juvenis aut vir potius, an cuiquam supplicabis? an gratis te ali exprobrari tibi patieris? Ostende potius tibi quoque bilem esse: & tuis dotibus ac virtutibus digniorem conditionem exspecta. Hæc quidem ita illi mihi suadebant: sed mox ut nihil mihi reliquum viderunt, non modo desertum me passi sunt, sed etiam meam velut noxii alicujus sideris vicinitatem ac consuetudinem fugiebant. nemo jam erat qui invitaret aut domum deduceret.

ceret. quinetiam domesticis omnes mandarant, ut si venientem me viderent, januam clauderent, & licet domi essent, *Hospitalitas est jusque regula.* domi tamen esse negarent. Mirabilis certe res est Hospitalitas. Qui invitant, plerumque mel habent in ore, fel in pectore. promittunt liberaliter, dant parce. cum hilaritate invitant, edunt cum afflictione. qui alterius hospitalitate utitur, si fastidium sui vitare velit, sedile nec frequenti sessione atterat, nec diuturna nimis calefaciat. Equidē hanc ego velut regulam ubique observandam tibi præscribo, ut apud cognatum unam septimanam, apud fratrem, unum mensem, apud amicum, unum annum, apud patrem, quam diu velis, divertas ac commoreris. Soli parentes liberalitatis suæ in liberos viscera claudere non possunt. Si qui faciunt, pecudes sunt, non homines. Quam liberales autem liberi sint in parentes, nimis verum ostendit proverbium, quo pater unus decem filios, decem filii unum patrem alere non posse dicuntur. In universum de hospitibus illud dictum puta: *Qua riduanus est, fetet.* Quod si vel maxime ipse paterfamilias tuo delectetur consortio, tēq; commensali gaudeat: abhorrebit aut mater, aut uxor, aut soror, aut alius parasitorum; ac cibum ita tibi benedicent, ut si vota eorum sint

M

effi-

efficacia, ultimus ille tibi futurus sit. Mihi quidem si focus sit proprius, domi panem secundarium cum vili obsonio, quam foris assos pavones esitare malim. Sic desertus ab omnibus, ut filius ille prodigus optabam fieri sicut unus mercenariorum in domo heri mei. tanto autem maior mea erat calamitas, quod licet sæpe ad frugem redire animum induxerim, frustra tamen laborârim. Scilicet qui non vult quando potest; quando non poterit, frustra volet. Pudorem bonum esse fateor: est tamen quidam non inutilis tantum, sed & damnosus.

Nihil sane me magis absterruit, quominus ad Cardinalem redirem, quam quod & culpam apud herum deprecari, & in contubernaliū meorum consortium redire sine rubore non poteram. Sic ego dum charybdim vito, in scyllam incidi. Nec Fortunam, quæ nihil est, nec malignum aliquod sidus incusare poteram. Astra, ait ille, inclinant, non cogunt. & *Sapiens dominabitur astris*. Audias quosdam in miseriis ita dicentes: Ah Domine! Hæc quidem voluntas tua est. Sic fieri quidem necesse fuit: & quod futurum est, quidquid fecerim, tandem tamen futurum est. Nolo hîc ego altum sapere, aut ultra crepidam iudicium profere.

ferre. sic tamen sentio, ad peccatum neminem cogi nolentem. Quod male agis malum non foret, si tu malus non esses. Ego certe melius futurum me puto, si meipsum incusem, non fatum meum. Malus sui. at multi quoque alii. Crates Thebanus aiebat, neminem inveniri qui lapsus non sit. Locus nullus est in quo omnes aut improbi gignantur, aut probi: Et privatim, nemo nostrum esse qui non peccat. Recte Horatius:

Nam vitis nemo sine nascitur. optimus ille est,

Qui minimis urgetur.

Lib. 1.

st. 3.

Etiam ii qui propter virtutem in admiratione sunt, non abstinerunt ab omnibus quæ vitare debebant. huic enim hoc, istis illud, omnibus autem omnino aliquid accidit, ut universi agnosce- *Seneca I de Clem. c 6.*
rent se homines esse. Peccavimus omnes, alii graviora, alii leviora; alii ex destinato, alii sorte impuls, aut alienâ nequitia ablati; alii in bonis consiliis parum fortiter stetimus, & innocentiam inviti ac renitentes perdidimus. nec delinquimus tantum, sed usque ad extremum ævum delinquimus. Etiam si quis bene purgavit animum ut nihil obturbare eum amplius possit ac fallere; ad innocentiam tamen peccando pervenit. Quotusquisque ex quæstoribus est, qui

Man.
Imp.or.6

non ea ipsa lege teneatur qua quærit ?
quotusquisque accusator vacat culpa? Et
nescio an nemo ad dandam veniam dif-
ficilior sit quam qui illam petere sæpius
meruit. Quamobrem præstaret in nostra
nos mala potius quam proximorum in-
tentos esse. Sed sit humani ingenii vi-
tio, ut quæ in aliis exima sunt plerum-
que non agnoscamus; at multa à quibus
absumus, nobis ipsi vindicemus. Sapi-
enter ut multa alia, Cicero, quoniam
vivitur non cum perfectis hominibus
plenèque sapientibus, sed in quibus
præclare agitur, si insunt simulacra vir-
tutis, neminem omnino negligendum
esse monet, in quo aliqua significatio
virtutis appareat. In primis autem Ju-
ventutis errata ad vivum ressecanda non
sunt, de qua verissimum illud est de
anguilla manu compressa symbolum:
si stringas, erumpit; si laxes, erepit.

Alexis
Comicus

Est naturâ homo vino simillimus
Quodammodo. nam vinum sicuti novum
Necesse de fervere est: sic prorsus & ho-
minem.

Ac primum quidem velut florescentem
aliis esse injurium,

Post durum fieri. hæc autem quæ dico om-
nia

Vigere quum desierint, atque ille exhausse-
Sultitiam ameniem quæ superne innatat,
Ve-

Ipsa
lesce
pun
lius
biles
toro
pedag
pidita
niver
est,
indul
mus li
Qu
Lib
Syl

Unde
tiæ fo
probita
in men
quæ ad
præcat
magis
expert
tam vi
tam,
varis i

Velut potui fit idoneus, ætatem nactus bonam,

Ac in reliquum tempus degit gratus omnibus.

Ipsa nimirum natura sic profundit adolescentiæ cupiditates; quæ si ita erumpunt ut nullius vitam labefactent, nullius domum evertant, faciles & tolerabiles haberi solent, quoniam includi ex toto non patiuntur. Hinc etiam boni pædagogi non omnibus puerorum cupiditatibus adversantur, sed sæpe conivent. At summa hic cautione opus est, ne nimia sit aut intempestiva illa indulgentia. Nam Deteriores omnes sumus licentiâ.

Quem non corrumpit effræna, novæque Sat. 3.

Libertas properata togæ? cen nescia falcis Syl. 2.

Sylva comas tollit, fructumque exspirat in umbras.

Unde lacteus ille Christianæ eloquentiæ fons: *Arctiore disciplina minor ætas ad* Cap. 19.
probitatem justitiamque formetur: quæ nisi in metu cobibeatur, licentia pariet audaciam quæ ad omne flagitium & facinus evadet. Et præcare magni Imperatoris magnus magister: Quemadmodum agriculturæ in- Plutar-
chas.
expertus regionem quam densis cernit ob-
scure virgulis plantisque sylvestribus incul-
tam, feris refertam, fluminibus ac fontibus
variis irriguam, cænoque plurimo quaqua-

versum in viam, floccipendit, rei vero rustice
 gnarus hæc omnia fertilitatis indicia esse co-
 gnoscit, terreque ubertatem hinc aestimat: ita
 & absurda, prava ac importuna magnæ ali-
 quando produciunt naturæ, quæ nos confestim,
 quandoquidem asperitatem ac stimulos haud
 ferre possumus, præcidi penitusque eradicari
 oportere arbitramur. at optimus iudex utile
 ac generosum ex his discernens, etatem hor-
 rumque rationis & virtutis cooperatricem,
 quâ natura fructum debitum & opportunum
 ferat, benigne præstolatur. Apage vero il-
 lam; Phœdræ Lenam, cuius hæc ad
 Hippolytum verba sunt:

Senec.
 Hipp.

Quæcumque latis tenera luxuriat satis,
 Arborque celsò vertice evincit nemus,
 Quam non maligna cedit aut refecat
 manus.

Ingenia melius recta se in laudes ferunt,
 Sed nobilem animum vegeta libertas
 alit.

Apage, inquam, talia monita, quæ
 ætati alioqui pronæ ad peccandum fe-
 nestras aperiunt. Tanto ego magis po-
 stea mihi succensui, quod optimæ disci-
 plina male usus essem, & cum Phrygi-
 bus sero admodum sapere cœperim. Fe-
 lices qui mature ad frugem se recipiunt.
 Nullum ingenium sine vitio nascitur.
 Tum, Vix quispiam transit in bonum nisi
 ex malo. Expertus Seneca, Da mihi,
 inquit,


Publ.
 Syrus.

inquit, quemcumque magni nominis virum, dicam quid illi ætas sua ignoverit, quid in illo sciens dissimulaverit. multos dabo, quibus vitia non nocuerint, quosdam quibus profuerint. Adeo nulla res consummata est, dum incipit, & in omni alio negotio longe à perfecto absuere principia. In eandem sententiam ille non eloquentiæ modo, sed & morum optimus formator Fabius: Nulla est disciplina, in qua non peccando discatur. Quamobrem de nullo omnino desperandum, nisi qui magna quadam insania de se ipsis desperarunt. Neque tamen, ut idem monet. differendum (si tyrocinium in senectutem. Quanto minus studium virtutis. Sed ita est. Optimam partem ætatis vitis perdimus, extremam virtuti & Deo reservamus. Mihi quidem ita accidit: ut in Catastrophe hujus meæ Fabulæ, si vitam D E U S suppeditaverit, audies.

Habes, Lector, Infantia, Pueritiæ, & Adolescentiæ meæ historiam, & velut HUMANÆ VITÆ PROSCENIUM. Secunda parte robustioris ætatis robustiores nequitias in ipsam Scenam cum Deo volente, producam: non ut imiteris, sed ut fugias, & ne decipiarere caveas.

F I N I S.








641830 Bibliotheca 2800 ✓
P.P. Camaldulensium in Bielany

Depozyt w Bibliotece Jagiellońskiej



03230

K. I. 21



Vitae durandae
Proculentum
sub persona
Sammami Alarum
Auth. Gasione E.

2480